

金光明經文句卷第一

第十

約一

天台智者大師說 門人灌頂錄

此四卷文摠有十八品舊來分割盈縮不同江北諸師以初品為序壽量下訖捨身為正讚佛為流通正文又三壽量下是正說四王下大捨護經除病下大悲接物江南諸師以

初品為序壽量下為正四王下十三品為流通真諦三藏分新文二十二品初品為序壽量下至捨身十九品為正後兩品為流通真諦釋云壽量明師果懺歎兩品明弟子因授記是弟子果除病是師因四王下正論力用前師果弟因既為正後師弟因果何得為流

通邪今師謂分文本是入人情咸謂序未辨道流通歇未不得論師弟因果是義不然夫三段者不可杜斷隔絕序本序於正通序則有三義正本正於序通正亦三義通本通於正序通亦三義上中下語皆善故又衆生得道根性不定何容序無滋味流通歇末邪既不歇末說師弟因果亦應何妨如序中說正亦應無妨流通中有正意彌是督勵宣行不乖經意又法華中明阿私仙是師因持品授弟子果記諸師咸判是流通此有其例於義無妨與奪由人不須苦執也今從如是我聞入壽量訖天龍集信相菩薩室為序段從

余時四佛下訖空品正說段從四王品下訖經流通段序者序將有利益正者正當機辨道流通者流名下注通名不墜欲使正法之水從今以注當聖教筌第不墜於末世經曰上中下語皆善即此義也疑者云序分何得入正品中眾經例爾如維摩無序品序在正

說中大品正說在序品中涅槃序分入正品中眾經皆然不以為疑何獨或此斯乃出經者意為四佛斷疑孤然而起其文漸絕引序分安壽量中今從義便不得齊品分割也序有三義一次緒二敘述三發起次緒者居一部之初冠眾說之首故言次緒敘述者敘於

方將述於當益故言敘述發起者發其信心起於教也一段經文含此三義故題為序品品者梵語稱為跋渠此為品也品是類義此中文句氣類相從節之為跋渠例如律中有篇聚毗曇有捷度爾從如是下是次緒從是時如來下是敘述從其室自然廣博嚴事下是發起次緒之序舊云五事地人開佛是為六事此經天龍集信相室不聞前序不聞後夢亦得是同聞亦得是非也同聞衆少不次第此之五六亦名印定序三世諸佛經初皆安如是故亦名通序與諸經同亦為通名作本故亦名經後序結集者所置故亦名經

前序遺囑令安故亦名破邪序對破外道阿塢故亦名證信序令聞者不疑故天台師云摠此六說都是四悉檀意也諸佛諸經同是世界悉檀也經前經後為利來世是為人悉檀也對破外道是對治悉檀也信順無疑是第一義悉檀也舊解如名不異是曰無非阿

難所傳文句似瀉水分餅與佛一種故不異稱如文下之理允當無謬故無非曰是略而言言之文如理是肇師云如是者信順之辭也信則所聞之理會順則師資之道成真諦三歲云如是者決定也數決定理決定佛說此經有若干文句若多成增謗若少成減謗阿

難傳之如瀉水不多不少故數決定佛說無相之理不有不無若有增減若無減滅阿難傳之無增無減故理決定龍樹解如是者信順之辭也信者言是事如是不信者言是事不如是此之四解各據一悉檀意舊解語摠不顯文詮何等理為如何等理為文所詮為是既不顯了只是世界悉檀意肇師據信順是為人三歲文理決定為對治龍樹信順如是為第一義云今作通別二釋佛如法相而說阿難如聞相而傳故言如也佛如法相而解阿難如海量而受故言是也云別釋者外曰阿塢稱吉文乘其理故非如理異其文故

非是不可見阿垢在初而中後皆言也文如其理故言如理如其文故言是今謂三藏經初云如是二諦各異故非如理淺故非是摩訶衍二諦相即故言如理深故言是今謂三人同聞而各解故非如證入優劣故非是唯菩薩所聞者為如菩薩所到者為是今謂離

邊明中之文則非如出二諦之外有中道則非是文字性離即是於如故言如一切法即佛法名之為是初破邪明正即三藏經如是次破異明同即通教經如是次破淺明深即別教經如是次破離明中即圓教經如是此經既是方等通被根性不同作種種說无咎

觀心解者觀與境真故為如境即正觀故為是經言如此觀者即是正觀若他觀者名為邪觀即其義也我聞者舊云阿難不師心親承佛言故曰我聞真諦曰我是器義一散心名覆器無聞慧故二忘心名漏器雖得而失無思慧故三倒心名穢器非而謂是無修慧故阿難無三過唯是善好器親承有在故言我聞釋論云耳根不壞聲在可聞處作心諦聽因緣和合故稱聞阿難與聽眾述佛遺言親承不謬故言我聞師釋我有四義謂我我無我無我我無我而不二真我義配四根性人云聞亦四義謂聞聞不聞不聞聞

不聞不聞配四教法人云有四種阿難謂歡喜阿難賢阿難典藏阿難海阿難為四種緣立四種名歡喜阿難是我我用聞聞親承丈六身佛持三藏法故言我我聞聞賢阿難是我無我用聞不聞親承丈六尊特合身佛持通法故言我無我聞不聞典藏阿難是無我

我用不聞聞親承尊特身佛持別法故言無我我不聞聞海阿難是我無我而不二用不聞不聞親承法身佛持圓法故言我無我而不二用不聞不聞此經通三乘說聽一音各解故須分別云觀解者若作攀上厭下觀是為我我聞聞若作析體兩種從假入空觀皆

是我無我聞不聞若作從空出假觀是無我不聞聞若作中道觀是真我不聞不聞一時者摩訶云法王啟運嘉會之時也三藏云高時下時皆是若過若不及不堪聞法唯有平時即是一時也私謂高時慢心不行下時耽荒五欲不耽不慢是平時也師釋眾生感法佛慈赴教機應之時也亦是發真見諦之時也亦是法眼明朗照世之時也亦是佛眼照中之時也云而言一者若前思後覺斯二非一思覺妄斷豁悟之時故言一時也觀解者從假入空與真一時從空入假與機一時中道正觀與法性一時云佛者真諦云佛有

三義一切智異外道惑悲異二乘平等異小善產餘人無此釋論明佛是第九號佛名為覺覺世間出世間常無常數非數等朗然大悟故名為佛天台師云佛者依一切智有丈六佛依道種智有丈六尊特佛依一切種智有法身佛三佛不得一異非一異而一異爾

觀解者空觀覺知諸法一相假觀覺知諸法種種相中觀覺知諸法無一異相亦一異相云住者佛是能住王舍城是所住處真諦明住法有八一住大千界內二住依止處王城也三住五分法身壽命現在也四住威儀利物五天住住禪定六住住四等慈悲七聖

住住三三昧八大處住住第一義也釋論四住攝八也天住梵住攝其天住定住聖住攝其五分命住佛住攝其大處住又有迹住王舍城攝其界內依止威儀三住天台師云丈六身佛住真諦也丈六尊特合身佛變住真中也尊特身佛變住俗中也法身佛住中道也觀解空觀住真假觀住俗第一義觀住中王舍城者釋論大出因緣初立五山中七燒七造王來居此故言王舍又云他舍被燒王舍不燒後悉排云是王舍即得免燒自是已來呼為王舍觀解五陰為舍心王居之故言王舍耆闍崛山者釋論翻鷲頭真諦云曲鳥

山在王舍城東南毗富羅山在西南仙人山在西北黑土山在東北白土山在中央中央三由旬平正即王城也觀心山者靈即神智是般若也驚即萬德是解脫也山即不動是法身也常為心王所觀即是觀之住處也令一切心數同入其中也此經關同開衆者謂時有五處有四者山衆不聞信相室說信相室衆不聞夢中說夢中衆不聞夢覺已說衆非一座故不列同開若爾阿難不應稱我聞然雖不聞佛更為說又其得佛覺三昧能自通達得稱我聞也從是時如來下是敘述序敘下十七品故亦名別序簡異餘經亦為別名作本故言別也別義為七一從是時如來下一行半是入定別二從是金光明下訖二十七行偈是敘述別三從壽量品下是懷疑別四從大士如是下是瑞應別五從信相見佛下是騰疑念別六從四佛告下是止疑別七從欲色界天下是集衆別生起者佛常在定而群機扣佛佛欲應之故示軌儀如來常寂猶尚樂定入游法性出敘經王信相聞深法疑法既是常人壽那短是故懷疑善善福力疑能感應故四佛現佛現即騰疑騰疑疑故佛即止疑當兩法兩故大衆雲集七事異他經故言別也已說七別竟或時作三別一

從是時下名敘述序二從壽量品下名現瑞序三從時四如來下是衆集序云言敘述序者敘後十七品初五行敘壽量品為三初兩行敘果德次一行敘懷疑次兩行敘斷疑細作可尋次一行半敘懺悔品破惡生善之意云次一行半敘讚歎品生善破惡云次六行敘空品破惡中破三障惡云從護世四王下是敘其品可解大辯者是敘其品尼連鬼母是敘功德天品同是女天故地神是敘其品天梵三十三天是敘散脂品散脂是特梵釋是主敘主即得臣將也緊那羅等是其領敘其領得其管也我今所說諸佛秘密者是敘正論善集兩品說世秘密可以治國出世秘密可以誥道故知敘兩品也若得聞經去是敘鬼神品鬼神品中純明聽法功德為八部所護云著淨衣服下兩行敘授記品三大士十千天淨心殷重淨若虛空故獲授記也若得聽聞下敘除病流水等品聞名服藥悉得病除則是善得人身復能修行布施福業是善得人道魚聞佛名善得天身天道即此意也正命是敘捨身品虎殮血肉即得解脫豈非正命也若聞懺悔下一行敘讚佛品佛有三世諸菩薩多是先佛即過去佛也又是未來佛也為此菩薩所讚即為佛所讚也敘述

之意止可彷彿不得遠自分明云問誰作敘述舊云集經者若爾是論非經又乘經文云我今當說或云是信相若爾信相已能玄敘何事致疑又非集經者那忽作序師云是佛自作難者言若爾便是正經那得稱序此無所妨菩薩尚能安禪合掌說千萬偈況如來口密神力赴機何所不為文云我今當說懺悔等法此是明證大品中化佛說六波羅蜜亦得稱序此其例也釋入定為三初一句一字明能游人二三字兩句明所游法後兩句結也是時者真諦云有五種三時一欲說正說說已二破外道去來時立現在有說有聽時三下種成熟解脫時四正師正教正學時五佛欲說衆欲聽不高不下平平時今但論如來知機堪可得道時若慧眼得道智與真冥時若法眼得道智與俗冥時若佛眼得道智與中冥時佛欲履歷法性觀知衆生於何時得道故言是時也如來者十號之初也三藏解如來文多不載今言智照理與諸佛等故言如慈悲與諸佛等故言來諸佛應住秘密藏中何故出世只為慈悲故來成論云乘如實道來成正覺大經云從十一空來就智論來從六波羅蜜來就行論來釋論明如法相解為如如法相說為來今明如三諦法

相解名如如三諦法相說名來故言如來也  
游者游涉進入之義爾夫法性者非入住出  
故小般若云如來者無所從來亦無所去故  
名如來何待言游邪良以慈悲導物救我而  
入故言游也令眾生食甘露味亦應言住為  
衆生宣說亦應言出故法華云善入出住百

千三昧即此義也無量甚深者將明游入簡  
顯其體高廣體包法界故言無量徹到三諦  
故言甚深非是二乘下地菩薩之所逮及故  
言無量甚深也法性者所游之法也諸佛所  
軌名之為法常樂我淨不遷不變名之為性  
非是二乘以盡無生智所照之理為法性也

二乘法性淺故非甚深有限故非無量今之  
如實智所照之理橫包法界豎徹三諦故言  
無量甚深爾又無量者非別有一法名為無  
量毗盧遮那徧一切處一切諸法皆是佛法  
皆佛法故即皆法性佛皆游之故言無量又  
非別有一法名為甚深即事而真無非實相

一色一香莫非中道皆中道故即是甚深例  
如釋論解四無量心云緣東方衆生名廣緣  
四方名大緣四維上下名無量準此而言緣  
真諦法性名廣緣俗諦法性名大緣中道法  
性名無量若緣中道即是三智一心三  
諦一諦此境無量唯佛無量智乃能緣之如

函蓋相稱非二乘下地測其深底諸佛行  
者正顯佛智無量甚深佛智無量甚深故行  
處亦無量甚深行處無量甚深故佛智亦無  
量甚深舉函顯蓋舉蓋顯函正在此也過諸  
菩薩所行清淨者正簡也菩薩居未及之地  
智之所行未能深廣故地持云菩薩得九種

禪初名自性禪若入此禪即入實相法性清  
淨之境二乘不聞其名況有其行若入第九  
清淨淨禪一切通別感累若正若習皆盡故  
言清淨淨禪自下地去皆有餘習佛住十地  
頂若入此禪過諸菩薩淨名云心淨已度諸  
禪定即此義也亦是舉其高位簡法性甚深

也是金光明下敘述序若敘正說流通十七  
品意已如上說今更論敘述五重玄義初十  
二行半敘名體宗用次十四行半即敘流通  
弘宣此典即是敘敘相也就初一句敘名次  
一句敘體次三行敘宗次九行敘用護世下  
去敘敘相也解者或言金光明一句猶是敘

體如鑽石中金金體乃非光非明不妨約金  
論內外用法性非宗非力亦依法性起於宗  
力當知此句正是敘體今明理乃當然分文  
則屬敘名也經王上已說今更述之三藏云  
三德攝三涅槃正斷二乘斷見般若正遣凡  
夫有著華嚴正化始行菩薩今經通為八位

人故稱王也此語難解涅槃為菩薩說甚深  
微妙行處豈止為二乘般若云法身佛為法  
身菩薩說法其聽法衆非生死人豈止遣凡  
夫有著華嚴說初地乃至說十地豈止為始  
行菩薩作此偏說無智之人於諸經起輕慢  
此義不可令言經王者若取文為經即是三

種俗諦若取理為經即是三種真諦若取文  
理合為經即是三種中道若說餘諦是經而  
非王若說中道是經復是王於九種經中而  
得自在但經王是一隨緣設教名字不同華  
嚴云法身方等為實相般若稱佛母法華為  
譬珠涅槃名佛師皆是法性異名通為諸經

詐體辭如諸姓應運送與龍師鳥官隨時易  
立百代雖異而統王是一法性亦爾宜開大  
品佛母為王餘名廢息宜開法華實所為王  
餘名廢息法性為金光明之王亦復如是若  
作此解上不違佛經王之言下不增長衆生  
我慢微妙者他釋因微果妙今不爾因果俱

微妙因中性德深而難見名為微不縱不橫  
名為妙果中修德亦復如是四方四佛護持  
者四方者四門也四佛者四門果上覺智也  
釋迦覺智與四佛同諸佛果智冥於法性法  
性得顯名為法身法身不動名之為持法性  
常故諸佛亦常法常佛常壽命亦常常故無

重信相推迹或本四佛令其違本悟迹名之  
 為護此一句種種義法性四門法性四德即  
 體義果智顯體即宗義護念信相斷疑復是  
 用義而敘宗為正意也觀心解者四方是四  
 諦四佛是四諦智東是方首如集是苦因又  
 東甲乙是春生生即集諦也從東次南亦猶  
 生而有長先春次夏故南方是苦諦也長後  
 秋收又白帝屬金金能決斷西方即道諦也  
 從秋收至冬藏眾事都息北方如滅諦苦集  
 因果皆謝無用也觀此四諦生眼智明覺持  
 理不失護倒不起故名護持也又觀四方是  
 四德觀東方常為破無常觀無常為破常觀  
 非常非無常破常無常乃至觀北方無我為  
 破我亦如是此觀持德不失護倒不起故名  
 護持也觀東方集諦常非常非無常不動故  
 名阿闍觀南方苦諦樂無去無來法性實相  
 實相尊貴故名寶相觀西方道諦畢竟清淨  
 法性壽命與虛空等故名無量壽觀北方滅  
 諦寂寂為我入秘密藏秘密藏故名微妙聲  
 云我今當說下九行偈是敘用文為四初三  
 行明能破之勝法次三行半明所破之惡罪  
 次一行半舉行法勸修次一行結成初三行  
 明能破勝法者謂境法法性也行法懺悔讚  
 歎也導法一切種智也故言懺悔等法知非

一種也若相資為論行資智智顯理顯故  
 能盡眾苦苦盡故法身顯智顯故報身顯功  
 德無上故應身顯若圓論者三法不縱不橫  
 而脩三身亦不縱不橫而顯雖圓別之殊俱  
 是能破之勝法也觀舊文語略新本具有三  
 周說法之文四佛說常果上根得益婆羅門  
 說法身無舍利中根得益佛分別三身下根  
 得益今敘中云我今當說懺悔等法即是敘  
 下三周之法能破惡也次從諸根不具下敘  
 述空品文為二初三行半明所破之惡次二  
 行半明能破之方初又為三諸根不具下破  
 報障愁憂一句破煩惱障惡星災異下破業  
 障餘經對緣云報障難傳因時可救果無如  
 何此經三障皆可轉一往釋此三障由破五  
 戒破五戒是業障受三塗人天等身是報障  
 煩惱為根本是煩惱障今直就人道中明犯  
 五戒報者諸根外缺壽命內天此兩句是殺  
 生報昔損他身分今諸根殘毀昔斷他命今  
 壽損滅經云殺生因緣得二種果報多病短  
 命即其事也若貧窮困苦是外無依報諸天  
 捨離是內無福德此兩句是犯盜戒經云有  
 同生同名天龍輔佐之功德天發願利益之  
 盜人無此事也又先富後貧者必是龍棄天  
 捨也若親厚內關王法外加此兩句是犯淫

戒經言人護則人瞋法護則法壞昔使其人  
 今骨肉鬪訟昔毀他法今王法所加即其事  
 也各各忿諍此應有兩句或是翻者脫落或  
 是略爾內則各各忿諍外則人人不信此一  
 雙是犯妄語昔不實欺他今常被欺念昔語  
 無實今人無信者外耗財物內虧禮度此是  
 飲酒報昔慢財費日今多損耗昔乘樽節今  
 墮驢騾經言嫌恨狂風吹罪心火常令熾然  
 即其事也問釋大乘經何得以五戒對義答  
 開合五戒大有所闕提謂經云五戒者天地  
 之大忌上對五星下配五岳中成五藏犯之  
 者違天觸地自伐其身也又對五常不殺對  
 仁不盜對義不淫對禮不飲酒對智不妄語  
 對信又對五經不殺對尚書不盜對春秋不  
 淫對禮不妄語對詩不飲酒對易又對十善  
 殺盜淫是身三妄語攝口四飲酒攝意三俗  
 不能護口略制一不妄語釋論云說重者是  
 妄語則已攝三飲酒是邪命自活增益志癡  
 出世以智慧為首生死以三毒為根若能禁  
 酒是防止意地三毒長養出世智慧也是為  
 開五戒出十善十善是舊法輪王所用亦名  
 性罪性善都是一切罪之根本又五戒對五  
 陰不殺即色陰不盜即受陰不淫即想陰不  
 妄語即行陰不飲酒即識陰五陰關四念處

念處開三十七品三十七品開三臘門三臘門開涅槃故云色能發戒受禪定慧悟虛通行發解脫識即知見當知五戒能成五分法身辦二乘之法也又五戒亦是大乘法門提謂經云五戒是佩長生之符不死之印即常德也出入無亂往還無間即淨德也統

御一身即我德也以立道根即樂德也此是五戒對四德束五戒為三業即對三無失三不護三輪不思議化三密三軌三身三佛性三般若三涅槃三智三德等無量三法門橫豎無遺際與虛空法界等亦是無盡藏法門亦是無量義三昧舉要言之即是一切佛法

也後次害命名事殺不害命名事不殺法門解者折法名理殺體法名理不殺當知不殺之戒種種不同論其果報亦復不同若作意防護如馬著勒如牧牛執杖者報在人道百二十年唯得肉眼無有四眼若任運性成如河注海者報在六天極長者九百二十六億七千萬歲唯得天眼未得三眼若加備客戒無常苦無我等慧者報在變易壽七百阿僧祇唯得慧眼未得二眼若加脩常無常等慧報在蓮華藏海受法性身分得五眼分得常壽比佛猶是諸根不具壽命損減況前諸根諸壽邪若圖教人持事不殺戒又持理不殺

戒不壞於身而隨一相不斷癡愛起於明脫體陰界入無所毀傷若子若果不生不滅成就智慧居常寂光土常壽湛然五眼具足得根自在耳見眼聞得命自在脩短自任是則名為究竟持戒諸根具足命不損減也又圖教人何但持之是戒唯殺唯慈亦作事殺亦

作理殺如仙豫大王殺五百婆羅門與其見佛之眼與其十劫之壽又作法門殺者折蕩累著淨諸煩惱如樹神折枝不受怨鳥如劫火燒木灰炭雙亡故鶩掘云我捨斷陰界入不能持不殺戒一切塵勞是如來種種斷此種盡乃名為佛成就金剛微妙法身湛然應一

切唯殺唯慈垂形九道隨其所宜示長短命任其所見用缺具根而化度之前諸戒行淺近隘塞非是通途圖戒宏遠徑異會同故名究竟持不殺戒也不殺之戒人天已上極佛已還曠大縱橫其義如是云何而謂是小乘數耶復次不與取名事盜與取名事不盜法門解者如佛言曰他物莫取名法門不盜善提無與者而取善提是名法門盜不盜之戒種種不同若持戒作業求可意果可意果者無常速朽悉是他物臭如薑果害如毒食有智之人所不應求設使得之心不甘樂云何殺勤飲苦食毒而自毀傷貧窮四姓即此三

界洄漫困苦豈過有流三障障佛第一義天之所捨離是名為盜非不盜也又二乘之人以四諦智觀身受心法厭惡生死欣求涅槃涅槃心起為自為他為共為無因介爾心生即取他物即非時取證即不待說所因焦種不生見苦斷集脩道造盡非求法也謂有涅

解成涅槃見若有著空者諸佛所不度身長三百由旬而無兩翅墮三無為坑受若死若死等苦法華云飢餓羸瘦體生瘡癬豈非貧窮困苦邪淨名云不見佛不聞法不入眾數豈非第一義天遠離邪此猶名盜非不盜也若別教菩薩次第行次第學次第道從淺至深捨一取一來已更復來去已更復去悉是

厚於來去相亦是不與而取取已而捨亦是貧窮捨已更取數數去取即是困苦不即與第一義相應即是遠離此猶名盜非不盜也圖人觀諸法實相受亦不受不受亦不受亦受亦不受亦不受非受非不受亦不受亦不受亦不受不取是善提障諸願故是法平等無有高下不高故不取不捨不捨如是觀者觀如來藏具足無缺是如意珠隨意出寶即脩羅琴任意出聲即是大富大富故無取無取故即第一義第一義故天不遠離也是名究竟持不盜戒也圖人復有盜法門善提無

與者而取善提如海吞流不隔萬派如地荷  
負擔四重擔衆生悉慶煩惱悉斷法門悉知  
佛道悉成此義可知不能多說前諸戒行淺  
而且塞非是通途圓戒宏遠徑異會同故名  
究竟持不盜戒也復次男女身會名事滯不  
會名事不滯法門解者若心滯法名爲滯

不滯法名爲不滯不滯之戒種種不同若關  
禁七支如猴著鎖擊一油鉢過諸大衆割捨  
觸樂求於未來淨潔五欲如市易法以銅錢  
博金錢此乃增長欲事非不欲也若爲生天  
故持戒如羝羊相觸將前而更却帝釋共八  
十億那由他天女縱逸嬉戲看東忘西欲編

不足化爲老情羅納舍脂使諸天云身失首  
又見仙人入定汗弄其女仙從定起釋羞自  
化爲羝羊仙人咒之千根著身無能却者後  
來獻謝變爲千眼是亦增欲非不欲也若斷  
欲界羶馨之欲滯著色無色界禪定之樂如  
水魚蟄蟲墮長壽天是爲一難會著禪味名

爲大縛是滯欲法非不欲也若憎惡生死如  
怨如蛇愛說涅槃如親如寶弄之直去涉路  
不廻諸有色聲不能滯屈如八方風不能動  
須彌若聞善薩勝妙功德甄迦羅琴聲迦葉  
起舞不能自持隨嵐風至破須彌如腐草是  
滯欲法非不滯也若善薩惡生死如糞穢惡

涅槃如怨鳥捨於二邊志存中道起順道法  
愛生名頂墮是善薩旃陀羅旃旃旃旃旃旃  
被縛不能勝怨已所情治爲無慧利是滯欲  
法非不欲也圓人觀一心三諦即空即假即  
中即空何所滯即假何所淨即中何所邊即  
空即假何所中即空故無我人十六知見依

正等愛即假故無空無相願等愛即中故無  
佛善提轉法輪度衆生等愛三諦清淨名畢  
竟淨是淨亦淨經言唯佛一人具淨戒餘人  
皆名汙戒者圓人行於佛法即究竟持不滯  
戒也圓人又有滯愛法門如和須蜜多女人  
見人女天見天女見者得見諸佛三昧執事

者得到佛刹三昧歎者極愛三昧抱者冥如  
三昧各各皆得法門亦如魔界行不汙戒善  
薩變爲無量身共無量天女從事皆令發善  
提心如維摩詰若入後宮後宮中尊化正宮  
女先以欲鉤牽後令入佛道斯乃非欲之欲  
以欲止欲如以屑出屑將聲止聲前諸行淺

塞非是通途圓戒宏遠徑異會同是名究竟  
持不滯戒也復次不見言見見言不見名事  
妄語法門解者未得謂得未證謂證名爲妄  
語妄語多種諸欲求時苦得時多怖畏失時  
懷憂惱諸欲無樂時凡夫癡人於下苦中橫  
生樂想豈我慢懂打自大鼓謂色即是我

即是色色中有我我中有色執有與無闕執  
無與有關係止斷當起六十二戲論破慧眼  
不見於真實增見長諸非吾我毒甚盛備口  
四過略標妄語爾三十三天黃葉生死謂是  
真金非想自地具細煩惱謬計涅槃此非妄  
語誰是妄語邪二乘之人競執瓦礫歡喜持

出生滅度想生實未盡寧得滅度生安隱想  
所作未辦寧得安隱淨名云佛爲增上慢人  
說離淫怒癡名爲解脫其實未得一切解脫  
未得謂得豈非妄語邪佛爲別教人以四門  
說實相執於一有隔礙三門乃至執非有非  
無而隔有無夫實相者言語道斷心行處滅

云何以字字於無字云何以數數於無數豈  
非妄語邪圓人如實而觀如實而說如實觀  
者非內觀得是解脫非外觀非內外觀非離  
內外觀亦不以無觀得是解脫如實說者一  
切實一切不實一切亦實亦不實一切非實  
非不實如是皆名諸法實相經言諸佛皆嘗

語佛語實不虛能以一妙音徧滿三千界隨  
意之所至隨諸衆生類各各皆得解即是  
佛道聲令一切聞也圓人亦有妄語法門無  
車說車誘戲童子無樂說樂止彼啼兒若有  
衆生因虛妄說得利益者佛亦妄說經言我  
是貪欲尸利我是瞋恚尸利愚癡尸利然實

非也我是天是人實非天人我是龍鬼實非龍鬼將虛以出虛分得不虛爾前諸行淺近隘塞圓行深遠夷坦無礙徑異會同故能如此是名究竟持不妄語戒也復次若穀若草昏心眩亂者名事酒法門解者迷感創見名之為酒創見多種夫酒為不善諸惡根本能生三十六種之失招於五百世中無手慢刑失禮發出伏匿眠臥糞穢穢水火過患如此人猶尚之晉世引滿稱饕能魏朝清濁為賢聖畢卓自署為酒徒鄭泉自擗為酒壺竹帛載之古今歌之不應作而不應歌而歌非醉酒是何釋論云有一法師為王說五戒

常樂如彼醉人見日月轉此二乘醉也善德之人無明未盡不了見菩薩行故見不了如遠望大船遙觀鵝鴈夜觀畫像遠視人抗亦如醉人朦朧見道如是等無量辭喻顯於菩薩未得明了故遊業云自此已前我等悉名邪見人也此菩薩醉也圓人行如來行具煩惱性能知如來秘密之藏雖有肉眼名為佛眼所可見者更不復見故云入深法性即於此與金光明中而得見我釋迦牟尼大經云了了見佛性猶如妙德等是則五住正習一時無有餘酒法既除何所可醉是為究竟持不飲酒戒也圓人亦有飲酒法門焉

拙云持真空餅盛實相酒變化五道宜揚噉乳波斯匪醉轉更多思末利后飲佛言持戒入于酒肆自立其志亦立他志夫得其門者逆順俱當失其柄者操刀傷手前諸行淺近隘塞圓行宏遠徑異會同故能如此是名究竟醉醒無二也上觀四諦智名四佛觀五佛云何觀觀五戒實相覺智清淨即是觀心中見五佛也次破煩惱障指愁憂恐怖一句是也上來諸事或約內身或約外報是報障義便此一句專明心為煩惱障便

金光明經文句卷第一

金光明經文句卷第一  
校勘記

- 一 底本，明永樂南藏本。此本分六卷。金藏廣勝寺本分三卷。見存卷上、卷下二卷。除缺卷中外，卷上尚缺開首四張，不宜作底本。茲將其殘卷附於南藏本後供參考。
- 一 二九二頁上二行「天台」，徑、清作「隋天台」。以下各卷同。
- 一 二九二頁下一至二行「阿堰」，徑、清作「阿堰」。下同。
- 一 二九四頁下一〇行第一二字「明」，徑、清作「歎」。
- 一 二九六頁上四行第九字「也」，清作「今」。
- 一 二九六頁上一六行「阿闍」，徑、清作「阿闍」。
- 一 二九六頁中一三行第一〇字「傳」，徑、清作「轉」。
- 一 二九九頁中四行首字「机」，徑作「机」。

金光明經卷第三

二

天台智者大師說 門人灌頂錄  
報障如上可解煩惱與業云何數人云數起而輕名煩惱數起而重名為業天台師云任運常有是煩惱卒起決定心發動身口必牽來報者是業若爾是星災異都不關心云何

是業障此乃外相本業將起是業責報之相即得是業障也若煩惱業轉報未必轉若報轉業煩惱必轉通論見思煩惱皆有愁憂恐怖別論愁憂屬見煩惱恐怖屬愛煩惱今不具記云云三破業障者從惡星災異下是也業將感報故其相前現相名表發意在此也惡

星者別有客星也亦是五星二十八宿一方有七四七二十八也遠其度數失其分野若熒惑亂行麻慧暴出是客星也災異者風雨雪霜乖候等是也衆邪者有三人邪鬼邪法邪是也蠱道者毒鬼也又言三毒是蠱也變怪者詭怪也謂禽獸醜惡形聲等是也惡夢者心靈潛密業現其中夢見不適意事是也夫諸業表報不出五罪若惡星表亡身失命者殺生業相也惡星表神奔困窮者竊盜業相也惡星表親離幽厄者淫罪業相也惡星表誣枉譏謗者妄語業相也惡星表喪失財產者飲酒業相也其餘災異怪禽惡夢等隨

其時節各有所表細心推詳不出五罪之報行者知解推之何須折筭鑽龜問管公明邪從當淨洗浴下二舉方法能空於惡也前業相外彰報對不久內無方法何以禳之約其三業作三德之方以事表理也洗浴臭體擬作法身緘耳攝耳擬聽般若至心清淨擬作

解脫前令洗浴內身後更勸淨外服內外相成爾前但令聽後誠令專聽鄭重緘口爾前令至心後示至心之境成其方法爾夫人身本於不淨蓮華本於淤泥譬如旃檀生于伊蘭世間現見也今近因三業規矩遠成三德妙義可不信哉洗浴法身能禳報障攝耳緘

口能禳煩惱障至心能禳業障云從是經威德下四結成也能悉消除者明三障轉也今其寂滅者三德成也寂滅祇是涅槃涅槃祇是三德前三業方法既成三障理數應轉三障既其已轉理數成於三德報障轉成法身德煩惱障轉成般若德業障轉成解脫德前

寄事相將淺以表深後明寂滅將深以結淺經文繡密見之者寡云護世四王下敘流通中品皆如上說  
釋壽量品  
佛本無身無壽亦無於量隨順世間而論三身亦隨順世間而論三壽量法身者師軌法

性還以法性為身此身非色質亦非心智非陰界入之所攝持強指法性為法身爾法性壽者非報得命根亦無連持強指不還不變名之為壽此壽非長量亦非短量無延無促彊指法界同虛空量此即非身之身無壽之壽不量之量也報身者脩行之所感也法華

云久脩業所得涅槃云大般涅槃脩道得故如如智照如如境善提智慧與法性相應相冥相應者如函蓋相應也相冥者如水乳相冥也法身非身非非身智既應冥亦非身非身智既應冥亦非常非無常彊名常為壽也法

既非量非無量智既應冥亦非量非無量彊名無量為量也應身者應同物身為身也應同連持為壽也應同長短為量也智與體冥能起大用如水銀和真金能塗諸色像功德和法身應現往能為身為非身能為常壽為無常壽能為無量能為有量有量有二

義一為無量之量二為有量之量如七百阿僧祇及八十等是有量之量如山斤海滴實有齊限凡夫所不知阿彌陀實有期限人天莫數此是有量之無量應佛皆為兩量逐物隨緣參差長短然此三身三壽三量不可並別一異則乖法體即一而三即三而一乃會

玄文故下文云如源法性即於此與金光明中而得見我釋迦牟尼即其義也但信相偏疑應身之有量四佛偏舉應佛之無量斷其有量迹疑既除深達報法若從信相所疑應言壽有量若從四佛釋疑應言壽無量而今不道壽有量不道壽無量直言壽量者意欲

圓論三佛之壽量故不偏題取意為釋若從義便正是報身之壽量何故取此報身上冥下應上冥法性即非量非無量下應機緣能量能無量量疑牽無量之答即達於圓經家從其生圓解而題品舉一而蔽諸從此義故題為壽量品又一時重解壽量品亦作三重

一玄義二引證三還源玄義者壽者命也謂報得命根連持不斷名之為壽延促期數名之為量故言壽量也此釋應佛因緣之壽量也又壽者受也境智和合共相感受謂無分別智感受無分別境無分別境感受無分別智如函大蓋大故壽是受義也量者相應也境智相應故言量此釋報佛之壽量也又壽者久也常不變易稱之為久量者銓量也常久之壽非多數非少數非相應盡知非相應不盡知非可說非不可說無以名之彊以銓量說其長久此釋法身之壽量也初番為二一有量量如釋迦之壽方八十是也二量無

量如彌陀之壽實是有量人天所不能測故言量無量也此量無量皆應佛所為也第二番亦二義佛以如智稱如如境境無分別智亦無分別若境稱於智智有分別境亦有分別此知與不知皆報佛所明也第三番亦二義一者深寂不可說二以慈悲方便亦可

得說此可說不可說皆法佛之法也二引證者方八十年證有量也諸天世人八部之眾無能思算山斤海滴不可數知此證量無量也虛空分界不可齊限證境無分別也又唯除如來證智可分別也又下文云智淵無邊法水具足亦是證智也壽不可計此證不可

說也將欲宣暢釋迦如來所得壽命此證慈悲可說也又聞是四佛宣說如來壽命無量證大慈可說也新本明婆羅門求佛舍利如粟大求六天報即證有量也王子說金光明難思難解福報無邊福報無邊是證量無量難思難解即證智境不可說等云三還源者亦云復宗釋此壽量雖作三身六義勿作異解祇是經題金光明義爾初番量無量者祇是明義以其明故大小長短延促數量悉現明中還是明義爾第二番智境函蓋體解相應色大故般若亦大以法常故諸佛亦常還是光義也第三番可說不可說常樂我淨

說滿法界法性無所益都無一言法性無所損還是金義夫解一則千從迷一則萬惑即此義也既是兩時之聞兼而錄之云此品正說而序文未盡分別如上從王舍城下是第三疑念序文為二一出人二明疑出人為四一出處二明位三出名四歎德處如文菩薩

者菩薩名道薩名心自行此道復能化人故言摩訶薩依勝行立勝位也信相者信家之相在似道中別判三十心圓判鐵輪位下文云見有一人似婆羅門以枹擊鼓鼓是法身擊是機動似位機與知非真擊又真似之位地地相隨無位不有如普賢修普賢行滿位耶

尊極此似則高信相稱似道者未敢判其高下也難者言若同普賢言似者何故有疑此亦非妨菩薩為疑者作發起人爾又佛地未了疑無所嫌法華中補處彌勒亦復懷疑大集中有生疑菩薩於菩提未了菩提為我作名名為生疑難者言見諦已斷疑十地云何疑蒼言見諦斷通疑十地有別疑也觀解者心王名王五陰名舍觀此五陰空寂寂寂即涅槃涅槃能防非禦敵呼之為城初心後心常觀涅槃行道故是住處也歎德文為二外供養佛內種善根此菩薩殖善既深多值諸佛作高位解釋亦應無愧色云供養有二義

一財供養可解二法供養佛說百千法門隨而脩學名法供養觀心解者一念覺了心名為佛無量功德心資此覺心令轉明淨名供養佛如膏質火如食益身如禪發慧皆供養義也種善根者法性名地觀法性智名種子常以觀觀名下種久習不退名種久五善根

生名增長增長由風動日照雨潤漸增茂好風辭佛身輪月辭佛意輪雨辭佛口輪值佛三事能大利益楞嚴般若若增法性轉顯法性若顯定慧倍明種種值佛二義相成舉此一雙歡菩薩德也從是信相下正明疑念序又為二初疑之由次正生疑由有遠近遠由

三月唱入涅槃近由敘述若有聞者則能思惟無上之義又云由乎本指擊動生疑何因何緣者通論三種皆名因而此文既略緣了相資共能顯正正當於因緣了當緣正因常恒壽命無量緣能顯理境常智亦常此因此緣皆非八十之因緣今方八十是何因何緣是故生疑也方八十者世壽有三品下方四十中方八十上方百二十下方少夭上方太老中方不少不老表常又十二因緣第八名愛支八十滅者表愛已盡入有餘無餘涅槃愛盡無縛表我涅槃表樂又中方表中道佛樂中道中道表淨為此義故方八十年也信

相不作此解是故生疑何因何緣也從復更念言下是正生疑如佛所說者此執教疑理教詮止行二善感壽則長佛昔行因甚多而今果壽極少理教相違不能不或若無此理教為虛設若其必然長壽安在是為執理而惑教也有二因緣者與前為異前合止行同

是緣了今就止行自作因緣十善中一一善皆具止行不殺是止善放生是行善不盜是止善施食是行善今經舉不殺家之止善不盜家之行善互舉一邊共明止行若備論者一一皆有止行止之與行須明也今就一一各有因緣夫命是眾生之所共惜奪而害之

若然大苦有而放之則為快樂慈心是因不畜殺具是緣此是止善因緣也夫食是依報得之則命存失之則壽殞施心是因施具是緣此行善因緣也不殺一條既爾乃至不邪見亦復如是摠有止行二十善四十因緣此等因緣俱感長壽佛之止行二善累高於山積厚於地云何今日八十而終此約因果一途論止行二善但作此解於義未允今當更說人天之因以五戒十善名之為命三乘行人以智慧為命魔名殺者若遮奪此事即是斷人天命若不遮奪名為止善方便勸修名為行善若破壞三藏法名殺二乘人命若不

毀傷名為止善方便勸修名為行善若毀害事障乃至毀害世智名斷六度善善命若不障礙名為止善方便勸修名為行善若障礙法斷貪恚癡是二乘命若障不令修名斷二乘命若不障者名為止善方便勸修名為行善非撥體空則斷通教善善命若不障者即

是止善方便勸修即是行善若毀害漸次是斷別教善善命不作障礙即是止善方便勸修即是行善若誹謗罵詈即斷圓教善善命亦斷佛命若不留難即是止善方便勸修即是行善圓人非但不壞諸法而隨一相即殺諸法而隨一相如仙豫大王害五百之短命

施十劫之長齡如佛斷一切煩惱及習一切無有餘此皆言逆而理順非小行者所行如上所論一一法皆有止行二善一一善皆有因緣若得此意歷諸法門浩然若海故大經云行檀波羅蜜得壽命長善善行檀則施眾生無量壽命乃至行般若得壽命長善善行般若則施眾生無量壽命即其義也而我世尊行無不圓果無不滿云何今日方八十年次明施食者百味甘漿等依報食也身肉骨髓者正報食也此皆事中施食爾經言法食法食者世間法味出世間法味出世間上上法味善善能為一切眾生作大施主令未登

心者迴邪入正已入正者增長萌牙如陰陽  
養丹如父母鞠子多積繒絲令墮地不痛  
以五戒十善已持五戒者說三界火猛多所  
燒害讚歎三乘無繫解脫已入證者毀管小  
乘敗種焦穀讚歎善薩所行之道設飢困人  
大王之膳煩惱為薪智慧為火以是因緣感  
淫緣食令諸弟子皆悉甘嗜如是等一切法  
門悉名法食一一法皆具止行二善一一善  
具因具緣此諸因緣感長壽果而我世尊行  
無不圓果無不滿云何今日方八十年觀心  
不殺者無明為父貪愛為母若斷此者即成  
逆害但觀無明即是明愛即是淨體遠能所  
皆如虛空是為止善觀諸心數亦復如是是  
名行善能如是觀獲得金剛常住之壽也已  
身骨髓血肉者此彼相望此為已身智慧推  
之非已身也如王子飲虎尸此賀鴛皆捨父  
母遺體非捨已身已身者法性實相是也釋  
論云持戒為皮禪定為血智慧為骨微妙善  
心為髓為他說戒能遮罪備福無相最上  
非持非犯尸波羅蜜者是施已也說諸禪  
定神通變化不起滅定現諸威儀者是施已  
血也說無著妙慧非智非愚亡派清淨終日  
說終日無說其所說法皆悉到於一切智地  
者是施已骨也檀忍等應是肉也說甚深法

性諸佛行處不一不二言語道斷心行處滅  
微妙中道者是施已髓也將此充足飢餓象  
生沉餘飲食餘飲食者即是人天二乘戒皮  
定血慧骨真諦之髓爾法華云於餘深法中  
示教利喜者即其義也如來往昔隨他意說  
無量無邊隨自意說亦無量無邊皆是長壽  
因緣云何今日方八十歲也從大士如是至  
心念佛思是義時此一句結前開後至心者  
徹到心源盡心實際故言至心觀心既觀  
佛亦爾故言念佛念佛不殺施食與法性虛  
空等如此之壽不應短也是為結前開後者  
由作此觀機動瑞與故言開後也從其室自  
然下是第四現瑞序瑞者密報相者表發密  
報四佛當臨此室為爾斷疑表發增進常因  
感得常果也問佛作此瑞信相福作答信相  
無機佛亦不應若無諸佛機無所扣機應相  
須瑞以之與問眾緣感瑞信相獨感答通由  
眾緣別在信相若瑞在靈山可非其力室中  
所見豈不由之辭張家降瑞寧得王家受福  
雖然信相是發起之人無容獨善法華云如  
為一人眾多亦然就文為二一現相由二正  
現相取結前開後之文為現瑞之由從其室  
自然下為正現相也正現相又二一別現相  
二總現相從其室自然下是別現相從舉要

言之下是摠現相別相為十表十地因成也  
摠相為一表因成一果也又別相表地地各  
各增益摠相表一地具諸地功德也問地經  
常果為宗何得作相表因答此因是果家之  
因因必成果不乖宗也問前判信相是似位  
後相則非其徵若似同普賢前相亦非其兆  
芥一往云十地一地之中皆有諸地功德表  
報利益前後皆需也經家不定判位祇可從  
容不得尅斷也別相有十者一其室廣博二  
其地寶嚴三妙香氤氳四高座涌出五佛坐  
華座六放大光明七兩諸天華八作天妓樂  
九皆受天樂十根缺者具此之十相表報十  
地功德止可斐疊擬議不得責其備悉其室  
自然廣博表初歡喜者此地初開過於凡聖  
故以廣博表之嚴淨瑤瑤開錯表離垢地者  
此地對戒戒是諸行基壇諸行莊嚴於戒故  
以開錯表之香氣表明地者其地對忍唯辱  
而忍增如烟多則香盛故以香表之高座表  
灸地者其地對精進精進督出眾行故以高  
座表之佛坐其上表難勝者其地對禪禪有  
神通轉變大力故以佛表之光明表現前者  
其地對般若般若若洞照故以光明表之天華  
表遠行者其地對方方便善巧觸起嚴淨  
故以天華表之作樂表不動者其地對力

能利安一切如妓悅物故以作妓表之受樂  
表善慧者其地對願願滿則心喜故以受樂  
表之根具表法雲者其地對智因中衆行故  
智慧爲首智導諸行隨階而圓故以根具表  
之云復次十相表一一地中具諸功德且約  
初地釋之其室自然廣博嚴事者此相表初

地智也室者以五陰爲室此陰非陰亦非非  
陰不爲陰非陰所作亦不作陰非陰故言自  
然不得陰不得非陰二邊虛豁故言廣博非  
真空無二十五有二種涅槃亦有因中十力  
無畏種種功德而在飾之故言嚴事嚴事即  
假智廣博即空智自然即中智三智一心中

具是是故歡喜天紺瑠璃雜廁錯以成其  
地者此相表初地所照境天紺瑠璃瑩淨明  
徹表真諦境雜廁錯種種莊嚴表俗諦境  
猶如如來所居淨土至聖所居極尊之地表  
中道第一義諦境一地而三相三相而一地  
表一諦而三諦三諦而一諦有妙香氣過諸

天香者此相表初地慈悲功德慈能與樂如  
香氣益悲能拔苦如香離臭此慈悲豎高故  
言過諸天香此慈悲橫闊故言徧滿徧滿一  
切陰界入中無不溥覆也其室四面有四高  
座者此相表初地四德四德是秘密之藏佛  
住其中如高座可坐爲坐諸佛也有四如來

者此相表初地覺四德智智與德冥如佛坐  
座也放大光明者此相表初地自行化他照  
此土表自行照他土表化他也兩諸天華者  
此相表初地四辯華兩於空如辯詮於理也  
作天妓樂者此相表初地四攝攝攝物如  
樂樂他也受天快樂者此相表初地法喜滿

喜澄神如受天樂根缺具足者此相表初地  
諸根互用耳見眼聞一具之中具足諸根之  
用也初地功德佛辯所不能宣略舉十相表  
其梗介爾初地既然一一地亦復如是復次  
十相表初地自行化他功德前五相表自行  
功德後五相表化他功德其室廣博表自行

之般若天紺瑠璃表自行之法身有妙香氣  
表自行之解脫高座華衣表自行之因成佛  
坐座上表獲記成佛也後五相表化他功德  
者放光表意輪益物也兩華表口輪益物也  
作樂表身輪益物也又表能令衆生轉煩惱  
障而受法喜之樂根具表能令衆生轉報障

也初地既然後一一地亦復如是從一切世  
間下是摠現相也別相文廣意略摠相文略  
意廣此表十地因成一果究竟具足也一切  
者該十法界也世間者包三世間也未曾有  
者因中所無也悉具現者因圓理顯也國土  
世間未曾有則實相滿衆生世間未曾有則

般若滿五陰世間未曾有則解脫滿舉要者  
實相是要實相既圓何法不滿邪從信相歡  
喜下是第五默念騰疑序文爲二初見相歡  
喜二默念陳疑歡喜者既因心疑觀瑞見佛  
必知開法是故歡喜從至心念佛下是默念  
求決也夫疑情不可又處是故騰疑念釋迦

如來無量功德相好光明神力說法皆不生  
疑唯壽命中心生疑或云何佛壽中八十年  
念此覆心故默騰求決也而不發言者四佛  
適現威尊敬重不敢發言疑既覆心不得不  
念又前默念而感瑞今承前默念以求決爾  
從尔時四佛以正徧知下是第六止疑序文

爲二一正止疑二釋止疑疑蓋覆心開法不  
解故先止之例如見諦先斷疑方進脩道也  
若信相實疑宜須折止若是起教因其訓人  
從汝今不應下正止疑也云何不應有三不  
應一大用不應八十者是佛大用是故不應  
二法性海深非言思所測三以信能入以智

能度汝信智未具豈度量所思釋論云無量  
法欲量是人爲覆溺故將不應而止之也何  
以故下釋三不應之意舉八衆皆不能量者  
釋法性不應也法身菩薩法性淨土故不在  
言生身菩薩若在家爲天龍等所攝若出家  
爲四衆所攝若法性身施權亦爲八衆所攝

若凡若聖悉不能思算也唯除如來者終  
度不應也若如來是則能知既未如如來  
那忽能知善用此語為智所知知是無常可  
量之法天台師云不爾如來有無量常智能  
知無量常法豈可以常智所知判為無常邪  
智性既冥大用可解是釋三不應也從時四

如來下是第七集眾序餘經或先集眾後現  
瑞此經先現瑞後集眾前後互出爾時者持  
欲宣暢之時也眾者欲色界諸天也信相一  
人利益者少有緣若集所益處多是故集眾  
眾有四種一發起眾信相樹神等是也二當  
機眾聞即得道者是也三影響眾從十方遠

來者是也四結緣眾當座雖未得道作後世  
回緣者是也如流水為魚說法遠作今日得  
悟因緣即其事也此經集天龍眾與華嚴意  
同亦集人眾而文略新本中有無量百千婆  
羅門眾懺悔品初信相及眷屬諸耆闍崛山  
即是人眾也相承云此經與冥道相關正集

天龍略不說人爾地瑞中云一切世間未曾  
有事悉具出現不見與二乘記但明常辨性  
與般若方等意同故判屬方等教攝此中應  
論乘戒緩急四句判出天龍生起得道不得  
道權實等事如別記云齊此判屬序段者文  
云將欲宣暢大衆雲集豈非序之明證邪序

分竟從尔時四佛下三品半文是第二正說  
段凡三說不同一云壽量明常果為宗常果  
契性性即是體二義宛然不須多或下懺悔  
品滅惡讚歎品生善空品導成即是經用也  
二云壽量明宗懺歎明用空品明體此乃以  
因中所用之性為果上所顯之體於義不便

故不用之三三藏云正說有兩段壽量是果  
段三身是因段二文各有序虛空藏問為因  
段序直是發問於序義弱師云三身成果上  
義非因義也是故不用初家所說好與今意  
同新舊兩文凡三起明宗初是四佛拂疑明  
應化之壽非思算所知述既長遠本難窮極

上根人聞速悟本也若未悟者王三明蚊蚋  
脚可以作城樓鼠登兔角擗食月除脩羅明  
法身無舍利如來真實身舍利無是起中根  
人直聞理本而悟速也若未悟者釋迦論三  
身共說廣分別之本迹俱解是為三普明宗  
顯體懺品別論滅惡通亦生善歎品別論生

善通亦滅惡空品導成俱是經用也今之四  
卷止有一番明宗文為四初四佛說偈二信  
相歡喜三當機得道四四佛還本說偈又二  
一經家敘二四佛說問四佛說偈為各為  
共香經既無文不可定判或宜聞共說異口  
同音或宜聞別說各引一奇見亦如是若見

四佛同尊特身一身一智應者即是常身  
子眾一故若見四佛佛身不同即是應化  
子眾多故分八偈為二意初云前四偈立辭  
次一偈合辭次二偈斷疑次一偈結釋次云  
前四偈為辭本後四偈合釋兩途俱可用蓋  
云四偈止辭其壽長更無別意是義不然諸

佛之教上中下善其言巧妙其義深遠此中  
正是常宗斷疑一經之要處何容無義且作  
三意消文一對四諦二對四念處三對四德  
四諦理通因果四念論因四德論果若論果  
壽宜對四德果不孤起故念起明因果有  
本故對四諦也上以四佛對四諦智今以四

佛所說對四諦理舊讀四諦文云知苦如苦  
相知集如集相相是其事齊事而知於理不  
顯今明知苦如苦相相如其理相是其事即  
事而真事理雙達餘三諦亦如是如是釋者  
於四諦理義便也又一解知苦是知俗如是  
知真相是知中中是實相故今以相為中也

此則三諦具在一文知苦既下集道滅亦  
如是云明識四諦是脩長壽境故約四諦對  
偈也一切諸水者此對集諸大經云有河洄  
復浸眾生即其義也水體潤生如集能資長  
鼓怒浩漭無處不有集亦如是沒溺凡聖巨  
界內外也諸須彌山者此對苦諦小般若以

身為須彌即其義也山體結構譬時水上如  
 苦報積聚為集作果繫縛界內外色心也大  
 地微塵者此對道諦法華云其所說法皆悉  
 到於一切智地即其義也地體能容載水陸  
 兩途如通別道到此彼岸虛空分界者此對  
 滅諦法華云常寂滅相終歸於空即其義也  
 空體盡淨五擊所不能染三光所不能淨如  
 滅諦滅無二十五有及滅化城涅槃也四諦  
 理徧一切處即法身四諦智稱境而知即報  
 身從體起用同其長短即應身信相但見應  
 短不見應長應尚不達寧知報法四佛舉四  
 喻喻其應長水滴山斤地塵空界尚無能思  
 算得其邊表况復智冥於法淵哉玄哉信無  
 底際曠矣大矣豈有垠涯舉應迹以釋報法  
 豁然明悟斷疑之巧為若此也釋此偈妙為  
 若此也行者思之思之四偈對四念處者念  
 處之觀本在苦諦唯應約須彌山偈而論今  
 則通對也一切諸水對受念處受能含納如  
 海多容故也須彌山對身念處色相與質礙  
 相類故也大地對於想行念處想取行行如  
 地容載故也空界對心念處心但有名如空  
 無相故也若觀四念處是脩長壽因若念處  
 得道即是長壽果故用念處對四偈也若觀  
 四枯念處破凡夫之四倒若觀四榮念處破

二乘之四倒若觀中道念處則非榮非枯於  
 其中間而般涅槃成五種解脫謂色解脫乃  
 至識解脫脫五陰縛名五解脫洞達五陰空  
 無所有名五般若冥五陰理名五法身雖三  
 分別不一不異不縱不橫名祕密藏號大涅  
 槃仁王呼為法性色法性受想行識陰之法  
 性即是法身智冥法性即是報身法報皆非  
 常非無常而能起用為常為無常常用則長  
 無常用則短信相但見無常不能見常用於用  
 未達况解其本四佛舉喻明其用常速常無  
 邊非思算所得况復體理寧可心知信相迷  
 除豁如雲卷斷疑之巧為若此也四偈對四  
 德者水潤生榮對常德山能高出對我德碎  
 地為塵對淨德空無苦受對樂德四德成就  
 是果上所剋果與理冥冥於非常非無常能  
 起常無常用冥於非我非無我起我無我用  
 冥於非淨非不淨起淨不淨用冥於非樂非  
 不樂起於樂無樂用信相但見無常無樂不  
 見常樂於應尚迷何能識本四佛舉四德之  
 用非思算所知體本報法杳然慮外信相聞  
 說非但疑除惑斷增信生解故歡喜踊躍得  
 之於懷云億百千萬下合譬偈也舊解有二  
 失一僻取文二偏執義舊云四僻皆有齊畔  
 可盡之物百千是數法數必有窮據此為無

常今釋不爾四佛引四僻者乃是舉量以況  
 無量量物尚非思算所知無量之法寧可高  
 度億百千萬此舉教法以明無數汝既不能  
 數數那能知無數縱令知數知無數知量知  
 無量者祇是化用都不開體本僻取之失非  
 但自毀又亦誣經偏執義者三身品云化身  
 亦常處說法是故為常當知化身備有常  
 無常義舊人那忽一向無常云以是因緣下  
 兩行斷疑偈也若作因緣者因緣緣疎命是  
 正報不殺為因食是依報施之為緣以此因  
 緣得壽命長若作二緣者不殺是不殺戒家  
 止善施食是不盜戒家行善互舉止行俱是  
 二緣法性菩提心名之為因止行福慧等併  
 皆是緣緣能顯性會非常非無常能常能無  
 常法食不殺等皆如上說情因既長得果又  
 長顯體又長起用又長破其短疑也是故汝  
 今下一偈結成也今時信相下聞偈斷疑生  
 信也聞壽命無量者解述中之能常其壽無  
 量也疑去者解述中之能短其壽八十也深  
 心信解者悟其本識非量非無量也踊躍者  
 登位也歡喜者信生也別教釋者信相似位  
 中疑惑去登歡喜地中信生也圓教釋者信  
 相鐵輪位中疑惑去入任銅輪位中歡喜也  
 若作普賢似位釋者下地中疑惑去十地頂

深信堅固猶若金剛鄰真接極而生歡喜也  
 從說是如來下是第三當機上根初悟也從  
 時四如來下第四息化也佛本為緣與緣已  
 利益則攝化還本故言忽然不現也觀解者  
 諦境發智覺慧相應深觀此慧亦不得慧亦  
 不見境境智俱寂即是不現義也云云 卷終

金光明經文句卷第二

校勘記

- 一 底本，明永樂南藏本。
- 一 三〇〇頁上二三行第五字「謗」，  
清作「誦」。
- 一 三〇〇頁中一四行末字「令」，  
徑作「今」。
- 一 三〇一頁中一六行首字「乘」，  
清作「乘」。
- 一 三〇二頁上七行第一六字「茂」，  
徑、清作「茂」。
- 一 三〇二頁上八行「輪月」，  
徑、清作「輪日」。
- 一 三〇四頁中一〇行「梗介」，  
徑、清作「梗槩」。
- 一 三〇五頁上一六行第六字「而」，  
清作「即」。
- 一 三〇五頁中一六行第三字「聞」，  
徑作「無」。
- 一 三〇六頁中四行「陰理」，  
徑作「陰現」。
- 一 三〇六頁下三行第一四字「汝」，  
徑作「法」。
- 一 三〇七頁上末行第一一字「現」，  
徑作「境」。 又「卷二終」，  
徑、清作「金光明經文句卷第二」。

金光明經文句卷第三

天台智者大師說門人灌頂錄

釋懺悔品

諸大乘經多分散明懺悔此經專以懺悔當  
 品今先釋名懺者首也悔者伏也如世人得  
 罪於王伏款順從不敢違逆不遂為伏順從  
 為首行人亦爾伏三寶足下正順道理不敢  
 作非故名懺悔又懺名白法悔名黑法黑法  
 須悔而勿作白法須企而尚之取捨合論故  
 言懺悔又懺名修來悔名改往往日所作惡  
 不善法鄙而惡之故名為悔往日所棄一切  
 善法今日已去誓願勤修故名為懺棄往來  
 來故名懺悔又懺名披陳眾失發露過愆不  
 敢隱諱悔名斷相續心厭悔捨離能作所作  
 合弃故言懺悔又懺者名懺悔者名愧懺則  
 慙天愧則愧人人見其顯天見其冥細顯  
 窳窳細皆惡故言懺悔又人是賢人天是聖  
 人不違賢聖之流是故懺悔又賢聖俱是人  
 天是第一義天第一義天是理賢聖是事不  
 違事理俱皆懺悔又懺三乘之聖天愧三乘  
 之賢人不違此天人故名懺愧懺愧名懺悔  
 又三乘賢聖皆是人第一義理為天約此人  
 天懺愧故名懺悔又三乘賢聖尚非菩薩之  
 賢況菩薩之聖今懺愧三十心之賢十地之

聖故名懺愧懺悔此賢聖皆是人第一義  
 理名為天約此人天論懺愧故名懺悔又三  
 十心去自判聖人十信是賢人約此賢聖論  
 懺愧懺悔此賢聖皆名人第一義理名為  
 天約此人天論懺愧懺悔合十番釋名也次  
 明懺悔處者大經闡王偈云能言及軟語皆  
 歸第一義是故我今日歸依於世尊又梵行  
 品云我昔與汝等不見四真諦是故又流轉  
 生死大苦海若能見四諦則得斷生死死  
 既盡已則不受諸有法華云行處近處住忍  
 辱地亦不行分別又云寶處在近汝可前  
 進即滅化城即至寶所此經云我當為是作  
 歸依處歸依處者即甚深無量法性也法性  
 祇是諦理諦理祇是妙境諸佛所寂滅真  
 如秘密之藏十方眾聖安住其中若得其本  
 本立則道生不得其處則平地顛墜如盲人  
 入棘林動轉罣礙為是義故須識懺悔處也  
 故普賢觀云端坐念實相眾罪如霜露慧日  
 能消除我心自空罪福無主是名大懺悔是  
 名莊嚴懺悔是名無罪相懺悔無罪相者此  
 約空為處也莊嚴懺悔者約俗諦為處也大  
 懺悔者約中道為處也若三種差別者此是  
 歷別論處爾即一而三即三而一者此因妙  
 懺悔也諸大菩薩修學佛法而懺悔也若識

此法而懺悔者最妙最上懺悔處也大經云  
 譬如有人在大海浴當知是人已用一切諸  
 河之水大品云譬如負債人依於王債主  
 反更供養何敢就其覓物書云如糖頭草非  
 其莖葉能高能長所依得處也行人若依法  
 性為懺悔處者高出一切諸處所也行人若  
 識此意先當求覓法性道理為懺悔處也次  
 明懺悔法者法為二種一正法二助法正法  
 者即是觀法性之慧也法性常故是觀亦常  
 法性樂我淨故觀慧亦爾法性不可思議至  
 深至妙無上無等等者觀慧亦爾境智相冥  
 無二之法如如不異者境如智智如境故言  
 如如不異也經言說智及智處皆名為般若  
 說智及智處皆名為實相說如不說不說如  
 說說不說無二無別以此觀慧歷一切法亦  
 復如是故云毗盧遮那徧一切處若行若住  
 若明若闇皆得不離見佛世尊六根所對無  
 非佛法者婆攬草無非藥者普能愈病釋摩  
 男所執一切砂礫皆變為寶阿那律空器悉  
 滿甘露若如是者所觀之罪非復是罪罪即  
 實相所觀之福福即非福福即實相純是實  
 相是名大懺悔也助道懺悔者若純用正懺  
 亦不須助若正道闇昧不明了者修助以助  
 之所謂灰汁漂豆阜莖木槌以助清水爾略

言勤用身口意而為助也身謂旋礼口謂讀誦心謂策觀而助開門如順流順風助之以篙棹去則疾也如是略論正助也四明懺悔位者若作一種解者謂鄙濁凡夫應須懺悔離垢清淨者何用懺悔此不如是故新本業障滅品中說人從父母稟身十月懷抱三年鞠養撫念惟始能升頭戴髮教方教數始解作人耶忽違恩背義而行殺通天雖大不覆此人地雖厚不戴此人人命終直入地獄如是逆罪應須懺悔滅除業障佛為人天師師嚴道尊凡有所說若有違犯罪莫大焉初篇後聚那可違負爾則欺佛負心復負三師七僧此則佛海死屍華園爛肉此四重人應須懺悔滅除業障多瞋墮蛇虺多欲墮鳩鴿多癡墮蟲蟻多慢墮飛鳥多諂墮修羅多慳墮餓鬼常飢渴畜生相殘害修羅多怖畏是四惡道聞名尚不可況復當之應須懺悔滅除業障人中八苦一苦尚不可忍況八苦交橫應當懺悔滅除業障天上有五婁地獄等苦色界天不得速入空求不得苦無色界天有四心苦三界籠禁生死窟宅應須懺悔滅除業障若出家人雖欲脩道為五煩惱所障心不得停心為四顛倒所惑不得入四念處亦須懺悔滅除業障念處治彼四倒

二惡不勤斷二善不勤生不得入如意足煙法不殺亦須懺悔五根不生喜有退墮根生未有力雖有力未鄰真如是四善根中應須懺悔滅除業障苦忍明發雖不墮三途欲界七生次第應受一生尚苦何況七生雖斷欲界五下分六品餘三品在亦應懺悔雖斷五下八品盡餘一品在雖斷色盡餘無色分在亦須懺悔雖入有餘涅槃猶有果身在身子風熱畢陵伽眼痛欲奔有餘入無餘亦須懺悔雖斷三界正使盡習氣尚存亦須懺悔支佛亦爾亦須懺悔若乾慧地未得理水露心故言乾慧性地未能見理八人見地猶有愛惑薄地神通未能還生欲界離欲地猶有上界惑已辨地不能除習辟支佛地但作神通不能達文字菩薩地未窮至極如是等位皆須懺悔滅除業障十信但信未能稱理十住但入偏理十行但事未能入中十迴向但修中未能證中十地雖證中地皆有障未窮於學不得無學應須懺悔滅除業障又十信雖三智圓脩但是方便陀羅尼十住已去乃至等覺已來祇如十四日月非十五日月匡郭未圓光未顯足闍未顯盡應須懺悔滅除業障齊此已來當知懺悔位長其義極廣云何而言止齊凡夫是故五十校計經齊至等

覺皆令懺悔即其義也若人得聞如此懺悔功德不少故文云非於一佛五佛十佛脩諸功德聞是懺悔乃於無量百千佛所修諸功德聞是懺悔語其華報在在處處常為國王輔相大臣之所恭敬語其果報常為十方諸佛互相恭敬直開此懺悔尚得如此功德況復如法修行已聞懺悔義此法從經出此經從佛說是故當報恩歸命禮諸佛云懺悔品依字訓釋懺者鑑也披陳發舒已之三業不敢隱諱令他委鑑顏面而口感心摧而意伏身被鑑故而顏忍口被鑑故而唇感心被鑑故而意伏故懺名鑑也悔者廢也內懷鄙恥悔造眾非悔身故則三廢悔口故則四廢悔心故則十廢故悔名廢也又法門釋者懺悔名懺懺愧是白法又自不作惡不教他作惡如是等種種說懺悔有三一作法二取相三無生此三種通大小小乘作法者如毗尼中發露與學二十僧行摩那埵或半月作法或對首作法或責心但令作法成就不障僧事即清淨也何舍中亦作相懺犯欲人作毒蛇口想此觀成時淫罪即滅亦有觀空懺祇是真空大乘中亦有作法或八百日虛空藏塗前是也或九十日般舟是也或四十九日大悲懺是也或二十一日法華是也或七日

方等是也。灰湯澡豆淨身。辛酒禁口。慙愧勤心。旋誦各有徧數等。皆作法懺攝也。取相懺者。如方等求十二夢王菩薩戒。見華光摩頂。虛空藏中唱聲印。辟相起罪滅。雖不取明作法。兼得事用也。無生懺者。如普賢觀云。端坐念實相。如日照霜露。觀空緣理。無相最上。雖不正作事相。兼上兩懺也。作法懺成。違無作罪滅。而性罪不除。如犯殺生作法懺成。違無作罪去。而償命猶在。即其義也。取相懺能滅性罪。性罪去。違無作罪亦去。如伐樹枝葉。若根本未去。續生如故也。觀無生懺。能滅無明。如覆大地根枝葉等。悉盡無餘。又作法滅違戒。上罪取相滅。犯定上罪。無生滅犯。慧上罪。又作法滅三惡道報障。取相滅人道報障。無生滅三界有漏報障。又作法滅三惡道業障。取相滅人道業障。無生滅三界有漏業障。又作法滅怖畏憂愁之煩惱。亦是破煩惱。取相滅四住之煩惱。無生滅無明之煩惱。又三種懺。共除報障。取相除業障。無生除煩惱障。又作法懺。如服薑桂。差病而已。不能肥身。辟罪滅。不能生善。取相懺。如服五石。病差身充。不能得道。無生懺。如服五芝。病除身飛。外仙得道。如是等種種分別行者。須知今文具。有大乘三懺。著淨潔衣。專聽是經。又七日七夜。朝

暮淨心等。即作法也。於其坐處。得見彌勒文殊。善賢即取相也。五陰舍宅。觀悉空寂。本無有生。亦無和合。即無生也。三意宛然。故能滅諸惡蕩。三障顯。經力用也。從此品下。明經力用。今品正明。夜夢。盡說懺悔。斷惡。拔苦。下品正明。昔歎發誓。生善與樂。旁正互舉。此品文為二。初夢中見聞二覺。已說見聞夢。又二一。夢見金鼓。二。夢擊鼓聲。見鼓。又三一。正見鼓。二。見鼓光。三。見光中佛。夢者是入如夢。三昧也。又入觀。如夢出觀。如覺入觀。心靜能觀。法性。法性即金鼓。金鼓體圓。空鳴。圓即法身。空即般若。鳴即解脫。殊者勝義。深義。大者廣義。無量義。如上文游於無量。甚深法性。意爾。殊大略敘鼓體。委論應言。圓殊大。空殊大。鳴殊大。鼓體備三種。三種皆甚深無量。此即夢中所觀法身觀一。而見三佛也。從其明淨。照下是第二見鼓光也。光是智慧。契此法性。克成。大果智。與體冥。體圓。殊大。光圓。亦殊大。體空。殊大。光空。亦殊大。體鳴。既殊大。光鳴。亦殊大。何者。此身與諸佛同體。同意。故也。此即夢中所觀報身佛一。佛而三也。從復於光中。見十方佛。下是第三見光中諸佛也。光從鼓出。徧照十方。用從體起。應周法界。與機緣同事也。琉璃座者。所安之理也。佛坐其上。智稱法性。

也。大眾圍繞者。所應之機也。此即夢中所觀。應佛即一。而論三也。觀此三佛。即是三身三德。種種三法門。從此設教。名金光明也。從見有一人。下是第二夢見擊鼓。文為三一。見擊鼓。二。出大音聲。三。聲所詮辯。鼓是法身。擊是機智。婆羅門是淨行。似是鄰真。鄰真之人。以似解之淨智。和會法身。甘露相應。滅苦生樂。鼓是法身。抱鼓合是報身。擊出是應身。聲所詮辯。是法界大用。起教利益。眾生從時信相。菩薩下是第二覺。已說見聞文。為四。一。往佛所。二。與緣俱。三。伸敬。四。述夢。夢者入法門。為夜夢。出法門。如過夜。至旦。又三十心感障未遣。故如夢。登地。斷惑。如過夜。至旦。觀解者。觀行位中所觀三身。如夢分真位中所觀三身。如旦出王舍城者。表出因位也。往耆闍崛山者。表向果地也。伸敬有三。頂禮是身敬。瞻仰是意敬。說夢是口敬。頂禮者。菩薩居因信首。為貴。諸佛在果。慈悲為賤。以貴敬賤也。從以其夢中下是第四述夢也。此下摠有一百六十二行。偈分為二。初四行。半摠明夢後一百五十七行。半別明夢。摠又為二。初三行。半明見金鼓。後一行。明見擊鼓。見鼓。又三。初一行。見鼓形狀。次一行。見鼓光明。次一行。半見光中諸佛。即長行中三身。意入觀所觀之境也。

次一行見擊鼓者自觀其觀智之機扣擊法  
身之境也出大音聲者已如上說自觀其境  
智合能多利益也從是大金鼓下一百五十  
七行半偈別明夢事文為二初從是大金鼓  
下至悉能滅除有二十一三句明金鼓有  
滅惡生善之力二從一切諸苦無依無歸下  
一百三十五行三句正明教誡懺悔之法就  
能滅惡生善文為六一有三行滅世間因果  
之若二有三行生出世間因果之樂三有四  
行能令眾生自行化他俱備四有四行能滅  
眾生報障又發宿命通五有四行能令眾生  
得諸法門先少得後多得云六有三行三句  
能破眾生八難流轉釋此六義皆從三塗漸  
至人天二乘菩薩等一一皆有破惡生善之  
力從一切諸苦無依無歸下有一百三十五  
行三句是第二明教誡懺悔之法文為五一  
從一切諸苦下有十九行一句教自說過罪  
懺悔二從我當供養下有三十五行明供養  
諸佛自行化他修懺悔三從諸佛世尊我既  
依止下有二十一行明稱歎修懺悔四從我  
以善業諸因緣故下有五十一行半明發願  
修懺悔五從若有敬禮稱歎十力下有九行  
結成懺悔生起五意者但眾生邪倒障理不  
識法性愚癡障解不識因果惡業障行不識

善法聖人慈悲因大士之夢示其懺悔示其  
道理示其因果示其善行故論自懺荷佛恩  
深故伸供養供養不淺其誠故歌詠稱歎供  
歎是行須頌指歸行願既圓結成讚美也自  
懺文為三初一行一句明法身是依憑之所  
次兩行請佛覆護次十六行正明懺悔夫法  
身具三德即是一體三寶法性是法寶寂而  
常照是佛寶徧一切處是僧寶自凡夫二乘  
雖不知亦不出法性摠而言之一切菩薩何  
嘗不以此為歸依依此則本立而道生也內  
本雖立外無佛加不得成就若蒙擁護斷惡  
生善辦在斯須如萌芽得兩扶疎豐鬱是故  
請佛也內外因緣既備正須懺悔也正懺文  
為二初三句摠明懺悔後十五行一句別明  
懺悔摠懺者摠懺三障也本者煩惱是二障  
本也惡者報障也不善者業障也三障障三  
身三佛三寶三障若轉諸三法門悉明故摠  
懺也別懺者別懺三障也文為三初一行一  
句懺煩惱障次一行懺報障次十三行懺業  
障諸十力前者正懺煩惱障也獨頭無明癡  
倒殊甚不識法身佛也法身佛徧一切處癡  
闇不知公於佛前造作眾罪如牛羊不識天  
子如鳥雀不識築像於前造過愚癡不識法  
身亦復如是父母恩者方便是父智度是母

此二法門能生法身而不識者是不知報佛  
也不解善法者善法是助道之行能資智顯  
理而不解者是不識應佛三佛皆不能知豈  
非無明過患此別懺煩惱障也自恃種姓下  
別懺報障也略言有三種一以姓傲他二以  
財忽物三以壯年陵彼雖報有此三不應自  
恣若縱恣者此報成障事也今更約法門解  
出家人以慧為姓定為財戒為年染此三法  
自尊卑他者是名染法非求法也法華云汝  
年少壯我年衰邁者凡人以五陰盛為壯二  
乘通教以空出有為壯別教菩薩以法眼過  
慧眼為壯著此諸法者悉是恃強陵弱成報  
障也悉須懺悔從心念不善下十三行別懺  
業障文為十二初一行懺由心口造惡業亦  
是教他作惡也從身口意是自作惡也二一  
行懺內外因緣造惡業三一行懺五欲因緣  
造惡業四一行信受邪師造惡業五一行隨  
順惡主造惡業六一行愛心所使造惡業七  
二行為衣食女色造惡業八一行於佛世敬  
四造惡業九一行於無佛世敬田造惡業十  
兩句於云法造惡業十一一行於恩田造惡  
業十二一行半摠一切處造惡業造業因緣  
甚多不可具列故摠而懺之若欲細釋從人  
道為始二乘通別菩薩等行一一作之例應

可解故五十校計經云上至等覺皆須懺悔  
 即其義也後我今供養下三五行明供養  
 諸佛所以供養者我本癡盲蒙示懺悔此思  
 深重故與供養文為二初一行明財供養後  
 三十四行明法供養法供養為二初八行半  
 明化他法供養隨順如來慈悲法門濟利舍  
 識是為化他修法供養後二十五行半明自  
 行法供養隨順如來智慧法門修十地功德  
 是為自行修法供養諸供養中法供養最為  
 第一財供養供養事理自他皆悉具足也化他  
 法供養文為二初四行化他今其修行後四  
 行半化他今修懺悔初修行者我自行十地  
 為法供養今復化人今法供養譬如一燈然  
 百千燈顯者皆明明終不盡其意有西初明  
 化始以大悲拔苦次勸真因十地之行次勸  
 真果菩提大覺次勸精進督使速成夫眾生  
 等故性欲亦等善巧度一衆多亦然不計幼  
 勞積行累德功成大覺即智德滿盡一切苦  
 即斷德滿文自明顯不俟多釋觀心者調一  
 念心使真明發任運成真果調一切心數亦  
 復如是弟子來塵勞隨煮之所轉即此義也  
 次四行半化他今修懺者我蒙佛教懺還以  
 懺教他重重然無盡燈化不絕也文為三  
 意初欲為說懺次正為說懺三說懺已千

劫者餘多以顯懺力大爾詳如惡人造罪山  
 積能拔於王難尚分半國償豈復問其前愆  
 設千劫造逆雖復厚重能拔法性之王從如  
 未歲中顯成法身者大覺朗然超升自在寧  
 復為五無間業之所縛耶從我當安止下二  
 十五行半自修法供養文為二初五行自修  
 行後二十行半自修懺前自懺竟今那復重  
 詳如金師從初習學至于皓首五燒五打器  
 成方息修行辭智燒修懺斷打智斷極乃  
 止重說无舒前是自行門今是法供養門為  
 異也自修行又為三初一句標章我當安止  
 是也次修因十地是也次成果菩提是也珍  
 寶者十地因可貴諸地即是珍寶也脚是者  
 十地是果家之基本故言脚是又十度是十  
 地之脚是於餘功德非為不修隨力隨分正  
 以極為初地之是極是若滿得入初地乃至  
 智度足滿得入十地故十度為十地脚是也  
 果中有懺明果滿別明果滿在文可知功德  
 光明者是果上二種莊嚴也令眾生度海者  
 即果上轉法輪也從諸佛世尊下二十行半  
 明自修懺文為二初一行請佛後十九行半  
 明懺文為五初四行半懺報障次一行半懺  
 煩惱障次六行懺業障次兩行明迴向次五  
 行半懺善惡兩難就報障文又二初二行半

出報障相次二行請除滅百劫者受報之時  
 也時中受身身即是報報有所作作即是障  
 貧窮困苦是依報不圓亦是報障也愁熱驚  
 懼者由貧窮外偏故驚懼內焦皆報障也所  
 作眾惡者即想行陰苦也貧窮困苦者即色  
 陰苦也愁熱驚懼心常怯劣者即識陰苦也  
 暫無歡樂者即受陰苦也此皆報障意爾次  
 煩惱障文為二初兩句出相次一行乞清淨  
 次業障文為三初二行豎論三世造業次二  
 行橫明現起十惡次二行求懺過去業今正  
 受者名為報障未受者繫屬行人若修善道  
 能為障礙問過現須懺未來未有云何言懺  
 吾數家呼為未來有論家呼為當有大經云  
 遮未來故名之為殺現在念念滅何所可殺  
 祇遮斷未來名為殺爾經論悉以未來為有  
 故須懺也今更舉現事例之如在家人盡度  
 生方起無量惡念事雖未有次第必更忽然  
 發心捨家修道前所念事併與緣差未來之  
 業亦應如此雖非現有到必然今若懺悔  
 索然清淨橫開現世三業為十惡可解遠離  
 者惡斷他修行者善生也十住者初心因位  
 也速十力者後果滿也次明迴向者眾生頑  
 故愛著於有不能外出今懺此罪故云迴向  
 他以若此國土及餘世界為隨喜之文今意

不爾此土他方凡所作善皆施眾生共向佛  
果如聲入角則能遠聞方便力大與虛空等  
又結文云是迴向不得作隨喜釋隨喜在下  
文也釋八難者此是善惡中論八難非佛前  
佛後之八難文為二初四行指惡為難次一  
行半指惡遮善為難或指善遮道為難初四

約三

十三

句是報障難諸有者二十五有報得之身造  
作眾惡豈非報障生死險難有二辭若取其  
因即是業障若取其果即是報障種種淫欲  
即煩惱障心輕躁者復是報障輕躁是覺觀  
覺觀屬報法如羅漢斷煩惱盡出觀猶有覺  
觀散心當知輕躁是報障非煩惱也更舉世  
人學問迴轉易輒不成業障皆由輕躁之過  
宜非障邪近惡友難者惡友能汙染人三業  
此屬業障如移麻於扇邊如孟母鄰於哭貨  
朱亦墨黑即其義也三毒是煩惱障也遇無  
難難下此有二義一若不修善障難不與若  
欲修善惡障即起善非是障惡來遮善名善  
為難此義易知常人皆作此解也二者諸善  
是難善能障道豈非難邪此義今當說遇無  
難難者自謂無惡不肯修善如二乘入空生  
滅度想生安隱想不復進求菩提即其義也  
備功德難者多作有為求可意果如一比丘  
專行福德不備禁戒憶白象中七寶絡身金

孟承糞又如妙莊嚴王本事等豈非備功德  
難值好時難者如劫初時在鬱單越時一向  
受樂都不脩道豈非值好時難值佛亦難者  
如旃遮婆羅門女善星調達等皆是值佛而  
難例此應云聞法起謗值僧起破皆是難也  
若讀作難易之難者此是惡來遮善之義使

善難成也若讀作障難之難者此是善自是  
難能障於道又依經文云如是諸難今悉懺  
悔當知經作障難之難義也後諸佛世尊我  
所依止下二十一偈是第三稱歎者論次  
第前財法供養是身意身意未泯未備今更  
口歎若作法門者前是供養法門今是念佛

三昧法門文為三初一行標章歎次十九行  
正歎三一行結歎標諸佛者橫則十方豎則  
三世事即報應理即法身言略而意廣標章  
之巧妙也我所依止者依止法性一體三佛  
也佛海者四眼入佛眼十智入如實智皆失  
本名字但各佛眼佛智如物投石實如流會  
海無不甘鹹者法性三佛攝一切法故名佛  
海也就正歎為二初一行寄言歎後三行  
絕言歎寄言又二初一行略歎略況次十五  
行廣歎廣況略歎者諸相好中略歎金色釋  
論以即時鐵比即是金即時金比海金海金  
比龍金龍金比閻浮洲金閻浮洲金比四天

王金如是傳傳比第六天金第六天金比佛  
身金色第六天金如鐵又佛金光徹照辟障  
無影佛入城時放光照地一女人低頭禮拜  
金釵墮地唯見晃晃不知何者是地何者是  
釵佛過後光散方見金釵爾然金色身是眾  
相所依處唯舉金色故知是總歎眾相好也

全有四義堅不可毀辭常得之者富辭樂體  
無瑕穢辭淨色妙晃曜辭我諸德之中四德  
為總猶如須彌者須彌為四寶所成況佛身  
具足四德故知總況也廣歎廣況文為二初  
十二行半廣歎次二行半廣況廣歎又四從  
其色無上下二行廣歎金色無上無上者我  
德也從善淨無垢下三行廣歎佛色無垢無  
垢者淨德也從功德巍巍下三行半廣歎佛  
色安住安住者當德也從三有之中下四行  
廣歎佛色能除苦毒即樂德也從如大海水  
下二行半廣況文為二初二行廣況二半行  
合喻佛功德海思所不能知言所不能盡心  
行慶滅言語道斷即此義也海水難知況常  
德也地塵難知況淨德也山斤難知況我德  
也空邊難知況樂德也諸佛亦爾下合喻也  
從一切有心下三行絕言歎也文為二初一  
行半正絕言歎二一行半辯辭帖合一切有  
心不能得知即是絕思思既已絕口何所宣

即絕言也更勝辟帖合在文可見從相好莊嚴下一行總結相者結一切相好者結一切好莊嚴者一一相一一好中皆具象德以為莊嚴也從我以善業諸因緣故下有五十一行半偈是第四發願行若無願如牛無御不能有所至如畫無膠如坏未火如水中月故

以願持行亦是懺悔退轉之罪也文為二初有四十七行半明發願次四行約願隨喜初願又二初九行自發願次三十八行半為他發願自願又二初四行願果滿次五行願因願果滿願又四初一行成佛道是願意輪滿次一行說法是願口輪滿次一行摧魔是願

身輪滿次一行住壽又益是願慈悲滿因願又四初一行具六度願有為功德圓次一行願無為功德圓次二行宿命念佛圓次一行值佛圓為他發願文為二前八行半願作藥樹王身大悲拔苦後三十行願作寶珠王身大悲與樂拔苦又為四初一行總拔苦苦次一行拔根不具苦次兩行拔病苦次四行半拔王難苦與樂又為三初十六行半與世間果樂次九行半與出世因樂後四行結成上文大悲拔苦根不具者令具今大悲與樂視聽聰明暢悅快樂諸根語同與拔小異也從願諸衆生常得供養下九行半與出世因

樂文為二初三行半令修行外緣具次六行令備行內因具外緣又二初二行值三寶二一行半離八難人緣不同或值佛難不除或難除不值佛今願其亦除亦值內因又二一半行生尊貴家二五行半多饒財寶人因不同或多財而卑賤或尊貴而貧窮因不具足

今令其亦貴亦富女有五礙願其無五礙苦從若我現在下四行結成自他普願也前二行結自後二行結他從若此闍浮下四行約願隨喜隨喜者慶他脩善也亦是懺悔疾如之罪也文為二初二行隨喜於他後二行隨喜於自從若有敬禮下有九行偈是第五結

成文為三初二行結成斷惡故言超六十劫罪次四行半結成生善故言國王大臣之所恭敬次二行半結值佛多雖不別說善知識佛自兼之

釋讚歎品 讚歎凡有四意一從能讚人二從生善三從滅惡四從所讚人一從能讚人者前品明信相思疑佛壽四尊盡降其室一心信解夜夢金鼓出聲且向香山說夢今品佛述其昔為龍尊面讚法王願我當來夜夢盡說斯人之本事故言讚歎品二從生善得名者夫善不孤運生必託緣緣中勝者無過於佛龍尊

讚佛能生妙善從生善緣得名故言讚歎品三從滅惡得名者罪之尤者無過毀佛若翻滅斯罪應須讚歎讚歎治於毀訾從能治得名故言讚歎品四從所讚人得名者即是去來現在三世諸佛諸佛極尊甚深無量稱揚顯說故名讚歎品若欲分別述德名為讚哀

喻名為讚亦更互分別爾釋論第三十云其功德名為讚讚之不足又稱揚之名為讚也此品有恭敬是身業尊重是意業讚歎是口業口業不發身意不暢為暢身意音聲為佛事故稱揚顯說哀美如來真實功德故言讚歎品也結此四義都是四悉檀因緣立此

品名故言讚歎品也此品雖從四悉檀立名正是生善之用文為二一長行二偈頌而對告地神者主此大地菩薩行行皆寄其上壽命長久見去來今事證義事彊如瑞應云種種功德誰為證佛時指地是知我今說往昔金龍尊事所以對告地神也又對善女天者男天陽表權女天陰表實實智能生衆善善生故宜對善女證往故宜對堅牢今論生善之用故對善女證往故宜對堅牢今論生金光明法門依法性理故言金龍尊者此王往昔三世佛辨如雲雨故言龍能為衆生作大利益為物所仰故言尊從行得名故言金龍尊

也惣有六十二行半偈文為三一三十五行  
讚三世佛二十五行半發來世頌三二行  
結會二世事就讚佛文為五初一行半惣讚  
次二十三行別讚次三行偏類讚次五行半  
絕言讚次二行迴向惣讚者豎惣三世橫惣  
十方世方是惣事微妙寂滅是惣理惣理是  
惣法身惣事是惣報應二身惣讚三身亦是  
惣讚三德三寶等種種三法門如是諸佛惣  
皆清淨清淨者即是惣讚之辭也非但清淨  
亦常樂我淨從色中上色下二十三行是歷  
相別讚其文開出分為六意初六行半讚七  
大相海亦讚疑結之好次二行讚兩小相海  
次兩句偏讚大相海次十三行又讚四大相  
海次兩句讚一小相海次兩句讚手足柔爽  
從是一大相海所以然者大相小相更相間  
填共嚴佛身龍尊巧智如法相解如法相讚  
故大相小相相間而讚爾夫相好本莊嚴佛  
身佛身多種父母生身尊特身法性身身既  
不同相好亦異相體不同相用亦異相用不  
同相業亦異三身異者如林微尼圍舉手攀  
樹化右脇生天地大動阿夷甚驚披氈而相  
相相炳明決定成佛悲不能聲此是生身佛  
相也如釋論說尊特身佛巍巍堂堂辭如須  
彌映臨大海所有大相小相亦巍巍堂堂不

同常身常光常相此即尊特佛身相也法性  
身佛者非是凡夫二乘下地之所能見唯應  
度者亦今得見此即無身之身無相之相一  
切智為頭第一義諦譬八萬四千法門駭大  
悲眼中道白毫無漏鼻十八空舌四十不共  
齒四弘誓肩三三昧譬如來藏腹權寶智手  
定慧足如是等相莊嚴法性身佛也種相業  
者如釋論脩百福德成於一相三千二百福  
德成三十二相此即生身佛種相義也若以  
空慧導諸相業一一業悉與空相應諸相應  
中空相應最為第一此是尊特身佛種相義  
也若以實相導成諸業一一業無非實相  
法界此是法性身佛種相義三身三種相三  
種相業不得縱橫並別若一異者則不清淨  
非微妙寂滅以不縱橫並別故是絕言言歎  
所不及也今經正讚尊特身相上兼法性下  
攝生身處中而明實讚者之巧云一一相皆  
明其用如足下安平相一切魔邪無能傾動  
者一切有無無能動者一切邊無能動者如  
頂向髻相法不礼人亦不礼聖亦不礼分中  
別有所出從去來諸佛下是第三偏類讚  
諸佛法身平等一心一慧應化亦然特舉一  
佛一相以為讚端偏類諸佛亦復如是文殊  
問般若云念一佛功德與十方諸佛等即其

義也身口清淨者有二解一云所讚者三業  
清淨我今悉礼二云能讚者清淨以好華香  
是身淨奉獻是意淨歌詠是口淨從設以  
百舌下是第四絕言讚初三行半是絕言讚  
次二行是絕心讚而有三省者或應擬三身  
絕言也一人百頭頭有百口口有百舌佳壽

千劫讚生身佛相好功德不能得盡一人千  
頭頭有千口口有千舌佳壽萬劫讚尊特身  
佛相好功德不能得盡大地及天毛滴其水  
一切有心不能知法性身佛相好功德是故  
絕言絕心歎從我今下兩行迴向也從如  
是人王下二十五行半是第二廣讚來頌文

為二初一行佛述後二十四行半是龍尊勝  
願文為五別初五行夜夢晝說願次兩行為  
他取淨土願次兩行同求記願次三行  
下化願次十二行上求願其間細釋可尋問  
諸願皆起此中何不與記答法伴未來來在  
不久從從信相當知下兩行是第三結會吉  
今如文

二十末

金光明經文句卷第三

約二

金光明經文句卷第三

校勘記

- 一 底本，明永樂北藏本。
- 一 三一〇頁中四行「三障」，**徑**作「五障」。
- 一 三一頁上一五行第六字「若」，**徑**、**清**作「苦」。
- 一 三一頁上一九行末字「既」，**徑**、**清**作「所」。
- 一 三一頁中三行至四行「供歎」，**徑**、**清**作「供養」。
- 一 三一頁下二一行第四字「他」，**徑**、**清**作「也」。
- 一 三一頁上一四行第七字及一一字「友」，**徑**、**清**作「友」。
- 一 三一頁中一〇行第一五字「者」，**徑**、**清**作「若」。
- 一 三一頁中二三行「即是金」，**徑**、**清**作「即時金」。
- 一 三一頁下一行「傳傳」，**徑**、**清**作「轉轉」。
- 一 三一三頁下八行第九字「曜」，**徑**、**清**作「曜」。
- 一 三一三頁下一五行「當德」，**徑**、**清**作「常德」。
- 一 三一三頁下二三行「帖合」，**徑**、**清**作「帖合」。次頁上一行同。
- 一 三一四頁上一七行第一三字「圓」，**徑**、**清**作「願」。

金光明經文句卷第四

天台智者大師說

門人灌頂錄

約四

釋空品

夫空者應有四種謂滅色入空即色是空滅  
邊入空即邊是空此經通諸乘懺悔應須四  
種空而今品但標空者專是即邊而空也何

故爾經云無量餘經已廣說空是故此中畧  
而解說也又空者空有無空有者空二十  
五之塊有空無者空二乘之灰無兩邊清淨  
名之為空直作此說惑者迷名濫理不能起  
悟今作六句分別空破非有非無非有非無  
破空空修非有非無非有非無修空空即非

有非無非有非無即空空破非有非無者所  
謂凡邪非有非無見二乘偏住非有非無證  
別教教道執非有非無門悉為空品空所破  
也凡邪之見多種一單四見二複四見三具  
足四見單四見可解複四見者謂有有無  
無有無無亦有亦無有亦有亦無無非有非  
無有非有非無無此是複四見具足四見者  
於一句中具有四句四四十六句故名具足  
也雖單複具足皆苦集浩然雖計為非有非  
無實是妄見故為空品空所破也二乘偏住  
非有非無證者斷常見故言非有斷斷見故  
言非無有無二見滅無餘三界見思永已盡

生滅度想生安隱想梵行已立所作已辦不  
受後有保此而已不復進求三菩提但二乘  
發真斷常見斷斷見其門不同或從有門入  
如阿毘曇或從無門入如成實論或從亦有  
亦無門入如毘勒或從非有非無門入如那  
陀迦旃延經離斷離常名聖中道四門俱斷

斷常名同中道實是保偏取證故為空品空  
所破也別教教道執非有非無門者佛為  
根菩薩方便權巧作四門說中道如彼  
不得意者四門成諍故涅槃云真善妙有大  
般涅槃空佛性亦色非色非非色非非色若  
執一門則於如來有諍訟心不見中道執此

教門猶為空品空所破也新本云初地菩薩  
欲行有相道斯即一門之意也文中悉有四  
門之說大經云自此之前我等悉名邪見人  
也非有非無破空者還是凡邪之空見二乘  
之空證教道之空門墮在二邊故為中道非  
有非無所破也相備者見空證空教道空應  
備中道非有非無也非有非無見非有非無  
證非有非無教門應備中道空也相即者破  
二邊空即是中道非有非無中道非有非無  
即是破二邊空無二無別般若是一法佛說  
種種名空即是非有非無而不以非有非無  
為名者為略說故故言空品也此品來意者

懺品破惡讚品生善空品導成滅惡生善也  
亦是導成用宗体等故釋論云若以無此空  
一切無所作導成上品故明空品也又常果  
顯体滅惡生善非不明空利者已解為鈍根  
故起大悲心更明五陰生法本性空寂此  
品有四十五行偈分為二初四行半叙欲說

空次四十行半正說空無量餘經者指廣而  
明略亦是標略以顯廣若指般若則此經非  
方等攝若不指般若諸經不廣明空義此復  
云何答諸經前分結集人應作次第而其後  
分皆攝入前例且舉一以類諸如阿含經云  
佛將涅槃舍利弗不忍見佛滅前佛而去均

頭頭擊衣鉢來至佛所此是窮後之事而在  
十二年阿含中集當知阿含後分至涅槃  
也又方等次第在法華前而云先於靈山已  
為聲聞授記豈非方等至於涅槃又大品次  
第在法華前釋論云須菩提於法華中授記  
故而諸菩薩為畢定為不畢定當知般若亦  
至涅槃以此推之言次第者是前分也互相  
指者是後分也結集者以後分明義氣類若  
同向前集之或者不知言乎次第實不乖也  
此經屬方等後分指般若為廣說於義無妨  
略而解說者佛有略廣二門應作四句分別  
或名義俱廣如十八空二十空二十四空是

也或名義俱略如一獨空是也或名廣義略如法性實相實際如如法界等眾多名共名一義是也或名畧義廣如生法二空之名而義大廣遠從凡地至于極佛皆名衆生釋論云衆生無上者佛是從凡夫之五陰極至佛地亦稱色解脫受想行識解脫釋論云法無

上者涅槃是今言略說生法二空下文云五陰舍宅觀悉空寂善女當觀何處有人及以衆生即其義也衆生根鈍者根緣不同或廣說得悟名利根或略說得悟名鈍根此語似倒身子一聞得悟是略是利目連再聞得悟是廣是鈍此紅意不就得悟達明利鈍乃是

聞持邊論利鈍利人廣聞則能持鈍人略聞方能持今機但有得悟之機無有廣持之機故言不能廣知也無量空義者二乘真諦是有並空義菩薩中道是無量空義此經明法性實相即是無量空義也異妙方便者即是悲愷方便巧作上來辨果明因滅惡生善種種分別等是也起大悲心者一段衆生著有病重故大悲亦重也我今演說者演名為廣與略相違上論生法二空是名略今論生法二義故言演爾知衆生意者知此一機樂略宜畧對略悟略故言知意也叙欲說空意竟從是身虛偽下四十行半偈是第二正明於

空又為二初從身偽下十九行半明生法二空境二從善女當觀下二十一行明生法二空觀無境觀不正無觀境不顯應引止觀中十番檢境智明不可思議下文云不可思議智境不可思議智照新本云如如法如如智即其義也明空境又二初從是身虛偽下十

七行半明實法境二從水火風種下二行明假想境實法者觀五陰無法觀十六無人空觀論理故名實法身雖未死虛假臭穢故名假想亦名慧行行行緣空直入名為慧行帶事兼備名為行行亦名正道助道空觀順理名為正道不淨破貪名為助道小乘脩正道

斷結名慧解脫人脩助道斷結名俱解脫人大品明菩薩發心與薩婆若相應者是脩正道遊戲神通淨佛國土者是脩助道法華名為大車廣從即此意也涅槃明正慧遠離遠離十相住大涅槃又諦觀白骨破二十五有成王三昧衆經同論此二義而有廣略今經略明正助意也實法境又二初從身偽下十行半約苦果論境二從從諸回緣下七行偈約集因論境觀此苦集而起道滅若能見四諦則得斷生死有既盡已更不受諸有云苦境又三從身偽下兩句明生空境吹從六入村落下九行偈明法空境次從身空靈

偽下一行結上生法二空境是身虛偽為生空境者攬陰成身計有我人衆生壽命身見得主者依其生名虛偽則求身得身見不起餘知見亦寂故約假身為生空之境又檢此身原由一念妄想託父母遺體假名之始也此赤白二滌色陰也覺苦樂受陰也此

苦樂想陰也具三性行陰也識於中住識陰也又精血是地大溼是水大煖是火大氣命是風大四大圍空是空種心依此住是識種此實法之始也觀此身與名依妄偽法豈可為真故言虛偽空聚者身名積聚如水上泡圖空而起泡名亦起起即有滅泡名亦滅無

明業力託父母體即陰泡起陰泡起即身名起陰泡滅則身名滅故言空聚也從六入村落下明法空境何以知之此文但細檢根塵不論人我故知是法空境文為三初一行明六根次二行明十二入次五行明十八界六入者六根也能生於識名之為根塵之所趣名之為入亦為識之所趣故名六入也檢其元初但有二事謂命燭識如凝酥薄酪七日一變巧風所吹開張五胞攬四大淨色結成眼耳鼻舌身等諸根若立則有生識之用是為開色為五心但為一識依根住故名為村塵從此入故言結賊所止眼見耳聞鼻嗅舌

身觸意緣各有所向不得相濫故言各不相知也從眼根受色下明十二入更開色為十并一入少分開心為二成十二入也塵入於根根亦入塵互相涉入通名為入根生識強別名為根塵汗義強別名為塵當一根塵互相涉入故言各自緣他根不入此塵此塵不入他根故言不行他緣也從心如幻化下明十八界更開心為八色為十界者隔別不濫名之為界文為三一心如幻化下明識徧諸根假令眼耳不對於塵心亦追緣預念故言馳騁如人坐馳天下以愚痴故不知根塵空險故為賊害如大經云二心常依止下明識常在根故言六根識常在塵故言境界若謂識不在根塵那忽即對即覺以即覺故故常在根塵釋論云根不壞心欲開復有聲眾緣和合故得聞即此義也三心處六情下明識之於根乍出乍入如鳥在網出入間關啄一捨一周而復始無暫休息識在根網亦復如是或在於耳或在於眼去還無定雖復無定而得論常在云從身空虛偽下一行是第三結上生法二空境也身空不可長養結上生空境長養是十六之一長養既空十五亦空即是結成生空境也亦無正主者結上法空境遺教云此五根者心為其主此明託

胎之始心在諸根之初名之為主其實不能控制諸根根大相違心為受惱身病時心亦隨病寧得是主邪或時更互論主如地具四微則鈍為水所制水但三微為火所制火但二微為風所制風有一微為心所制心無有微故得為主復為四大所惱主義不成故言無正主也無有諍訟者若計有四大則有相違如四蛇相陵四國相拒可有諍訟今觀四大空不能得空便故言無有諍訟也此是結上法空之意也從諸目緣和合而有下七行偈約集目明境即是集諦文為三初兩行明集起相次三行半明集相吞噬次一行半明集善惡境前三是慧行後一是行行前三是正觀境後一是助道觀境前一從無明生後一從無明滅若直論生滅者未異小乘無明本不生而生不滅而滅生滅不二而二爾從諸因緣者若集通從因緣欲明集義須作集之因緣釋也前三句假名起之因緣後五句實法起之因緣小乘破四大至鄰虛細塵從細塵則有餘塵用此為起假實之因緣今明細塵可析盡細塵亦盡餘細塵盡將何物作因緣言因緣者無明內惑為因不了生法二空故染愛於外為緣觸塵染著故無明潤愛集業得起故言從諸因緣和合故起以業起故

則有一念託胎於苦果此一念託胎由無明愛能生之心既是虛妄所生之心亦是虛妄計其本末能所都虛故言無有堅實也妄想故起五句明實法起之因緣由妄想不了一念託胎五陰得起也業力機關者善惡業是機關主色陰是機關具受想行陰於中動作去來進止以自娛樂識陰依六入住故言空聚四大所造故言成立也隨時增減共相殘害者堅論增減者如涅槃十時別異後歌羅邏時名增壯時名減老時名減橫論增減者火增水減水增火減風地亦爾又念念生滅生是增滅是減又新諸根生故增故諸根滅故減又下文云隨其時節共相殘害春風夏火秋地冬水增減云譬如四蛇初在籠時名生四蛇力敵名壯互相強弱名病蛇鬪因暫息不動謂為調適息已復鬪蛇羸如老蛇絕為死如是增減此是果身如此由乎集業四分等如地噴如火欲如水痴如風此四分互相遠瑞應云貪欲致老瞋恚致病愚痴致死例云等分致生集業相噬致令四大增損云同處一籠者此明籠同性異蛇有螫毒四大有八萬四千煩惱為害義同大經以假身為護身持四大如籠貯蛇籠壞則蛇去身滅則大亡如鳥在籠又用業力為籠業持四

大業謝則大散如鳥在籠處處求出心鳥亦  
然未嘗一念繫在身篋恒常外馳此則念念  
求死非安身道也其性各異者二上升是陽  
二下沉是陰何故相違猶其性別性別那能  
和合成身諸方亦二者四大對四方風東火  
南地西水北又對四時風春火夏地秋水冬

東與南屬陽而上外西與北屬陰而下沉故  
言二上二下諸方亦二若相對論者東上西  
沉南北北降若論四維者東方帶兩維一維  
陽上一維陰下餘三方亦如是或言一維中  
具四大二上二下悉滅無餘者初見散滅  
謂言風火向上地水向下比至上推不得於

風火下檢不見於地水故言悉滅無餘也若  
果外沈頑異由於集業善惡天乖云心識二  
性躁動不停者釋論云心意識一法異名對  
數名為心能生名為意分別名為識又言有  
異前起為心次起為意後了別為識例如意  
識不得為一二性者心有善惡性異意之與

識亦有善惡性異故言二性也躁動者心  
起時亦與數俱意識後起亦與數俱故言躁  
動又如四大壞時善惡業爭牽不知從誰故  
言躁動但此業未謝心常覺觀况復業牽牽  
不躁動有熟牽強事此世雖行善先世惡業  
熟既與時合即愛惡報故言熟牽強事

雖行惡臨終之時善心猛盛即隨善上升熟  
牽強牽彌顯躁動亦是隨業所作而墮諸有  
云水火風種散滅壞時下二行明業謝弃苦  
龜也氣命盡是風去故言散燼盡是火去故  
言滅水盡則身爛故言大小不淨盈流於外  
地散滅是骨肉離解故言如朽敗木大小不

淨者身為大四支為小是支為大手支為小  
手為大指為小如是傳傳作大小皆悉臭穢  
不淨盈流此名助道若正觀降伏煩惱煩燥  
不伏當脩不淨助破欲心釋論云三解脫是  
涅槃門道品是開門法不淨九想等是助開  
門法不淨是破欲初門若進脩背捨及大不

淨已身他身一身多身一國多國山林石壁  
一切依正皆悉不淨即雖未爾想力若成怖  
畏心起能大助道開發正慧大經云不淨觀  
亦實亦虛能破煩惱故名為實淨言不淨是  
故為虛此不淨觀亦具生法二空大經云諱  
觀白骨一一支節何者是我八色流先亦復

無我我不可得即是生空鍊骨人八色不見  
四大無有於實即是法空此就助道明於生  
法終成正道爾從善女當觀下二十一行是  
第二明生法二空觀文為二初八行半明脩  
目生法二空觀次十二行半明果成起用因  
中又二初三行半約苦集明生法二空觀次

從無明相下五行約十二目約明生法二  
空觀約苦集又二初從善女下一行半明眾  
生空次從如是諸大下二行明法空問四諦  
十二緣是二乘法云何是菩薩觀門答四諦  
十二緣通是三乘觀境辟如大道貴賤同游  
不可羣小行之而判屬民庶通意云何涅槃

云我昔與汝等不見四真諦云云又云凡夫有  
苦無諦聲聞有苦有諦菩薩解苦無苦而  
有真諦諸佛如來有真有實所以然者二乘  
觀有量四諦菩薩觀有量無量四諦大經云  
十二因緣凡有四種下智觀故得聲聞中智  
觀故得支佛上智觀故得菩薩上上智觀故

得佛菩提復有別意大品云十二目緣獨善  
薩法如佛昔為孺童雖行眾行非波羅密見  
然燈佛得無生法忍一念相應習應苦空乃  
至習應滅空習應無明空乃至老死空諸相  
應中空相應最為第一以空道行皆名波羅  
密以得無生法忍故佛即與記當知菩薩豈

不觀於四諦十二緣邪二乘雖復同觀觀法  
有異聲聞觀諸果惣作一苦諦觀觀諸煩惱  
及業惣作一集諦觀又苦之與集惣是現在  
所以名惣相觀也緣覺觀苦為七現在五未  
來二觀集為五過去二現在三別觀三世別  
開苦集故言緣覺別相觀也雖復惣別有殊

同是自謂自度同是辨生法二空觀爾與菩薩有異菩薩與眾生備四等六度觀四諦十二緣作生法二空今舉譬喻之如握五指成拳若一指一拳應有五拳若一指無拳五何得有我人亦爾攬五陰成眾生一陰有眾生應有五眾生一陰無眾生雖五亦無即陰求眾生不得離陰求眾生亦不得雖求拳不得拳不妨有皮骨之指存雖求人不得人不妨有五陰之法在二乘人得生空時未能知法空更須析指皮肉骨髓分推求亦不得指地水火風窮逐鄰虛亦不得色前念後念亦無想受求指不得指始知指無求法不得法方知法虛既不得生法二空境亦不得生法二空智通菩薩觀亦然為菩薩二乘析生法二空相如此但有自行為他之異云若論別菩薩體空與其永異如見鏡拳懸體既虛不勞尋檢鏡拳既虛鏡指非實鏡內拳指既非虛鏡外拳指亦非實眾生亦爾但有名字名為眾生此之名字本來自空非檢後空名既假名法亦非法體名即體法如大品云我性如色性色性如我性今世生法由無明行五果既虛二因寧實下文云本性空寂無明故有無明既寂從無明生寧得不寂雖不得生法二境而能了了通達二境不為境所染

雖不得生法二空智而能了了通達二空智不為智所淨非染非淨變亡二邊正入中道第一義諦而能雙照二諦三諦朗然非前非後一時大覺與此甚深法性相應金剛寶藏具足而得是為菩薩體生法二空觀諸小乘師雖說析空同外道義何者析色極至隣塵或存塵不破或破塵令盡若存不破祇是常見者破塵盡祇是斷見斷常宛然非邪何謂諸大乘師雖說體空同於小道何者單用體慧不能一念空心游戲神通淨佛國土具足解釋佛之知見何能三智一心中得五眼具足而成菩提耶似小乘壞法人無三明六通願智頂等祇是慧解脫人而已非小何謂今經首軸窮深極廣序品云游於無量甚深法性空品云求於如耆真實法身捨身品云求於寂滅無上涅槃豈可用世人邪見豈可用小乘之析豈可用大乘師之體解此空義邪善女當觀下一行半明生空觀初一句對告勸發次一句指上境次四句正作觀善女者善提樹神也諸佛說法必有對揚寄一以訓善故告其人又時眾機緣宜在善女若聞對告宿善發生又男天表方便女天表智度欲說智度破於愚著故告女天也又佛在道對得道欲說此道故對告對神也此是表四

悉檀對告非無因緣也當觀者勸一人以例諸一切菩薩必須備於智度無有菩薩不由此者故言當觀也諸法者指上四諦十二因緣若假若實二空境也名目雖略攝法則徧故言諸法也如是者正明捨觀也如是有三義謂如事如理如非事非理如事者如助道假想不淨流溢也如理者如生法二空無法也如非事非理者如法性法身也又事即如理如非事非理非事非理非事非理非事非理即如事即如事即如非事非理三法不一異故言如是三法亦一異故言諸法何處有人者點出理觀也何處者若色處有人則不須四陰若色處無人四處亦無人五處都無人故言何處有人又果處既無人無明行日處亦無人因果合亦無人離因離果亦無人故言何處有人也人既無眾生十六知見等皆無故言及以眾生也本性空寂者點出非事非理觀也本性無事亦復無空空本空事既其無事空何所空無事故事寂無空故空寂本性如此非今始然故言本性空寂也無明故有者點出事觀也若其空而復空那得此事既有事即有空既有空即有非事非理此之三種悉由無明故有以有無明痴故有行有行即有生法既有生法即有助事之觀助

來助正即有空理之觀正助顯本即有非事  
非理之觀是事不知名為無明淨名云從痴  
有受則我病生病生故則有藥起即此義也  
若知無明本性空寂尚無無明那得事理非  
事非理畢竟清淨故稱空慧也但我見深重  
為覺道大障凡夫所作恒與我俱我行我住

坐卧言語無離於我我行施戒乃至我行智  
慧若攬他遺體而計我者此我疏鈍若執法  
塵而計我者此我審利如執一法謂我知我  
解於法起我隨執一句是實餘皆妄語即是  
邊見非道謂道即是戒取非理謂理即是見  
取不當謂當即是邪見自是陵他即慢撥

之即瞋譽之即愛破之即疑不了即癡十使  
煩惱以我為根本不自覺知日夜增長繁令  
世智辨聰如長爪鏃腹難石石裂難樹樹折  
難水水竭難火火滅去道弥遠假令隨禪梵  
世極至非想我心常在將出復還如此凡邪  
尚無暖法那能破我廣說此我即二十種身  
見謂即陰計五離陰計五我中有五陰陰中  
有五我是為二十若一陰是我餘陰無我若  
併是我即有五我是義不然若離陰有我既  
離於陰我是誰我是義不然若陰中有我是  
則陰盛於我如器盛果如屋貯人是義不然  
若我中有陰則陰在我內是義不然為破

二十種身見此約外境作如此說而其內心  
猶計有我復當反觀即智有我離智有我我  
中有智智中有我是義皆不然復破二十種  
身見內外合數即四十種身見是名生空毗  
曇云我見是共等因我見起時未動身口因  
我見後生思惟時方動身口斷我見已悟象

生空成論明我見心即思惟能動身口斷我  
見已即悟象生空亦悟法空大乘明我見即  
具諸法可不具於思惟悟象生空即是悟實  
法空破二十種身見通上三句皆通用之若  
即事而理何處有人即陰離陰陰中無人人  
中無陰二十種身見破故言何處有人能觀之

智智即是人離智有人人中有智智中有人  
此計亦破故言何處有人若作非事非理本  
性空寂觀者本性空寂本無即除離陰陰人  
人陰既無如此計破故言何處有人能觀之  
智本性亦寂故言何處有人若作助道不淨  
觀時若觀惡心取境即是汗穢五陰若善心  
慙愧即是方便隱沒五陰是見皆依色色即  
不淨以不淨故無人無我故言何處有人能  
觀觀智亦復如是故言何處有人若得悟為  
論破二十種身見是得象生空無復見惑而  
作二十種觀者除於實感實感若除即入脩  
道即應言何處有法若未悟為論者雖作二

十種觀見或來除而於假名上伏愛度入實  
法計我故法華云眾生處處著捨一取一如  
魚步蟲須實法上更作二十種觀使空慧分  
明處處作無我從如是諸大下兩行明實法  
顯上生空得悟即解於法為未悟故更說尔  
又亦為三初兩句即法而空次一行一句即

法本性非空非假次一句即法而假例如生  
空三意也如是諸大者標四大法也一一不  
實者正明空觀也若四大各守其性者地守  
堅性不應動不應燻水守溼性不應水不應  
波火守熱性不應真不應破風守動性不應  
持不應觸壁而止一大既有三性非都堅非

都濕非都熱非都動失本性故則是不實不  
實故空請觀音云地無堅性水性不住火從  
緣生風性無礙一一皆入如實之際即其義  
也上檢生空故言何處有人今檢法空故言  
一一不實不實者即空也本不生者即法  
本性不生不滅非空非假觀也依其元不生  
中無和合未亦不空元無四大四大何得而  
生元既不生中那和合四大既不和合寧得  
五陰和合大陰既不和合那得法空本自不  
生不滅非是觀智令其不生不滅即事而理  
此之謂也以是因緣也觀與理冥達即空即  
假即中大經云亦有因緣因滅無明即得熾

然三菩提燈即因緣義也和合而有者即法而假也既本體不實那得大陰此由無明業因託今世遺體果故有四大五陰即是迷惑因果和合而有此法有故非有非有亦非有非非有即空即假即非空非假三觀明文在經寧不信邪更為鉅根人作實法惑相或謂

四大五陰是有是無是亦有亦無是非有非無四執既生生名為有是見依色依色起我我生五利為法惠怒復起五鈍十使是集方招來苦來世不了展轉無窮生死大海濤水波濤世世常為大陰所惑感此色法即色陰憂喜是受陰取相是想陰起善惡是行陰分

別是識陰陰心起故名有法非法空也心不依色亦復不依受想行識寂然滅衆惡無量罪除如是尊妙人則能見般若亦是甚深法性金光明中而得見我釋迦牟尼行人若能如此觀生法二空則是懷壁向本一世兩世能有所辦保不孤矣從無明相下

五行明十二目緣生法二空觀文為二初三行出境相後二行出境相初又二初二行明生空境故文云名曰無明釋論云誰老死故知是生空境也後一行出法空境文云老死愁惱釋論云是老死故知是法空境也然十二因緣經論不同或三世或果報或一念或十

種三世者過去二因破神常之見現在五果破神我之見現在三因未來二果破神斷之見常途所用果報者初託胎歌羅邏時為無明一期始終論十二支也一念者華嚴云十二目緣在一念心中大集云十二因緣一人一念悉皆具足如眼見色不了名無明生愛

惡名行是中心意名識色共識行名名色六塵生貪名六入色與眼作對名觸領納名受於色纏綿名愛想色相已名取念色心起名有心生名生心滅名死乃至意思法亦復如是一日一夜凡識幾許十二因緣輪網以自纏迴今更說其因起之相若觀名色由行行

由無明於無明不了或謂有謂無亦有亦無非有非無作四句取者皆是無明是事實是行是中心意名為識識共色行名名色一一如前說又觀一念託胎是名色五胞開張名六十六入對塵名為觸領納為受於此受中作四句分別或有受無受亦有亦無受非有

非無受如眼受色於色不了是無明愛惡之心名為行識共色行名名色六塵生貪名六入餘如上說乃至意思法不了是無明愛惡是諸行餘如上說如此推十二因緣大樹枝條布滿徧覆三界誰能識邪誰推伐邪今經既略說不論三世一念等但舉生法為二

觀之境宜以譬顯如捉火爐閣中舞之圓輪相續團團不斷火者實法也輪者假名也衆生長夜著於假名舞於不息迷於陰入薪火不息十二因緣何由可盡若知輪依於火止手則無輪火類於薪除薪則無火輪火雙無生法二空也生空境文例於三無明相兩

句明本性不有不無是中觀境妄想因緣和合而有此兩句是假觀境無所有故兩句是空觀境是故我說兩句結成行行識名色一行明法空境例應有三特是文略得意可知衆苦行業下明生法二空觀文亦三意衆苦行業不可思議一行明法空境有觀本無有

生亦無和合兩句明空觀上句本無有生是生空下句亦無和合是法空也不善思惟兩句明假觀前不善思惟致今名色今不善思惟復有未來老死雖名為生法二空觀即空即假即中其文炳然明與義會何所疑哉更為鈍人說空觀相若假名自生不須實法

若由法生非假名生若假實合生應有二觀若離假實則無是處今之假名但有名字名不在內外兩中閒亦不常有以不可得故是名觀假名空觀實法空者若名色自生不應待業若業能生羅漢有業何故不生若業果共生各有名共各無事共若無因緣生則

無是處既不得生亦不得不生亦不得亦生亦不生亦不得非生非不生亦不得滅亦不得不滅亦不得亦滅亦不滅亦不得非滅非不滅無滅無生名為無生故假名壞假壞故則六十二見壞見壞故實亦壞既不然火是則無煙日中舞於是亦無輪是略示空

觀相中觀假觀在別記云我斷一切諸見纏等下十二行半偈是第二果上生法二空用明觀我證果文為二初三行半自行成後九行化他成自行文又二初兩行智德滿次一行半斷德滿一切諸見者六十二見八十八使等故言一切此是生空觀成也以智慧刀

者辟智慧利用上辟斷見下辟斷煩惱纏者別明十纏煩惱者通明十使纏有羅籠之失舍有覆隔之過達陰空寂障不能蓋裂網破壞羅罽不能礙此是法空觀成也二乘所斷是通見纏菩薩所斷是別見纏淨名云結習未盡華即著身未斷別見為華所著也

而言佛斷見纏者若通若別究竟盡在於佛也釋論云眾生無上者佛是法無上者涅槃是無上假實佛地所不感故言斷尔經論不同或言佛上上智斷下下感無明力大佛智能斷一念相應慧正習俱盡無有餘或言有上士者名之為斷無上士者名無所斷斯乃

隨國隨時隨人隨悟皆有利益云證無上道者生法二空正境滿也微妙功德皆法二空助道滿也開甘露門下一行半明斷德滿甘露是諸天不死之神藥食者命長身安力大體光辟諸佛斷德住大涅槃真常樂我淨用知是斷德滿也然此義意復欲通對華嚴諸

位開甘露門對十住位初開聖道邊二邊故故言開也示對十行歷別顯示也入對十四向迴入理也處對十地處法性室也食味對妙覺自食斯味兼以被人不地非不化他自行未圓化亦不廣佛地果圓斷德已滿慈悲力大能為眾生開於十住示十行入十向

處十地食甘露味功用具足斷德化他兩義皆成也又通對般若四智開對道慧示對道德慧入對一切智處對一切種智食味對佛住大涅槃以大悲令眾主得此四智於果地斷德義亦無妨又對法華開示悟入佛之知見良由佛德圓滿能以大事目緣出現於

世開示眾生佛知見也於斷德義亦顯又涅槃云常樂我淨於果斷最便如前釋云吹大法鼓下九行明果地化他滿文為二初兩行轉法輪化他次七行四弘誓願化他說法又二初一行說法次一行神通餘經前神通助物關後說法今經後神通成前說法亦因

時生法二空之正慧得果時智德滿故能說法化他修因時生法二空之助道得果時斷德滿故能神通化他說法舉四辟者聞法之益實自無量略舉四辟別有所擬吹鼓是改號辟佛說小乘法改凡夫苦忍之凡性入聖人之正性說大乘法改凡聖之偏性入中道

之圓性通教七地別教初地圓教初住皆是改號之位從備以入中也擊大法鼓者擊鼓誠進肅眾前驅此辟佛說法督進深行小乘位在修道通教在八地別教在十行圓教在初住此諸位以聞法力咸進真修道也然大法炬者炬能自照亦能照他辟佛說法令自

他雙益如千年闇室一燈能了又如一燈照百千燈聞法之力自他俱益亦復如是通教八地別教十迴向圓教亦在初住皆是道觀雙流自他俱益之位也雨勝法兩者雨能成熟農夫加功扶疎益寡時澤一降華果敷榮喻如眾行雖復勤修發趣事弱聞佛說法增

道損生任運成熟自然流入薩婆若海如大恒中船不勞筋力疾有所到此並在雙流位中義如上說若得此意例華嚴之四位般若之四智法華之四知見涅槃之四德皆可解此一法盟諸經之位橫論一切諸位一聞法音隨類各解云此中四辟皆言大者說大

法也通途解釋明大非小位尔我今摧伏下  
 是神通化他也怨結者四位是二乘怨結五  
 住是菩薩怨結魔為煩惱主伐樹去根化物  
 須降主若不降魔化道不暢降魔之法須用  
 神通辟如勝怨乃可為勇非法王不壞法王  
 勝者是時化道得立尔豎法幢者法幢三昧  
 也高出衆行為衆行之望如兵望塵也三德  
 不縱不橫故言微妙從度諸衆生下七行是  
 四弘誓願化他難復成果本願未休故言四  
 弘益物亦名四諦益物四弘是誓願之心四  
 諦是所緣之境也度諸衆生是初弘誓亦是  
 未度苦諦令度苦諦也從煩惱熾然一行是  
 第二弘誓亦是未斷集諦令斷集諦也從我  
 以甘露下一行是第四弘誓亦是未證滅諦  
 令證滅諦也從於無量劫下四行是第四弘  
 誓亦是未安道諦令安道諦也此中指檀為  
 四諦檀對於慳慳貪自蔽是集集業招果是  
 苦檀能破慳是道慳滅是滅諦無量劫者積  
 功高也遵修諸行者攝法廣也論云檀攝攝  
 於六云捨身命財與後際等得不壞常住名  
 波羅密賢高橫廣故言遵修諸行也

金光明經文句卷第四

妙

約四

金光明經文句卷第四

校勘記

- 一 底本，明永樂南藏本。
- 一 三二〇頁中八行「傳傳」，徑、清作「轉轉」。
- 一 三二一頁上二行第六字「與」，徑、清作「為」。
- 一 三二一頁上一六行末字「虛」，徑作「空」。
- 一 三二一頁中二〇行末字「訓」，徑、清作「訓」。
- 一 三二一頁下七行「流溢」，徑作「流溢」。
- 一 三二二頁上六行第二字「覺」，徑、清作「學」。
- 一 三二二頁下三行第三字「盡」，徑作「盡」。
- 一 三二二頁下三三行「因緣」，徑、清作「因緣者觀解因緣」。
- 一 三二二頁上一七行第一三字「壁」，徑、清作「壁」。

- 一 三二三頁中七行第一一字「共」，清作「六」。
- 一 三二三頁中九行第六字「愛」，徑、清作「受」。
- 一 三二三頁中一七行「六十」，徑、清作「六入」。又本行「為受」，徑、清作「名為受」。
- 一 三二三頁下六行第一一字「於」，徑、清作「為」。
- 一 三二三頁下二〇行末字「名」，徑、清作「名字」。
- 一 三二四頁中一〇行第一二字「不」，徑、清作「下」。
- 一 三二四頁下二〇行「筋力」，徑、清作「筋力」。
- 一 三二五頁上一五行「第四」，徑、清作「第三」。

金光明經文句卷第五

天台智者大師說

門人灌頂錄

約五

釋四天王品

四天王者上升之元首下界之初天居半須彌東黃金埵王名提頭賴吒此翻持國領乾闥婆宮單那南琉璃埵王名毗留勒又此翻

增長領鳩槃荼薛荔多西白銀埵王名毗留博又此翻雜語領毗舍闍毒龍北水精埵王

名毗留門此翻多聞領夜叉羅刹此四王聞經歡喜各領五百眷屬發誓護經從此標章

故稱四天王品觀心釋者東集南苦西道北滅四諦理是四天觀四諦智為四王護四諦

境名護國護心數是護眾生世者他也為他說心數名護他衆生八部者苦諦下有利鈍

見思法華指此為鬼神乃至成諦下亦有見思是為八部也若不照四諦理見思二惑侵

害心王毀損境界心王亡境國收心數人民逆散境智俱為鬼神所惱能觀苦集控御見

思則國安民寧能為他說四諦是護他國土遮彼見思使得安樂是為觀心護世四天王

也此下十三品是流通段佛慈奉末使邪惡不墮於正真經王不墮於來代有緣之者得

正聞正聽故曰流通凡為七意四天王至散脂明天王發誓勸獎人王弘宣此經正論善

集明人王弘經天王祐助亦是示世日弘經

方軌鬼神品明聽經功德天神地祇若河若海皆提薩埵成守衛之校記品證聽經功德

之下除病流水引昔聽經之功德證今護持之非謬捨身品引昔行經不惜軀命戒勤

師弟勿吝法財讚佛品明諸善法讚揚佛法能宣所宣利益深重云天王發誓又為五四

王以天力擁護請者大辯品以辯充益說者功德天品誓以資財潤請者說者地神品誓

以地味膏腴味請處說處散脂品誓以威武推外敵攘內難安於請說聽等也又天王護

其國大辯護其師功德護其衆地神護其地散脂拔其災令經法大行也云四天王品者

有六番問答即為六段第一白佛述有護國之能第二白佛述其護國之事第三白佛示

其軌模第四白佛要其法利第五白佛雙述興義第六白佛說偈頌德初番為二一白佛

二佛述成白佛又二一經家叙一正白佛叙敬知文正白佛文為二一歎經二述能護諸

天信法有力是故歎經欲得經弘述其能護歎經為二從是金光明下歎經體從莊嚴善

隆下歎經宗從此經能照下歎經用正說乃多歎三則略攝於廣也法性之理佛所護念

文論此理故言經王既言經王知是歎體約

體修行能令其體具二莊嚴成於極果既言

莊嚴知是歎宗世天淨天義天皆宗仰極地施三業供養恭敬是身歡喜是意讚歎是口

又下從地獄上至善薩無明奉盡通有熱惱此經能除如月清涼知是歎用云從世尊是

金光明下是第二述能護國文為二一內以法護國二外以護國法護國又四一護國

之由二以法護國三以天當護國四以天眼護國護國由者由爾此經獲於四益身益光

明力益勇猛心益增進德益尊嚴理獲二益謂法身慧命皆得增長由國弘經致斯法潤

穿得不護述所以者此義正與觀心相應以四諦智護四諦境即是修行正法以四諦智

導諸心數使諸心數不行故名行般若波羅密即是能說正法內有如此護國所以名護

世王正治國土爾時當護國者此亦與觀心相應心王帥心數黨降伏見思利鈍諸使如

諸天王共眷屬遮諸惡鬼如轉輪王與七寶千子有所至處四方歸德四王共五百所臨

之地何惡不除邪用天眼護國者以報得天眼徹視無幽不燭防前杜漸何惡不除邪二

從若此國土有諸衰耗下是智策護國令內外因緣和合文為三一若王國多災種種艱

難謂兵饑疾者我以智策勸法師往或威神

勸往或現形勸往或降夢勸往法師若往廣  
宣此經如日出朝陽霧霧自歇此勸外緣也  
次王心無智照災承關入若有明慧變怪不  
生師既秉法來儀王須專心聽受王若勤聽  
天亦勤護所以加於可加護於可護一人有  
慶賴及萬方王身與國安隱無患此內因也

若外雖有弘法人王內心不放重則不和合  
不能攘災也二者王無惠施則寡於福祿如  
不勤田倉厨少穀勸王傾財供給四眾四眾  
得安福資於王舉國眷屬一切無患此內外  
因緣和合能致豐年流行<sub>云</sub>三者王身無先  
王之德行臣民不從口無先王之法言鄰國

不諱今勸王三業供養恭敬是身業尊重是  
意業讚歎是口業夫高以下為基辯以訥為  
師屈尊敬卑功亦大矣以天威力使鄰國遠  
崇羽檄稱讚歌詠羨慕三業願願上之化下  
如風之靡草鄰國既然國人牛馬草葉無不  
低迴內向此則能讚所讚因緣和合頌聲溢

於鄰國<sub>云</sub>經文分明尋之可見次佛述成文  
為二初合述歎經二述其能護國四王初歎  
經說既合理佛述而成其上體宗用三  
歎故言佛合述善哉善哉其上揔歎一教佛  
述成其徧讚百千諸佛諸佛從是法生故舉  
多讚成於一也從於諸佛所下述成其能護

凶又為二初述以法護國二述以智眼護國  
法護國有四佛皆述成上明護國之由由問  
經得益佛述令益良由先種發心畢竟二不  
別如是二心前心難是故敬禮初發心此舉  
前以成後述後以顯前從說於正法下述其  
以法護世上云能說能行所以名為護世佛

亦述成能說能行得名護世<sub>云</sub>從汝等今日  
下起述其天眼護國小不次第於義無失上  
示以淨天眼過於人眼佛述長夜利益夫天  
眼夜照不假日光故言長夜也從汝等四王  
及諸眷屬下追述其天護國上直言護國  
佛令加讚是護三世諸佛正法也從汝等四

王及餘天衆下述其智眼和合護國上云請  
法師入境擇惡此功歸已能却修羅之障汝  
勸王聽經供給四眾佛述其內智外福實是  
消伏諸苦能致安樂如文<sub>云</sub>第二番白佛述  
護國之事文為二一白佛二佛述成白佛又  
二一是經流布之處其王自能頂受又供給

四眾者我及眷屬誓當隱形令其顯益二者  
惡鄰與兵侵斥善國我當隱形起諸怖懼種  
種難起令其軍兵顯然退散尚不擾邊况能  
壞中<sub>云</sub>次佛述成文以為二從介時佛讚下  
至無闕訟之事是述成初意其上隱形護國  
欲使經弘佛述隱形是護三寶我是佛寶脩

習菩提是法寶諸王無闕訟是僧寶述其護  
一而能成三也從四王當知此閻浮提下是  
述成後意上以天威攝之天力起之似若憎  
惡愛善佛勸慈心平等向之為惡者自憐為  
善者自豫非薄惡而厚善成其憐退之意也  
又勸諸國各守本業性境自樂勿起貪企諸

王和則民無天法與盛則薰諸天佛告帝釋  
闍諱因緣人天損滅善能慈和天下非止供  
養於我則是供養三世如來非止安於一王  
徧安諸王非止安於一國徧安一切故以慈  
和述成第二意也<sub>云</sub>第三白佛示人王規模  
文為二一出其願欲二示其軌模願欲有六

一欲安已身二欲安妻子三欲安宮殿四欲  
王領殊勝五欲攝諸福德六欲國無憂苦六  
願如文從世尊如是人王下是第二示其規  
模雖不次第第六數足上欲安身令示莫放逸  
制心則身安也上欲安宮殿令示嚴法堂楹  
蓋映於上香華麗於下三寶受用則柏梁無

災上欲王領殊勝令示洗沐香塗敷恭去慢  
一身敬於此八絃休於彼上欲攝取福聚令  
示正念聽經正念聽經能致無量功德天神  
竭其力覆地神竭其力載鬼神竭其力護臣  
民竭其力愛上欲安妻子令示和顏與語勸  
其與福內外脩善感益事多上欲得國無憂

苦令示應自喜慶自勵志疲倍作利益一人  
 既悅則四海謚然此之謂也次佛述成文為  
 二先述成六方法次述成六願欲四王約六  
 事又所說少止在現世佛約一事而所益多  
 起無量世倍述成之從佛告四王下祇弘經  
 聽經即是述成安身方法上直示心不放逸  
 今加示羽儀出宮迎候步步值那由他佛方  
 法既倍體亦彌安從復得超爾許劫難者  
 述成安國方法上止一世無憂苦今則超爾  
 許生死之難從復於來世封受輪王者述成  
 安妻子方法輪王有玉女千子悉無怨對爾  
 許劫中妻子常安也從亦得如是現世自在  
 之力者述成上安於王領方法也從常得最  
 勝七寶宮殿者述成上安於宮殿方法也從  
 在在生處訖具足無量福聚述成其上攝福  
 方法也從汝等四王下述成其六種願欲從  
 四王下至不還轉述成上願安身從已為得  
 值至畢三惡道苦述成上安國從我今已種  
 輪王釋梵之因述成上願安妻子從已種無  
 邊善根下述成上欲攝福聚從後宮宮宅無  
 諸凶衰述成上願安宮殿從國土無有他方  
 怨刺述成上王約五從汝等四王下更總結成六  
 法六願皆令具足者若能屈已迎候至心聽  
 法即是六願六法又迎利施天亦即能令六

願六法成就滿足也第四白佛要其人王施  
 善此由第三段末文為二一白佛二佛述成  
 白佛又二一人王運心二天宮相現人王心  
 存至典是故香作金光迴施必得是故天宮  
 相現香至天宮龍宮鬼神等宮摠至三法界  
 爾觀心解者以智慧火然實相香起戒定慧  
 煙實相是真法故言金光戒慧與理冥故徹  
 照無礙也云云次佛述成文為二先述香光非  
 但至天宮等三法界徧至百億諸宮又至恆  
 沙佛上摠而言之徧至十法界也從諸佛世  
 尊聞是香氣下述成人王運善奉施諸天為  
 諸佛所讚先讚因成次讚果滿如文第五白  
 佛雙舉與衰文為二一白佛二佛述成白佛  
 又為三初從白佛至諸惡災患悉令消滅是  
 第一舉與勸從若有人王心生善神  
 尋無量惡事是第二舉衰勸從世尊人王欲  
 目護及王國土是第三舉勸舉與勸為四一  
 人王弘經則四天隱形聽受二非但四王聽  
 受釋梵八部皆集聽受三以是人王為善法  
 知識四既得法利護國彌勤皆如文次舉衰  
 勸亦四一王不弘經天失甘露則威勢減少  
 二釋梵鬼神並皆遠捨三惡鬼亂行災毒競  
 起四展轉結成災何故起惡鬼亂行鬼何  
 故行天神捨離天何故捨不聞法食何故無

法食王不弘經如文三正勸為六一欲得現  
 利故必定聽二天欣法食故必定聽三出過  
 三論故定聽三論者四韋陀論說梵事毗伽  
 羅論說十善事僧法衛世師勒沙婆論說學  
 通事云云四始終得益成就菩提故必定聽五  
 教主勝於釋梵故必定聽六諸法之本故必  
 定聽皆如文次佛述成文為二初番述成舉  
 與勸不弘則衰無可述成又解云前番則兩  
 述成而與安樂是述成舉與勸滅其衰患是  
 述成舉衰勸從若有人能於天中作大佛事  
 者述成正勸云云第六白佛文為三一說偈歎  
 二佛以偈答三歡喜發誓偈歎有八行半文  
 為三初一行歎三身次五行半歎身相次二  
 行結歎夫三身有通別依文是別空是法身  
 日是報身月是應身通意者空是法身日是  
 報身水日是應身空是法身月是報身水月  
 是應身空是法身日中空是報身水中空是  
 應身月亦如是依結歎文空是法身月是報  
 身水月是應身空是法身日是報身空是應  
 身化法是法身化主是報身化事是應身雖  
 復別說義則通融故文云無有障礙即通意  
 也歎身相文為五初一行歎上兩相謂日與  
 齒次一行半歎智斷兩德謂智三昧次兩行  
 歎下兩相謂平與網次兩句絕言歎謂不可

思議次兩句結歎夫相好不獨在應身報法亦通莊嚴父母生身者應相好也莊嚴尊特身者報相好也莊嚴法門者法身相好也今言歎智斷即法身相好也文云無有障礙者非獨歎一身相也偈初標佛月令結先佛月為三身次結三身通融故言無有障礙次結佛日故言如餘次結佛化身即是四身義故言如化皆具三身四身則是無障礙也結竟即禮於佛月亦是禮佛日佛化也品初歎經歎體宗用品後讚佛辭異義同佛真法身即是體佛月清淨即是宗應現水月即是用天王天辯其妙若此也問空辭法身月警報身空為作月不作月空若作月月非空作空不作月月那依空空不作月亦不作非月月非月必依於空法不作報亦不作非報報非報必依於法又問法不作報非報報非報必依於法者亦應月不作影亦不作非影影非影必依於月者月亦是法身邪答智與法真法法界智亦如法界又並影不作動與不動動不動必依於水水亦是法界耶答動不動譬機一切諸法中悉有安樂性譬法界亦是無妨又淨度三昧云眾生亦度佛若無機感佛不出世亦不能得成三菩提出世菩提皆由眾生機為法界此義成也佛答云

十四行半偈天王所以讚佛者佛能說法故也法王所以讚法者法能成佛故也般若云我初成道觀誰可敬可讚無過於法法能成立一切凡聖故佛讚法以答天王文為三初一行歎經體答其法身次一行歎經宗答其報身次二十行半歎經用答其應身悉如

文三約王歡喜發誓如文

釋大辯品  
辯有四種小辯無量辯雙辯大辯無漏法名小辯恒沙法名無量辯備二種名雙辯雙非雙照名大辯此天住智慧莊嚴法門自住大辯以自在力為悅眾生故隨說一辯若二若

三若四故名大辯為宜眾生故若授一辯若二若三若四宜而立之故名大辯為對眾生故或對一辯若二若三若四對而治之故名大辯為悟眾生故若悟一辯若二若三若四一悟一切悟而開發之故名大辯對佛發願以大辯加於說者故稱大辯品文為三從白佛下以大辯力加益法師二從若有眾生於百千下以感應力加於化道三從復令無量下以行力加於聽者初加法師以樂說辯才莊嚴次第是辯辯大智是辯持是法辯若有眾生下加化道流布不絕加其能化之道無人無所化無道無能化因緣和合化道不

絕也從復令無量下是加聽眾兩益聞經至不退轉是加因益必定得菩提是加果益文言雖略誓願甚深為益大矣

釋功德天品

此天住福德莊嚴法門攝一切法而以功德為首故言功德天又能與說者所須無所乏少故名功德天又令說者晝夜思惟是經深義故名功德天又令聽者速成菩提具此眾資請說及以聽者文為六一從白佛下發誓四事資給法師二從我已於過去下明福德之由三從若有人能稱下勸示行法文中略示廣示云四從我於余時如一念頃下誓願影響五從若能以已所作迴施我下要求同行六從應當禮下別示歸敬悉如文

釋堅牢地神品  
上諸天或住善權方便道為眾生法父此天主善實智度道為眾生法母一義也譬如陰陽覆載卉木智度養育出生眾善二義也餘度各有所主未亡未泯實智照了無相無名三義也餘度有等而上智度無等無上是究竟度四義也智度法門常無改變義曰堅牢常也能荷樂也能生淨也名之為地德力自在我也稱之為神從此等法門故名堅牢地

神品此品是天王護法第四意翻涌地味資  
 益請說聽等也文為三一從白佛下誓涌  
 地味利益行者二從爾時佛告下如來迷成  
 三從初白佛下明己身利益凡約八事展轉  
 增長由聞法故法味增長法味增長故氣力  
 增長氣力增長故翻地味增長地味增長故  
 諸物增長諸物增長故眾生五果增長五果  
 增長故脩行增長脩行增長故供養增長供  
 養長故弘通增長悉如文從何以故世尊下  
 明眷屬利益是經力增長凡約五事展轉增  
 長以經力故我眷屬增長眷屬增長故地味  
 增長地味增長故諸物增長諸物增長故眾  
 生快樂增長快樂增長故依報皆具足具足  
 亦名增長從世尊是諸眾生下名報恩增長  
 凡約六事展轉增長以知我恩故專聽增長  
 專聽增長故功德增長功德增長故教他增  
 長教他增長故地味增長地味增長故受樂  
 增長受樂增長故信施增長信施增長如文二佛述  
 成文為二一約聞經展轉增長從人世至天  
 世從天世至出世日夜即受不可思議快樂  
 即出世樂也地神所說止是今世增長如來  
 述成文雖略意極長遠二述成供養增長從  
 人世至天世從天世至出世長遠之義準前

可知云三發誓護經文為三一誓護說法者  
 二誓護化道不絕三誓護聽法者如文  
 釋散脂鬼神品  
 具存梵音應言散脂脩摩此翻為密密有四  
 義謂名密行密智密理密蓋北方天王大  
 將餘三方各有東方名樂欲南方名檀帝西  
 方名善現各有五百眷屬管領二十八部孔  
 雀王經云一方有四部六方則二十四部四  
 維各一部合為二十八部又說者云一方有  
 五部謂地水火風空四方有二十部足四王  
 所領八部是為二十八部巡遊世間賞善罰  
 惡皆為散脂所管聞經歡喜發誓護於說者  
 聽者從能護人受名故言散脂云文為四一  
 從白佛下發誓護持二從何因緣下述有能  
 護之德三從散脂大將下誓以智力充益說  
 者四歸敬本師初段有經家叙正發誓悉如  
 文述德又為三初標次述後結標如文述又  
 為三初五句述智次五句述境次五句述正  
 三番稱世尊知是三種意也神既名密述各  
 顯德應談密義智若淺深階級次第不名為  
 密即一智一切智一切智一智非一非一切  
 而一而一切者斯是智密若得此意五句一  
 句一句五句非一非五而一而五唯數唯密  
 尔若境可以智知可以口說者境則非密不

可智知不可識識不可以名名不可以言說  
 是名不可思議密境也而約五數論密者例  
 前可知也若對邪道明正道待邊說中此正  
 非正此中非中皆非是密即邪而正即邊而  
 中邪正中邊無二無別者乃名為密思益云  
 若以心分別一切法者一切法邪若不以心  
 分別一切法者一切法正即其義也我行正  
 道若境若智從此得名唯然世尊自當證知  
 云又此三番一往是身口意密前五句言知  
 知即意密次五句言現現見見屬眼屬身  
 即身密後五句言明正解由正解故言正分別  
 分別即口密所以言不彰露者是密義也如  
 此述名密義已顯實味無已更復略說世尊  
 我知一切法下作三觀義解之知一切法一  
 切緣法兩句同是因緣所生法境何者能生  
 為因是初句所生為緣是第二句能所合故  
 諸法得起中論云因緣所生法即此義也了  
 一切法者了達虛無也中論云因緣所生法  
 我說即是空是為從假入空觀也知法分齊  
 者知空非空用道種智分別假名凡聖之法  
 無有差別中論云亦名為假名是為從空入  
 假觀也如法安住一切法如性者以二觀為  
 方便得入中道第一義諦中論云亦名中道  
 義即是中道第一義諦觀也會受一切法者

即是中道正觀能雙照二諦故言含受若三觀一異縱橫並別者則不名密觀即一而三即三而一名為密欲知智在說說即口密也世尊我現見下五句作三諦三解脫義釋之現見不可思議智光者是實智如日月光常明不息此實智照不可思議真諦境成圓

淨解脫也約五不可思議智炬智行智聚者皆是惟智如人執炬屈曲照物乍興乍廢隨順機緣或此或彼行因義聚是果義從因以向果果興而因廢皆是權智照不可思議俗諦成方便解脫也約五不可思議智境者是法如智此智與法如如真故言不可思議智境此智

照不可思議中道第一義諦成性淨解脫也若三諦三解脫一異縱橫並別者非不可思議也以不一異並別故故名不可思議不可思議故名密也世尊我於諸法下五句作三身釋之正解正觀正解能顯體顯名正觀正觀是報身也得正分別正解於緣者分別機緣不待時不過時普應一切即是應身也正能覺了者無覺無不覺名為覺非了非不了名為了究竟清淨之覺了即法身也若此三身縱橫一異者不名為正非一非異不前不後故名為正正即密也約正明法身即是金義約觀明般若即是光義約不思議解脫

即是明義三德是微密之藏金光明是微密之教從密教生密解安住密理行於密行以密利他故我名密唯然世尊自當證知復次此十五句互相釋成若正解正觀十五句皆正解正觀也若不可思議智光十五句皆不可思議智光也若我知者十五句皆知也

又作五種佛性釋者正性緣性了性三名不異又一家取果性境界性為五又一家取果性果果性為五若作果果性即沒境界性為緣因性所攝若開境界性即沒果果性為果性所攝雖開合不同終是五數今以五知對五佛性我知一切法者知一切法中悉有安

樂性安樂性者即正因佛性也一切緣法者無量功德低頭舉手之善緣因佛性也了一切法者即是般若空慧了因佛性也知法分齊者即世間出世間因果不濫境界因佛性也如法安住如性者即是果性究竟安住如中也含受一切法者還是果性能變照含受也若作果果性者取知法分齊為果性克果智照分明為分齊也安住如性含受為果果性若然者下兩種五句亦應對五佛性師雖不釋義例應本準須釋出其意消文令會余世尊以是義故下是結文也從世尊散脂大將下是第三發誓以智辯充益說者文為

二先益能化次益所化益能化為三莊嚴言辭下益其口業眾味精氣下益其身業心進勇銳下益其意業從以是之故下益其所化此亦為三以是之故廣說是經此是未種者令種也若有眾生下是已種令熟也無量眾生下是已熟者令脫悉如文此消文大好從

南無寶華下是第四歸敬文也佛說一切眾經初皆歸敬而譯入略之諸論初亦先歸敬此文是說竟歸依三寶在文可尋也  
十四末  
約五

金光明經文句卷第五

校勘記

一 底本，明永樂南藏本。

一 三二六頁上一八行第一六字「御」，  
[徑、清]作「作」。

一 三二六頁中一八行第一三字「一」，  
[徑、清]作「二」。

一 三二七頁下三行第九字「據」，[徑、清]作「據」。

一 三二七頁下一一行「規模」，[徑、清]作「執模」。一五行至次行同。

一 三二九頁上三至四行「今言」，[徑、清]作「此中」。

一 三二九頁上五行「結先」，[徑、清]作「先結」。

一 三二九頁中一八行第一六字「從」，  
[徑、清]作「一從」。

一 三三〇頁上一〇行第二字「長」，  
[徑、清]作「增長」。

一 三三〇頁下二行第一四字「論」，  
[徑]作「議」。

一 三三一頁上九行「因義」，[徑、清]作「是因義」。

一 三三一頁上一七行「體顯」，[徑]作「顯體」。

金光明經文句卷第六

約六

天台智者大師說 門人灌頂錄

釋正論品

正論者正名為聖聖有二種一世聖二出世聖論名嚴實一嚴事實二嚴理實此品是先王舊法世世相傳先王傳力尊相傳於信相信相又傳其子其子又傳於後世世正聖世世善實即是先王之法言亦是世界悉檀立名各正論品王行此法法律相應陰陽以之調日月以之順百穀以之豐萬民以之樂社稷以之安治化以之美即是民用和睦上下無怨亦是為人悉檀立名各正論品王用此法外敵不敢謀內姦不敢驚妖星不敢現惡虹不敢行暴風不敢動疾雨不敢零是則禍亂不生災害不生亦是對治悉檀立名各正論品此之世善本金光明從金光明出此正論善用此正論天宮天身以之光明天力天威以之增長天心為之倍樂天之法味為之倍加深遠即是先王之至德要道亦是第一義悉檀立名各正論品也此文是流通中第二意明人王弘經感通真聖天王佐助善政興隆文為二一長行說事本二偈頌說正論長行中對告地神說昔尊相如文偈有八十二行文為四初二行半集眾次三

行半發問次一行結問開答後七五行梵天答即說正論也集眾文為三初一行是佛叙尊相欲為天子說先王本法次一行佛叙尊相誠聽次半行明說論處所次四王發四問一問云何呼人為天二問非天所生而名天子三問處王宮殿何故名天四問以法那得名天次一行成前起後可見問既有四答亦為四一答天護其入胎雖是人子而稱天子三十三天各分已德雖是人而稱為天雖處人官殿用天律治世雖是人主而稱為天雖是人法治世令眾生行善多生天上以因中說果故稱為天從汝今難以下是梵答文為二初十行半略答後六十四行半廣答略中有四初一行半許答次因集眾故一行略舉昔因今果答其問王義次五行舉三義答其問天義次三行舉三義重答問王義答天舉三義者未入胎入胎分德力加是也以護胎故稱為天子答第二問也以分德故有其天德故稱為天答第一問也神力所加脩善遮惡後必生天因中說果故稱為天答第三第四正法治世名為天問也答半名為天三義竟從半名人王已下答有三義故稱半為王一名執樂者樂由於王王執此樂使天下和平五日一風十日一雨老者擊壤

小騎竹馬誰不歸德故執樂者名王二者遮惡為民除害天不亢旱地不洪流禱折傷民無疾癘者誰不歸德故遮惡名王三父母者誨示禍福導善惡制禮作樂而民知禁誰不歸德故父母名之為王能為民下作父母故諸天護之名為天子以遮惡不起諸天分德名之為天以執樂故因中說果復名為天非但半名人王義成半名為天三義亦顯從若有惡事下三十九行三句廣明非法不得名天不得名王六義俱失三十三天各生順恨是天不護不護故非天子是諸天王各稱謂言是天不分德不分德故不得名天捨達善法增長惡法則無天因寧得因中說果歎人為天也生大愁苦者無執樂義疾疫流徧無遮惡義縱惡不顧善無父母義云從當正治罪下二十四行三句更廣說六義當正治罪即父母義諸天護持即天子義以滅惡法即兜臚義兜臚名典軍遮制惡鬼鬼畏典軍不敢亂行也脩習善法即執樂義應各為說即示因果義諸天即分德義還以六義消文皆可尋此中應明觀義自思之云問金光明是正論本其意云何天者即法性金也法性作依止故言天護分德者即光也報身與法性真即是分德也神力所加者即明也

云又父母者即金也法性為父母故遮惡即光也執樂即明也以此為本故能正論爾如半名人王半名為天為世間正論半名出世間正論本末相關即此意也

釋善集品

此轉輪王集眾善法如海導師善海無涯六

度則攝六度又廣二度略攝謂檀與智提如意珠捨四大地滿中珍寶以用布施即集檀行也合掌而立請寶冥尊者宣揚顯說是金光明即集智行也檀智既然餘法亦爾從行得名故稱善集品也此六度不同是世界悉檀集善也脩於五度是為人集善也脩於智

度是對治集善也皆波羅密是第一義集善也從此四集得名故言善集品此品是第二人王弘經上明世間正見感動天地此明出世正見感動賢聖云文為二初對告地神二以偈說偈有六十四行半分為二初四行通明因地行檀次六十四行半別明善集財施

法別為六一六行半明善本二十一行半明聖王請法三十九行半明善者宣揚四行半明輪王行施五二行結會古今六十行半引因果以證以勸悉如文就此品論金光明者善集波羅密金也集般若光也集五度明也就寶冥論者在一窟中金也面如滿月光

也讀誦如是經明也就二人作者在窟中金也許為王說光也王提如意珠雨四天下珍寶明也

釋鬼神品鬼神訓歸又云畏也報多怖畏如阿修羅云又云威也能令他畏其威也神者能也大力者能移山填海小力者能隱顯變

化此品通列一切天龍江海日月諸神上已天題品竟無容再出雖通列諸道而鬼神文多從多故以之題品此品是第三一切天龍鬼神天靈地祇咸皆發誓溥徧弘宣以勸流通文為二一長行二偈頌長行中先舉事別次圓供養事別者佛從慈悲中起受供養者

蓋應佛也佛從如中起覺智智與如合者報佛也一切法悉是諸佛行處者法佛也作如此解者三佛歷別若修事之供養供養亦別也圓供養者勸聽經聽經是法之供養諸供養中第一第一一供養者供養一切佛佛說文字是應佛能詮是報佛所詮是法佛能

敬文字即敬三佛亦是敬三世佛諸佛從此生故供養文字即供養一切諸佛云又別時重聞更記之長行舉四願欲而作一勸若欲知佛行處行處者即如如境法佛也欲知者知是如如智報佛也能聽此經此經即文字文字即應佛也能聽者隨順佛教即法供養

法供養即妙供養也聽經能生覺智覺智生故即是佛受供養也聽經一事具諸願欲祇圓一事具別諸事也偈有一百二行半分為六一從若欲供養下十一行頌上長行祇能聽經即是舉圓妙以勸修二從隨所至處下三行半舉聽經即能攘災以勸修三從於說

法處下六行舉聽經致靈瑞以勸修四從威德相貌下五行半舉祇聽經有威力以勸修五從大梵天王下四十九行半舉聽經能致天龍鬼神以勸修六從於諸眾生下二十七行舉祇聽經能令國土安樂以勸修云盡道者四天上遣神名弥栗頭度伽陀漢言善品

主盡毒也摩醯首羅餘經翻為大自在灌頂經翻為威靈帝摩尼跋陀翻為威伏行富那跋陀翻為集至成金毗羅翻為威如王寶頭摩伽翻為立不動車鉢羅婆翻為忍得脫曇摩跋羅翻為學帝王摩竭婆羅翻為除曲心繡利密多翻為有功勳勒那翅奢翻為調和

平劍摩舍帝翻為伏眾根奢羅蜜帝翻為獨處快醯摩跋陀翻應舍主薩多琦黎翻大力天波利羅摩翻勇猛進毗摩質多翻為高遠跋摩利子翻英雄德波訶黎子翻威武威仗羅騫駝翻吼如雷鳩羅擅提翻戰無敵脫因者脫業障也脫果者脫報障也度諸有者脫

煩憊障也

釋授記品



有四種授記今是二種授者與也記者記成道事也此中授三大士一萬諸天當來成佛事故言授記亦名授蒞亦名授決授劫劫數量名為蒞審實不虛名為決從佛所與名為授從其所得名為受比中從佛所與故言授記此是流通中第四意舉昔行經之因方成圓極之果證弘護不虛以勸流通也文為二一與記二疑記與記為二一與三大士記二與十千天記與三大士記又二一同緣者集二正與記世界轉名淨幢者應論四句此中是其一也十千記又二一聞經生解二正與記從余時道場下是第二疑記又二一疑問二佛答疑者夫移山填海非一日之功善提極果積行方勉切利暫下無久聽之勞不聞往昔有難思之行行淺記深是故疑惑如餘菩薩者六度菩薩引雖指地無非捨身命處戒忍禪智滿三僧祇若通教善產從假入空非止一世修行從空入假動逾塵劫若別教善產直行一行動經無量阿僧祇劫况復徧行衆行豈不可數尚不獲記少時聞經而得斯決時衆咸疑故樹神發問也佛答為二一舉現行二舉速緣現行者捨天宮樂故

來聽經聞三大士獲菩提記我昔本誓與其法食三事和合故與其記也此意證成鬼神品初以妙供養供養三世諸佛及欲得知諸佛行處決定至心聽此妙典雖有此言未見其人今此十千即其人也聞記當果果必有因因金光明生殷重心起功德身心無垢累起般若身猶如虛空起於法身一心中聽三德圓成復有無量功德說不可盡此不得記記與誰乎證聽功德意在於此以隨相脩指今現行行隨實相而脩也有妙善根指於遠緣也遠緣實相而種善根也從亦以過去下是舉速緣答也文為二一略二廣此中少文是略除病流水兩品是廣答也

釋除病品  
廣答速緣由醫王救疾故言除病品通取後流水品文為五一緣本二速緣三近緣四結緣五會緣從佛告樹神下明緣本如文從像法中下明遠緣遠緣為六一明父二生子三國人遇病四其子請五父為說六知已徧治子請為三一見人遇病二思惟三正問問為四初一偈問四大增損二問飲食犯觸三問治病醫方四問病動時節身火不滅者食飽熱病暫息食消熱復更生故言身火不滅也水過肺病者水多則損肺即是痰病也父醫

還若四問初六行答四大增損二一行半答飲食犯觸三二行答病動時節四八行半答治病方就六行中分二初一行是佛敎父醫欲答爾次五行正答時節時節有二一俗法四時謂春夏秋冬為歲末春為歲始而初言夏者或可趣作此言或可答問正是於夏

三三而說者一時三月謂孟仲季四時即十二月也若依佛說法一歲三時謂冬春夏夏為歲末冬為歲始何故爾為破諸弟子著常為開安居迦提月故沒秋時爾佛法三時亦是三三說也若二二說滿足六時者依俗法四時時本二月土寄四季各十八日本之二月只是陰陽二月一時唯有陰陽二月合成六時正月二月是木王時四月五月是火王時七月八月是金王時十月十一月是水王時臘月三月是陽土寄王六月九月是陰土寄王欲論本月亦二二說若論土寄王亦二二說故言足滿六時也若依佛法解二二說者佛法有三時時有四時各有初分後分從臘月十六日至二月十五日此初分春時從二月十六日至四月十五日此二月春後分從四月十六日至六月十五日此二月是夏時初分從六月十六日至八月十五日此是夏後分從八月十六日至十月十五日此二月是冬時初

分從十月十六至臘月十五此二月是冬後  
 分故言若二說足滿六時也又云正月三  
 月是陽月二月四月是陰月五月七月是陽  
 月六月八月是陰月九月十一月是陽月十  
 月臘月是陰月故言若二說足滿六時三  
 本攝依俗法者正月是春分本月攝後兩  
 月悉屬春分四月為夏本月攝後兩月悉屬  
 夏分七月為秋本月攝後兩月悉屬秋分十  
 月為冬本月攝後兩月悉屬冬分三本攝  
 也又云正月二月正是春時木於中王土寄  
 三月攝屬春時四月五月正是夏時火於中  
 王土寄六月攝屬夏時七月八月正是秋時  
 金於中王土寄九月攝屬秋時十月十一月  
 正是冬時水於中王土寄臘月攝屬冬時土  
 寄四季正時為本各三月並攝於土故言三  
 本攝主攝於客客是土也依佛法言三三  
 本攝者本時各三月既廢秋時以秋之三月  
 各配入三時時則四月論本則三論攝則一  
 故言三三本攝也問四時各有三月此是四  
 三本攝何謂三三本攝答三為一數以三而  
 數故言三三為本爾隨是時節消息者時如  
 上說或四或三或二或攝等種種不同隨時  
 以意消息斟酌去取若依佛法無秋時而言  
 秋時發病此云何釋從八月半已遷隨俗名

秋而夏時攝八月下半以去隨俗名秋冬時  
 攝隨時消息者二法之問而斟酌也代謝增  
 損者春動肝病此可治春動脾病此難治夏  
 動心病此可治夏動肺病此難治夏末冬初  
 於秋分中動肺病此可治若動肝病此難治  
 冬動腎病此可治若動心病此則難治論四  
 時增損大略如此問四時皆動病何故去秋  
 時解此為二一為破保常秋時萬物結實人  
 計為常為樂為破此著故去秋時佛為弟子  
 保常心多故也二者為開後安居立迦提月  
 安居本名坐夏八月半內已遷若是秋時便  
 是坐秋為此義故廢秋時今從有善醫師  
 下一行半答犯觸犯觸有六一多坐二多眠  
 此二多致痰宜多行持散之三多行四多倚  
 五多語生風病宜多眠治之六多淫生一切  
 病即等分病也若火少痰多若火多即熱壯  
 若風多吹火成熱病若風多吹痰成冷病三  
 事若等無病飲食得病者亦有六一過量食  
 二少食不足而止三過飽食四逆時食未飢  
 強與也五妨食如食肉飲生乳使人癩六不  
 會食而強食如南人飲漿北人飲蜜若菜和  
 蜜令不結男豬膏煎白鷺肉令人癩若患熱  
 而飲酒食小麥生牛肉令人失明吐血痢血  
 若病癢而食甜肥鹹酸令人咳嗽多汗又瘧

痢也六大者是六腑大腸小腸膽胃三焦兩  
 膀胱也從多風病者下二行蒼病起時節四  
 月五月是風生時六月七月是風起時八月  
 九月是風滅時六月七月是熱生時八月九  
 月是熱起時十月至正月是熱滅時八月九  
 月等分生時十月十一月是等分起時十二  
 月正月是等分滅時十月至正月是痰生時  
 二月三月是痰起時四月至七月是痰滅時  
 度是水病肺也夏日動風者夏日毛孔開通  
 外風得入內風動也熱病秋動者毛孔閉塞  
 熱伏於內不得行故成病等分冬動者春時  
 動水肺病不差至夏復動風病不差至秋  
 復動熱病不差至冬俱動一切病故也二  
 月三月是痰起損肺病動也從有風病者  
 下八行半答治病方丈為三初二行半末病  
 前以藥防次二行明正以藥治後四行病退  
 以藥補風病夏服肥膩鹹酸熱食者夏月毛  
 孔開通具以肥膩潤塞之令風不得入鹹酸  
 性熱能消水令體堅實治於風虛熱食流汗  
 引風令出又治虛冷風不得進冷甜是酥乳  
 等能治熱也等分冬服甜酢等除風也肺病  
 服肥膩塞毛孔令水不得入熱能焦水宜通  
 故能治肺病也飽食發肺病食既多則腸胃  
 盈滿故發肺也食消發熱者如食沃潤則熱

病伏食消無潤熱病起也消已虛疎風氣入體故發風也風疎補肺賦除風甜除熱肺帶風水宜吐也此中消文出真諦三藏疏中從善女天下是第六知已徧治文為二一病輕聞說即差二病重服藥方除云觀心者三毒等分是內病也數息不淨慈心因緣是法

藥宜聞法藥得悟者信行人病差也作觀研心得悟者法行人病差也眼是春時舌是夏時鼻是秋時耳是冬時身是四季攝屬諸時妙好五欲增貪病危惡五欲損貪病妙好五欲損病危惡五欲增損病平平五欲增損病偏動三種五欲損覺觀病是為增損之相也犯觸者違情犯順情犯貪不違不順犯癡摠三犯覺觀慢時即發瞋求須時即發貪解時即發癡放逸時即發覺觀慈心治瞋不淨治貪因緣治癡數息治覺觀云

釋流水品  
文云一能流水二能與水與水者與安樂水也一世安樂二出世安樂世安樂者如象負水濟彼枯魚是也出世安樂者如發誓言於未來世當施法食與善提記是也流水者流除苦惱水也一果報苦惱二業因苦惱流除果報苦惱如治諸病人救彼渴魚是也流除

業因苦惱者授三歸說十二因緣讚佛十號是也請父求方欲成流水之義從王借象欲成與水之義既有二能那單以流水題品文中既彰與水之義題品須安流水之名不煩於文二義雙顯出經者之巧為若此也長者者如法華疏中十種長者義也子者持水之

子故言子也此文是斷疑中第三結緣之近由近由又二一弄引二正近由弄引又二一行思布德二國人稱美並如文近由又三一明眷屬二見魚之緣三正救魚如文從未來之世當施法食下是第四正結緣又為四一發誓願二思惟說法三正說法四魚改報生

天酬恩供養就魚報恩文為四二魚改報生天二天酬恩而下地三王見光問瑞四長者傲教而定答如文報恩有二義一事二理事者真珠四邊報水飲食因緣十號等四種澤也理者準涅槃文云施食令他得命表常令他得樂是故得涅槃令他得悟是故成自在我如法求財是故得淨用四十千報常樂我淨之恩也第五結會古今者昔佛疑魚數樹神定判十千今神疑行淺記深佛為說妙因緣今昔相關是故結會也

要得名受者須身餘則非要施者正捨身餘旁捨亦故言捨身品文為四一問二答三眾得益四結成問者上闍大士治病救魚實為曠濟小入小蟲得二世益特眾願聞亡身殞命感深契極之事行苦而果樂可得聞那是故請問佛答為二一敘緣起二正明捨身緣

起為十一地塔涌二大衆生疑三佛起禮四樹神問禮五佛答禮六命阿難取七阿難述骨狀八命示大衆九奉命取十佛勸眾禮皆如文從過去有王下是正捨身文為二一長行二偈頌長行為四一明本眷屬二捨身方便三正捨身四捨後悲戀執本眷屬為五

一明本眷屬摩訶羅陀此翻大無罪文殊問經云羅陀翻為中摩訶波那羅或云此翻大度摩訶提婆此言大天摩訶薩埵此翻大心二游行三各述相四見產虎五各陳觀見從作是念言我今捨身時已到矣下是捨身方便方便為二初述觀解二起誓願願行相扶適產七日者見虎子頭上有七點知已七日出山海經也又云七日眼開又七日不食必死虎兒垂死知是七日或云鬼神示悟如樹神數魚正捨身為二一捨身二感動天地捨身後眷屬愁苦先兩兄慈惱各說偈共向捨所次父母愁苦傷九十三行為三初二行

通明昔行次別頌長行三結會初如文我念宿命下別頌長行四行頌上本眷屬上有述相陳觀今不頌餘皆頌從時勝大士下二行頌上捨身方便不頌發誓從即上高山下頌上正捨身感動也從是時二兄下頌上捨身後眷屬愁苦從是時王子下頌上父母愁苦從佛告樹神下第三結會結會為三一結會人二結會塔三結會誓願說是經時下大眾所益也樹神是名札塔下第四是結問意釋讚佛品

此品從能所得名能讚是三番菩薩所讚是一佛世尊能所合標故言讚佛品私謂三番菩薩是能讚一佛是所讚一佛是能讚三番是所讚三番是當佛一佛是現佛通而為言皆是能讚皆是佛故言讚佛品次第者因前十七品故有今品何者序品敘大體如來游於無量甚深法性窮源極遠壽量品極果冥深合廣能起大用懺品勸菩薩若欲修學當如懺品滅惡讚品生善空品導成四王至散胎誓願流通說請者之功德正論至善集明說者之功德鬼神至流水說聽者之功德捨身明行者之功德如是等利益出現世者皆是如來大體大智大用金光明力既善始令終初中後竟故諸菩薩等以讚讚佛稱揚教

及教主故言讚佛品此文為二一經家敘陳列讚眾從此至彼金寶蓋刺施三業供養投地是身同聲是口身共暢意業也二正說偈合六十五行半文為三一二行諸菩薩說二十七行信相說三二八行半樹神說云私謂其文有四前三是能讚後一是所讚所讚又是能讚能讚又是所讚故文云佛從三昧起以微妙音而讚歎言善哉善哉樹神善女汝於今日快說是言豈非所讚讚能讚其文既明不須或也又是印成三番菩薩讚款從序品已來快說如來果地大體大智大用菩薩修因也上文有佛禮舍利即果身禮因身也今文有佛讚大懺大讚能請能說能聽能行皆是快說也當知快說是果讚因菩薩也即果口讚因口其義顯然果意讚因意任運例成也云問佛何處入定此云從三昧起答初將說經佛游甚深法性今說將竟故從三昧起此經首尾皆在法性中說其文甚明若作入法性者法性自在四佛五佛同處各處共見異見四來四去一住一在隨人所親皆無障礙也觀心者諸菩薩三業讚佛三業事可解三觀心者觀身不得身身空但有名字名字無量或捨身名檀乃至身空名智慧六度十度八萬塵沙法門名字即空說空

不定空假非定假非空非有即顯中道三觀宛然事理六法皆悉具足若無觀慧事亦不成例如三衣六物若解其意三六俱成若不解者非但無六三亦不成觀心亦亦若得理觀六觀亦成若不得意既無理觀事觀亦不成無六亦無三此之謂也此大好甚廣云

金光明經文句卷第六

卷

約六

金光明經文句卷第六

校勘記

- 一 底本，明永樂南藏本。
- 一 三三三頁上一五行第七字「生」，  
[徑、清]作「作」。
- 一 三三三頁上一九行第六字「加」，  
[徑、清]作「更」。
- 一 三三四頁中一七行末字「佛」，[徑、清]作「能」。
- 一 三三五頁上七行第一〇字「比」，  
[徑、清]作「此」。
- 一 三三五頁下一一行「滿足」，[徑、清]作「足滿」。
- 一 三三六頁中一九行「飢時」，[徑、清]作「飢」。
- 一 三三八頁下五行第四字「亦」，[徑]作「六」。



越城縣廣勝寺

光明經文句卷上 第五張 緣  
 難是我無我用聞不聞親承丈六尊特合身  
 佛持通法故言我無我聞不聞典載阿難是  
 無我我用不聞聞親承尊特身佛持別法故  
 言無我我不聞聞海阿難是我無我而不二  
 用不聞不聞親承法身佛持圓法故言我無  
 我而不二用不聞不聞此經通三乘說聽一  
 音各解故須分別云觀解者若作攀止厭下  
 觀是為我我聞聞若作析體兩種從假入空  
 觀皆是我無我聞不聞若作從空出假觀是  
 無我我不聞聞若作中道觀是真我不聞不  
 聞一時者肇師云法王啓運嘉會之時也三  
 藏云高時下時皆是若過若不及不堪聞法  
 唯有平時即是一時也私謂高時慢心不行  
 下時耽荒五欲不耽不慢是平時也師釋眾  
 生感法佛慈赴教機應之時也亦是發直見  
 誦之時也亦是法眼明明照世之時也亦是  
 佛眼照中之時也云而言一者若前思後覺  
 斯二非一思覺妄斷豁悟之時故言一時也  
 觀解者從假入空與真一時從空入假與機  
 一時中道正觀與法性一時云佛者真諦云佛  
 有三義一切智異外道慈悲異二乘平等異  
 小菩薩餘人無此釋論明佛是第九號佛名  
 為覺覺世間出世間常無常數非數等然  
 大悟故名為佛天台師云佛者依一切智有  
 丈六佛依道種智有丈六尊特佛依一切種

光明經文句卷上 第六張 緣  
 智有法身佛三佛不得一異非一異而一異  
 爾觀解者空觀覺知諸法一相假觀覺知諸  
 法種種相中觀覺知諸法無一異相亦一異  
 相云住者佛是能住王舍城是所住處  
 真諦明住法有八住大千界內二住依止  
 處王城也三住五分法身壽命現在也四住  
 威儀利物五天住住禪定六梵住住四等慈  
 悲七聖住住三三昧八大處住住第一義也  
 釋論四住攝八也天住梵住攝其天住定住  
 聖住攝其五分命住佛住攝其大處住又有  
 迹住王舍城攝其界內依止威儀三住天台師  
 云丈六身佛住真諦也丈六尊特合身佛雙  
 住真中也尊特身佛雙住俗中也法身佛住  
 中道也觀解空觀住真假觀住俗第一義觀  
 住中王舍城者釋論大出因緣初立五山中  
 七燒七造王來居此故言王舍又云他舍  
 被燒王舍不燒後悉排云是王舍即得免燒  
 自是已來呼為王舍觀解五陰為舍心王居  
 之故言王舍者闍崛山者釋論翻鷲頭真諦  
 云曲鳥山在王舍城東南毗富羅山在西南  
 仙人山在西北黑土山在東北白土山在中央  
 中央三由旬平正即王城也觀心山者靈即神  
 智是般若也鷲即萬德是解脫也山即不動  
 是法身也常為心王所觀即是觀之住處也  
 令一切心數同入其中也此經闍同聞眾者

謂時有五處有四者山眾不聞信相室說信相室眾不聞夢中說夢中眾不聞夢覺已說眾非一座故不列同聞若爾阿難不應稱我聞然雖不聞佛更為說又其得佛覺三昧能自通達得稱我聞也從是時如來下是敘述序敘下十七品故亦名別序簡其餘經亦為別名作本故言別也別義為七一從是時如來下一行半是入定別二從是金光明下訖二十七行偈是敘述別三從壽量品下是懷疑別四從大士如是下是瑞應別五從信相見佛下是勝疑念別六從四佛告下是止疑別七從欲色界天下是集眾別生起者佛常在定而羣機扣佛佛欲應之故示軌儀如來常寂猶尚樂定入游法性出敘經王信相聞深法疑法既是常人壽那短是故懷疑菩薩福力疑能感應應故四佛現佛現即勝疑勝疑故佛即止疑當兩法兩故大眾雲集七事異他經故言別也已說七別竟或時作三別一從是時下名敘述序二從壽量品下名現瑞序三從時四如來下是眾集序云言敘述序者敘後十七品初五行敘壽量品為三初兩行敘果德次一行敘懷疑次兩行敘斷疑細作可尋次一行半敘懺悔品破惡生善之意云次一行半敘讚歎品生善破惡云次六行敘空品破惡中破三障惡云從護世四王下

是敘其品可解大辯者是敘其品尼連鬼母是敘功德天品同是女天故地神是敘其品大梵三十三天是敘散脂品散脂是將梵釋是主敘主即得臣將也緊那羅等是其領敘其領得其管也我今所說諸佛秘密者是敘正論善集兩品說世秘密可以治國出世秘密可以誦道故知敘兩品也若得聞經去是敘鬼神品鬼神品中純明聽法功德為八部所護云著淨衣服下兩行敘授記品三大士十千天淨心殷重淨若虛空故獲授記也若得聽聞下敘除病流水等品聞名服藥悉得病除則是善得人身復能脩行布施福業是善得人道魚聞佛名善得天身天道即此意也正命是敘捨身品虎狼血肉即得解脫豈非正命也若聞懺悔下一行敘讚佛品佛有三世諸菩薩多是先佛即過去佛也又是未來佛也為此菩薩所讚即為佛所讚也敘述之意止可彷彿不得遠自分明云問誰作敘述舊云集經者若爾是論非經又乘經文云我今當說或云是信相若爾信相已能玄敘何事致疑又非集經者那忽作序師云是佛自作難者言若爾便是正經那得稱序此無所妨菩薩尚能安禪合掌說千萬偈况如來口密神力赴機何所不為云云我今當說懺悔等法此是明證大品中化佛說六波羅

蜜亦得稱序此其例也釋入定為三初一日一字明能游入二三字兩句歎所游法後兩句結也是時者真諦云有五種三時一欲說正說說已二破外道去來時立現在有說有聽時三下種成熟解脫時四正師正教正學時五佛欲說眾欲聽不高不下平時今但論如來知機堪可得道時若慧眼得道知真真真時若法眼得道智與俗冥時若佛眼得道智與中冥時佛欲履歷法性觀知眾生於何時得道故言是時也如來者十號之初也三藏解如來文多不載今言智照理與諸佛等故言如慈悲與諸佛等故言來諸佛應住秘密藏中何故出世只為慈悲故來成論云乘如實道來成正覺大經云從十一空來就智論來從六波羅蜜來就行論來釋論明如法相解為如如法相說為來今明如三諦法相解名如如三諦法相說名來故言如來也游者游涉進入之義爾夫法性者非入住出故小般若云如來者無所從來亦無所去故名如來何得言游邪良以慈悲導物教我而入故言游也今眾生食甘露味亦應言住為眾生宣說亦應言出故法華云善入出住百千三昧即此義也無量甚深者將明游入簡顯其體高廣體包法界故言無量徹到三諦故言甚深非是二乘下地菩薩之所遠及故

金光明經文句卷上 第十 釋字

言無量甚深也法性者所游之法也諸佛所  
軌名之為法常樂我淨不遷不變名之為性  
非是二乘以盡無生智所照之理為法性也  
二乘法性淺故非甚深有限故非無量今之如  
實智所照之理橫包法界豎徹三諦故言無  
量甚深爾又無量者非別有一法名為無量  
毗盧遮那徧一切處一切諸法皆是佛法皆  
佛法故即皆法性佛皆游之故言無量又非  
別有一法名為甚深即事而真無非實相一  
色一香莫非中道皆中道故即是甚深例如  
釋論解四無量心云緣東方眾生名廣緣四  
方名大緣四維上下名無量準此而言緣真  
諦法性名廣緣俗諦法性名大緣中道法性  
名無量若緣中道即是三智一心緣中道法性  
一諦此境無量唯佛無量智乃能緣之如函  
蓋相稱非二乘下地測其涯底諸佛行處者  
正顯佛智無量甚深佛智無量甚深故行處  
亦無量甚深行處無量甚深故佛智亦無量  
甚深舉函顯蓋舉顯函正在此也過諸菩  
薩所行清淨者正簡也菩薩居未及之地智  
之所行未能深廣故地持云菩薩得九種禪  
初名自性禪若入此禪即入實相法性清淨  
之境二乘不聞其名況有其行若入第九清  
淨淨禪一切通別感累若正若習皆盡故言  
清淨淨禪自下地去皆有餘習佛住十地頂

金光明經文句卷上 第十一 釋字

若入此禪過諸菩薩淨名云心淨已度諸禪  
定即此義也亦是舉其高位簡法性甚深也  
是金光明下敘述序若敘正說流通十七品  
意已如上說今更論敘述五重玄義初十二  
行半敘名體宗用次十四行半即敘流通弘  
宣此典即是敘教相也就初一句敘名次一  
句敘體次三行敘宗次九行敘用護世下去  
敘教相也解者或言金光明一句猶是敘體  
如鑛石中金金體乃非光非明不妨約金論  
內外用法性非宗非力亦依法性起於宗力  
當知此句正是敘體今明理乃當然分文則  
屬敘名也經王上已說今更述之三藏云三  
德攝三涅槃正斷二乘斷見般若正遣凡夫  
有著華嚴正化始行菩薩今經通為八位人  
故稱王也此語難解涅槃為菩薩說甚深微  
妙行處豈止為二乘般若云法身佛為法身  
菩薩說法其聽法眾非生死人豈止遣凡夫  
有著華嚴說初地乃至十地豈止為始行菩  
薩作此偏說無智之人於諸經起輕慢此義  
不可今言經王者若取文為經即是三種俗  
諦若取理為經即是三種真諦若取文理合  
為經即是三種中道若說餘諦是經而非王  
若說中道是經復是王於九種經中而得自  
在但經王是一隨緣設教名字不同華嚴云  
法身方等為實相般若稱佛母法華為譬珠

金光明經文句卷上 第十二 釋字

涅槃名佛師皆是法性異名通為諸經作體  
譬如諸姓應運迭興龍師鳥官隨時霸立百  
代雖異而統王是一法性亦爾宜聞大品佛  
母為王餘名廢息宜聞法華寶所為王餘名  
廢息法性為金光明之王亦復如是若作此  
解上不違佛經王之旨下不增長眾生我慢  
微妙者他釋因微果妙今不爾因果俱微妙  
因中性德深而難見名為微不縱不橫名為  
妙果中脩德亦復如是四方四佛護持者四  
方者四門也四佛者四門果上覺智也釋迦  
覺智與四佛同諸佛果智冥於法性法性得  
顯名為法身法身不動名之為持法性常故  
諸佛亦常法常佛常壽命亦常故無量信  
相推迹或本四佛令其達本悟迹名之為護  
此一句種種義法性四門法性四德即體義  
果智顯體即宗義護念信相斷疑復是用義  
而敘宗為正意也觀心解者四方是四諦四  
佛是四諦智東是方首如集是苦因又東甲  
乙是春生即集諦也從東次南亦猶生而  
有長先春次夏故南方是苦諦也長後秋收  
又白帝屬金金能決斷西方即道諦也從秋  
收至冬藏眾事都息北方如滅諦苦集因果  
皆謝無用也觀此四諦生眼智明覺持理不  
失護倒不起故名護持也又觀四方是四德  
觀東方常為破無常觀無常為破常觀非常

非無常破常無常乃至觀北方無我為破我亦如是此觀持德不失護倒不起故名護持也觀東方集諦常非常非無常不動故名阿闍觀南方苦諦樂無去無來法性實相實相尊貴故名寶相觀西方道諦畢竟清淨法性壽命與虛空等故名無量壽觀北方滅諦寂寂為我入秘密藏秘密藏故名微妙聲云我今當說下九行偈是敘用文為四初三行明能破之勝法次三行半明所破之惡罪次一行半舉行法勸修次一行結成初三行明能破勝法者謂境法法性也行法懺悔讚歎也導法一切種智也故言懺悔等法知非一種也若相資為論行資智顯理顯故能盡眾苦若盡法身顯智圓故報身顯功德無上故應身顯若圓論者三法不縱不橫而脩三身亦不縱不橫而顯雖圓列之殊俱是能破之勝法也觀舊文語略新本具有三周說法之文四佛說常果上根得益婆羅門說法身無舍利中根得益佛分別三身下根得益今敘中云我今當說懺悔等法即是敘下三周之法能破惡也次從諸根不具下敘述空品文為二初三行半明所破之惡次二行半明能破之方初又為三諸根不具下破報障愁憂一旬破煩惱障惡星災異下破業障餘經對緣云報障難轉因時可救果無如

何此經三障皆可轉一往釋此三障由破五戒破五戒是業障受三塗人天等身是報障煩惱為根本是煩惱障今直就人道中明犯五戒報者諸根外缺壽命內失此兩句是殺生報昔損他身分今諸根殘毀昔斷他命今壽損滅經云殺生因緣得二種果報多病短命即其事也若貧窮困苦是外無依報諸天捨離是內無福德此兩句是犯盜戒經云有同生同名天龍輔佐之功德天發願利益之盜人無此事也又先富後貧者必是龍棄天捨也若親厚內關王法外加此兩句是犯淫戒經言人護則人瞋法護則法壞昔侵其人今骨肉鬪訟昔毀他法今王法所加即其事也各各忿諍此應有兩句或是翻者脫落或是略爾內則各各忿諍外則人人不信此一雙是犯妄語昔不實欺他今常被欺忿昔語無實今人無信者外耗財物內虧禮度此是飲酒報昔慢財費日今多損耗昔乖指節今憤鬱驗經言嫌恨猛風吹罪心火常令熾然即其事也問釋大乘經何得以五戒對義答開合五戒大有所關提謂經云五戒者天地之大忌上對五星下配五岳中成五藏犯之者違天觸地自伐其身也又對五常不殺對仁不盜對義不淫對禮不飲酒對智不妄語對信又對五經不殺對尚書不盜對春秋不

淫對禮不妄語對詩不飲酒對易又對十善殺盜淫是身三妄語攝口四飲酒攝意三俗不能護口略制一不妄語釋論云說重者是妄語則已攝三飲酒是邪命自活增益惡惡出世以智慧為首生死以三毒為根若能禁酒是防止意地三毒長養出世智慧也是為開五戒出十善十善是舊法輪王所用亦名性罪性善都是一切罪之根本又五戒對五陰不殺即色陰不盜即受陰不淫即想陰不妄語即行陰不飲酒即識陰五陰開四念處念處開三十七品三十七品開三脫門三脫門開涅槃故云色能發戒受受禪定想慧悟虛通行發解脫識即知見當知五戒能成五分法身辦二乘之法也又五戒亦是大乘法門提謂經云五戒是佩長生之符不死之印即常德也出入無亂往還無間即淨德也統御一身即我德也以立道根即樂德也此是五戒對四德東五戒為三業即對三無失三不護三輪不思議化三密三軌三身三佛性三般若三涅槃三智三德等無量三法門橫豎無邊際與虛空法界等亦是無盡藏法門亦是無量義三昧舉言之即是一切佛法也復次害命名事殺不害命名事不殺法門解者折法名理殺體法名理不殺當知不殺之戒種種不同論其果報亦復不同若作意

念光明文句卷上

護如馬者勒如牧牛執杖者報在人道百二十年唯得肉眼無有四眼若任運性成如河注海者報在六天極長者九百二十六億七千萬歲唯得天眼未得三眼若加脩客戒無常苦無我等慧者報在變易壽七百阿僧祇唯得慧眼未得二眼若加脩常無常等慧報在蓮華藏海受法性身分得五眼分得常壽比佛猶是諸根不具壽命損減況前諸根諸壽邪若圓教人持事不殺戒又持理不殺戒不壞於身而隨一相不斷癡愛起於明脫體陰界入無所毀傷若子若果不生不滅成就智慧居常寂光土常壽湛然五眼具足得根自在耳見眼聞得命自在修短自任是則名為究竟持戒諸根具足命不損減也又圓教人何但持之是戒唯殺唯慈亦作事殺亦作理殺如仙豫大王殺五百婆羅門與其見佛之眼與其十劫之壽又作法門殺者析湯累著淨諸煩惱如樹神折枝不受怨鳥如劫火燒木夾炭雙亡故焉拙云我捨斷陰界入不能持不殺戒一切塵勞是如來種斷此種盡乃名為佛成就金剛微妙法身湛然應一切唯殺唯慈垂形九道隨其所宜示長短令任其所見用缺具根而化度之前諸戒行淺近隘塞非是通途圓戒宏遠徑異會同故名究竟持不殺戒也不殺之戒人天已上極勝

念光明文句卷上

已還曠大縱橫其義如是云何而謂是小乘數耶復次不與取名事盜與取名事不盜法門解者如佛言曰他物莫取名法門不盜菩提無與者而取菩提是名法門盜不盜之戒種種不同若持戒作業求可意果可意果者無常速朽悉是他物臭如糞果害如毒食有智之人所不應求設使得之心不甘樂云何殷勤飲苦食毒而自毀傷貧窮四姓即此三界洄復困苦豈過有流三障障佛第一義天之所捨離是名為盜非不盜也又二乘之人以四諦智觀身受心法厭惡生死欣求涅槃涅槃心起為自為他為共為無因介爾心生即取他物即非時取證即不待說所因焦種不生見苦斷集脩道造盡非求法也謂有涅槃成涅槃見若有著空者諸佛所不度身長三百由旬而無兩翅墮三無為坑受若死若死等苦法華云飢餓羸瘦體生瘡癬豈非貧窮困苦邪淨名云不見佛不聞法不入眾豈非第一義天遠離邪止猶名盜非不盜也若別教菩薩次第行次第學次第道從淺至深捨一取一來已更復來去已更復去悉是身於來去相亦是不與而取取已而捨亦是貧窮捨已更取數數去取即是困苦不即與第一義相應即是遠離此猶名盜非不盜也圓入觀諸法實相受亦不受不受亦不受亦受

念光明文句卷上

亦不受亦不受非受非不受亦不受亦不受不受不取是菩提障諸顯故是法平等無有高下不高故不取不下故不捨如是觀者觀如來藏具足無缺是如意珠隨意出寶即脩羅琴任意出聲即是富大富故無取無取故即第一義第一義故天不遠離也是名究竟持不盜戒也圓人復有盜法門菩提無與者而取菩提如海吞流不隔萬派如地荷負擔四重擔眾生悉度煩惱悉斷法門悉知佛道悉成此義可知不能多說前諸戒行淺而且塞非是通途圓戒宏遠徑異會同故名究竟持不盜戒也復次男女身會名事淫不貪名事不淫法門解者若心染法是名為淫不淫法名為不淫不淫之戒種種不同若開禁七支如猴著鎖攀一油鉢過諸大眾割捨觸樂求於未來淨潔五欲如市易法以銅錢博金錢此乃增長欲事非不欲也若為生天故持戒如羶羊相觸將前而更却帝釋共八十億那由他天女縱逸嬉戲看東忘西欲猶不足化為老脩羅納舍脂使諸天亡身失首又見仙人入定汗弄其女仙從定起釋羞自化為羶羊仙人呪之千根著身無能却者後來懺謝變為千眼是亦增欲非不欲也若斷欲界羶弊之欲深著色無色界禪定之樂如冰魚蟄蟄長壽天是為一難貪著禪味名

為大縛是深欲法非不欲也若憎惡生死如  
 怨如蛇愛說涅槃如親如寶弃之直去涉路  
 不迴諸有色聲不能深屈如八方風不能動  
 須彌若聞菩薩勝妙功德觀如羅琴聲迎葉  
 起舞不能自持隨嵐風至破須彌如腐草是深欲  
 法非不深也若菩薩惡生死如糞穢惡涅槃  
 如怨鳥捨於二邊忘存中道起順道法愛生  
 名頂憤是菩薩旃陀羅既無方便此慧被縛  
 不能勝怨已所脩治為無慧利是深欲法非  
 不欲也圓人觀一心三諦即空即假即中即  
 空何所深即假何所淨即中何所邊即空即  
 假何所中即空故無我人十六知見依正等  
 愛即假故無空無相顯等愛即中故無佛菩  
 提轉法輪度眾生等愛三諦清淨名畢竟淨  
 是淨亦淨經言唯佛一人具淨戒餘人皆名  
 汙戒者圓人行於佛法即究竟持不淫戒也  
 圓人又有深愛法門如和須蜜多女人見人  
 女天見天女見者得見諸佛三昧執手者得  
 到佛刹三昧歇者極愛三昧抱者冥如三昧  
 各各皆得法門亦如魔界行不汙戒菩薩變  
 為無量身共無量天女從事皆令發菩提心  
 如維摩詰若入後宮後官中尊化正宮女先  
 以欲鉤牽後令入佛道斯乃非欲之欲以欲  
 止欲如以肩出肩將聲止聲前諸行淺塞非  
 是通途圓戒安遠徑異會同是名觀竟持不

淫戒也復次不見言見見言不見名事妄語  
 法門解者未得謂得未證謂證名為妄語妄  
 語多種諸欲求時苦得時多怖畏失時懷憂  
 諸欲無樂時凡夫癡人於下苦中橫生樂想  
 豈我慢幢打自大鼓謂色即是我我即是色  
 色中有我我中有色執有與無鬪執無與有  
 鬪依止斷常起六十二戲論破慧眼不見於  
 真實增見長諸非吾我毒甚盛備口四過略  
 標妄語爾三十三天黃葉生死謂是真金非  
 想自地具細煩惱謬計涅槃此非妄語誰是  
 妄語邪二乘之人競執瓦礫歡喜持出生滅  
 度想生實未盡寧得滅度生安隱想所作未  
 辦寧得安隱淨名云佛為增上慢人說離淫  
 怒癡名為解脫其實未得一切解脫未得謂  
 得豈非妄語邪佛為別教人以四門說實相  
 執於一有隔礙三門乃至執非有非無而隔  
 有無夫實相者言語道斷心行處滅云何以  
 字字於無字云何以數數於無數豈非妄語  
 邪圓人如實而觀如實而說如實觀者非內  
 觀得是解脫非外觀非內外觀非離內外觀  
 亦不以無觀得是解脫如實說者一切實一  
 切不實一切亦實亦不實一切非實非不實  
 如是皆名諸法實相經言諸佛皆實諸佛語  
 實不虛能以一妙音徧滿三千界隨意之所  
 至隨諸眾生願各皆得解即是佛道

今一切聞也圓人亦有妄語法門無車說車  
 誘戲童子無樂說樂止彼啼兒若有眾生因  
 虛妄說得利益者佛亦妄說經言我是貪欲  
 尸利我是瞋恚尸利愚癡尸利然實非也我  
 是天是人實非天人我是龍鬼實非龍鬼將  
 虛以出虛今得不虛爾前諸行淺近隘塞圓  
 行深遠夷坦無礙徑異會同故能如此是名  
 究竟持不妄語戒也復次若殺若草昏心眩  
 亂者名事酒法門解者迷惑倒見名之為酒  
 倒見多種夫酒為不善諸惡根本能生三十  
 六種之失招於五百世中無手慢利失禮發  
 出伏匿眠財糞穢擗水火過患如此人猶  
 尚之晉世引滿稱藝能魏朝清濁為賢聖畢  
 卓自署為酒徒鄭泉自指為酒壺竹帛載之  
 古今歌之不應作而不應歌而歌非醉酒是  
 何釋論云有一法師為王說五戒罪福正難云  
 飲酒招狂飲者甚多狂者何少邪法師舉  
 手指諸外道而已更言餘事外道偈云王  
 難甚深是禿高座更不能答王云法師答竟  
 狂亦不少指汝等是將護不彰爾此即世人  
 之醉也又貪如海納流無有滿時瞋如火益  
 薪展轉彌熾癡如膠黏結如冰足水八萬塵勞  
 煩惱其心無暫停住制守實於舌酸酸彌猴五  
 欲攪作無時不醉大經云從昔已來常為聲  
 色所醉流轉生死三界人天通有此病

二乘之人雖斷九十八使四住煩惱無明未吐如半瘡人大經引醉歸之人世間無常樂而言我淨如來實我淨而言無常樂如彼醉人見日月轉此二乘醉也菩薩之人無明未盡不了了見菩薩行故見不了了如遠望大船遙觀鵝鴈夜觀畫像遠視人杌亦如醉人朦朧見道如是等無量譬喻顯於菩薩未得明了故迦葉云自此已前我等悉名邪見人也此菩薩醉也圓人行如來行具煩惱性能知如來秘密之藏雖有肉眼名為佛眼所可見者更不復見故文云人深法性即於此典金光明中而得見我釋迦牟尼大經云了了見佛性猶如妙德等是則五住正習一時無有餘酒法既除何所可醉是為究竟持不飲酒戒也圓人亦有飲酒法門焉極云持真空餅盛實相酒變化五道宣揚哮吼波斯匿醉轉更多思未利右飲佛言持戒入于酒肆自立其志亦立他志夫得其門者逆順俱當生其柄者操刀傷手前諸行淺近隘塞圓行宏遠徑異會同故能如此是名究竟醉醒無二也上觀四諦智名四佛觀五佛云何觀觀五戒實相覺智清淨即是觀心中見五佛也次破煩惱障指愁憂恐怖一句是也上來諸事或約內身或約外報是報障義便此一句專明心為煩惱障便報障如上可解煩惱與業

云何數人云數起而輕名煩惱數起而重名為業天台師云任運常有是煩惱卒起決定心發動身口必牽來報者是業若爾惡星災異都不關心云何是業障此乃外相表業將起是業責報之相即得是業障也若煩惱業轉報未必轉若報轉業煩惱必轉通論見思煩惱皆有愁憂恐怖別論愁憂屬見煩惱恐怖屬愛煩惱今不具記云三破業障者從星災異下是也業將感報故其相前現相名表發意在此也惡星者別有客星也亦是五星二十八宿一方有七四七二十八也違其度數失其分野若於感亂行麻慧暴出是客星也災異者風雨雪霜冰凍等是也眾邪者有三人邪鬼邪法邪是也蓋道者毒鬼也又言三毒是蓋也變怪者詭怪也謂禽獸醜惡形聲等是也惡夢者心靈潛密業現其中夢見不適意事是也夫諸業表報不出五罪若惡星表亡身失命者殺生業相也惡星表神奔困窮者竊盜業相也惡星表親離幽厄者淫罪業相也惡星表誣枉護謗者妄語業相也惡星表喪失財產者餘酒業相也其餘災異怪禽惡夢等隨其時節各有所表細心推詳不出五罪之報行者知解推之何須折筭鑽龜問管公明邪從當淨洗浴下二舉方法能空於惡也前業相外章報對不久內無

方法何以禳之約其三業作三德之方以事表理也洗浴臭體擬作法身緘層攝耳擬聽般若至心清淨擬作解脫前令洗浴內身後更勸淨外服內外相成爾前但令聽後誠令專聽鄭重緘口爾前令至心後示至心之境成其方法爾夫人身本於不淨蓮華本於淤泥譬如旃檀生于伊蘭世間現見也今近因三業規矩速成三德妙義可不信哉洗浴法身能禳報障攝耳緘口能禳煩惱障至心能禳業障云從是經感德下四結成也能悉消除者明三障轉也令其寂滅者三德成也寂滅祇是涅槃涅槃祇是三德前三業方法既成三障理數應轉三障既其已轉理數成於三德報障轉成法身德煩惱障轉成般若德業障轉成解脫德前寄事相將淺以表深後明寂滅將深以結淺經文縝密見之者寡云護世四王下敘流通中品皆如上說

釋壽量品

佛本無身無壽亦無於量隨順世間而論三身亦隨順世間而論三壽量法身者師說法性還以法性為身此身非色質亦非心智非陰界入之所攝持彊指法性為法身爾法性壽者非報得命根亦無連持彊指不連不愛名之為壽此壽非長量亦非短量無延無促彊指法界同虛空量此即非身之身無壽之

壽不量之量也報身者脩行之所感也法華云久脩業所得涅槃云大般涅槃脩道得故如如智照如如境菩提智慧與法性相應相冥相應者如函蓋相應也相冥者如水乳相冥也法身非身非身智既應冥亦非身非不身疆名此智為報身也法壽非常非無常智既應冥亦非常非無常疆名常為壽也法既非量非無量智既應冥亦非量非無量疆名無量為量也應身者應同物身為身也應同連持為壽也應同長短為量也智與體冥能起大用如水銀和真金能塗諸色像功德和法身處處應現往能為身為非身能為常壽為無常壽能為無量能為有量有量有二義一為無量之量二為有量之量如七百阿僧祇及八十等是有量之量如山斤海滴實有齊限凡夫所知阿彌陀實有期限人天莫數此是有量之無量應佛皆為兩量逐物隨緣參差長短然此三身三壽三量不可並別一異則乖法體即一而三即三而一乃會玄文故下文云如深法性即於此典金光明中而得見我釋迦牟尼即其義也但信相偏疑應身之有量四佛偏舉應佛之無量斷其有量迹疑既除深達報法若從信相所疑應言壽有量若從四佛釋疑應言壽無量而今不道壽有量不道壽無量直言壽量者意欲圓論

三佛之壽量故不偏題取意為釋若從義便正是報身之壽量何故取此報身上冥下應上冥法性即非量非無量下應機緣能量能無量量疑牽無量之答即達於圓經家從其生圓解而題品舉一而蔽諸從此義故題為壽量品又一時重解壽量品亦作三重一玄義二引證三還源玄義者壽者命也謂報得命根連持不斷名之為壽延促期數名之為量故言壽量也此釋應佛因緣之壽量也又壽者受也境智和合共相感受謂無分別智感受無分別境無分別境感受無分別智如由大蓋大故壽是受義也量者相應也境智相應故言量此釋報佛之壽量也又壽者久壽常不變易稱之為久量者銓量也常久之壽非多數非少數非相應盡知非相應不盡知非可說非不可說無以名之疆以銓量說其長久此釋法身之壽量也初番為二一有量量如釋迦之壽方八十是也二量無量如彌陀之壽實是有量人天所不能測故言量無量也此量無量皆應佛所為也第二番亦二義佛以如如智稱如如境境無分別智亦無分別若境稱於智智有分別境亦有分別此知與不知皆報佛所明也第三番亦二義一者深寂不可說二以慈悲方便亦可得說此可說不可說皆法佛之法也二引證者方八十年證有

量也諸天世人八部之眾無能思算山斤海滴不可數知此證量無量也虛空分界不可齊限證境無分別也又唯除如來證智可分別也又下文云智測無邊法水具足亦是證智也壽不可計此證不可說也特欲宣暢釋迦如來所得壽命此證慈悲可說也又聞是四佛宣說如來壽命無量證大悲可說也新本明婆羅門求佛舍利如累大求六天報即證有量也王子說金光明難思難解福報無邊福報無邊是證量無量難思難解即證智境不可說等云三還源者亦云復宗釋此壽量雖作三身六義勿作異解祇是經題金光明義爾初番量無量者祇是明義以其明故大小長短延促數量悉現明中還是明義爾第二番智境由蓋體解相應色大故般若亦大以法常故諸佛亦常還是光義也第三番可說不可說常樂我淨說滿法界法性無所益都為一言法性無所損還是金義夫解一則千從迷一則萬惑即此義也既是兩時之聞兼而錄之云此品正說而序文未盡分別如上從王舍城下是第三疑念序文為二一出入二明疑出入為四一出處二明位三出名四數德處如文菩薩者善名道薩名心自行此道復能化人故言摩訶薩依勝行立勝位也信相者信家之相在似道中別判三

金光明經卷上 六

十心圓判鐵輪位下文云見有一人似婆羅門以抱擊鼓鼓是法身擊是機動似位機與知非具擊又具似之位地地相隨無位不有如普賢脩普賢行滿位鄰尊極此似則高信相稱似道者未敢判其高下也難者言若同普賢言似者何故有疑此亦非妨菩薩為疑者作發起人爾又佛地未了疑無所嫌法華中補處彌勒亦復懷疑大集中有生疑菩薩於菩提未了菩提為我作名名為生疑難者言見諦已斷疑十地云何疑答言見諦斷通疑十地有別疑也觀解者心王名王五陰名舍觀此五陰空寂空寂即涅槃涅槃能防非禦敵呼之為城初心後心常觀涅槃行道故是住處也歎德文為二外供養佛內種善根此菩薩殖善既深多值諸佛作高位解釋亦應無愧色云云供養有二義一財供養可解二法供養佛說百千法門隨而脩學名法供養觀心解者一念覺了心名為佛無量功德心此覺心今轉明淨名供養佛如膏資火如食益身如禪發慧皆供養義也種善根者法性名地觀法性智名種子常以觀觀名下種久習不退名種久五善根生名增長增長由風動日照雨潤漸增茂好風解佛身輪月解佛意輪雨解佛口輪值佛三事能大利益楞嚴般若若增法性轉顯法性若顯定慧倍

金光明經卷上 七

明殖種值佛二義相成舉此一雙歎菩薩德也從是信相下正明疑念序又為二初疑之由次正生疑由有遠近遠由三月唱入涅槃近由敘述若有聞者則能思惟無上之義又云由乎本指擊動生疑何因何緣者通論三種皆名因而此文既略緣了相資共能顯正正當於因緣了當緣正因常恒壽命無量緣能顯理境常智亦常此因此緣皆非八十之因緣今方八十是何因何緣是故生疑也方八十者世壽有三品下方四十中方八十上方百二十下方少天上方太老中方不少不老表常又十二因緣第八名愛支八十滅者表愛已盡入有餘無餘涅槃愛盡無縛表我涅槃表樂又中方表中道佛樂中道中道表淨為此義故方八十年也信相不作此解是故生疑何因何緣也從復更念言下是正生疑如佛所說者此執教疑理教詮止行二善感壽則長佛昔行因甚多而今果壽極少理教相違不能不或若無此理教為虛設若其必然長壽安在是為執理而惑教也有二因緣者與前為異前合止行同是緣了今就止行自作因緣十善中一一善皆具止行不殺是止善放生是行善不盜是止善施食是行善今經舉不殺家之止善不盜家之行善互舉一邊共明止行若備論者一一皆有止行止

金光明經卷上 八

之與行須明也今就一一各有因緣夫念是眾生之所共惜奪而害之居然大苦宵而放之則為快樂慈心是因不畜殺具是緣此是止善因緣也夫食是依報得之則命存失之則壽殞施心是因施具是緣此行善因緣也不殺一條既爾乃至不邪見亦復如是摠有止行二十善四十因緣此等因緣俱感長壽佛之止行二善累高於山積厚於地云何今日八十而終此約因果一途論止行二善但作此解於義未允今當更說人天之因以五戒十善名之為命三乘行人以智慧為命魔名殺者若遮奪此事即是斷人天命若不遮奪名為止善方便勸脩名為行善若破壞三藏法名殺二乘人命若不毀傷名為止善方便勸脩名為行善若毀善事擅乃至毀善世智名斷六度菩薩命若不障礙名為止善方便勸脩名為行善若脩體法斷貪恚癡是二乘命若障不令脩名斷二乘命若不障者名為止善方便勸脩名為行善非撥體空則斷通教菩薩命若不障者即是止善方便勸脩即是行善若毀善漸次是斷別教菩薩命不作障礙即是止善方便勸脩即是行善若非誘圓融即斷圓教菩薩命亦斷佛命若不留難即是止善方便勸脩即是行善圓入非但不壞諸法而隨一相即殺諸法而隨一相如

仙豫大王害五之短命施十劫之長齡如佛斷一切煩惱及習一切無有餘此皆言逆而理順非小行者所行如上所論一一法皆有止行二善一一善皆有因緣若得此意歷諸法門浩然若海故大經云行檀波羅蜜得壽命長菩薩行檀則施眾生無量壽命乃至行般若得壽命長菩薩行般若則施眾生無量壽命即其義也而我世尊行無不圓果無不滿云何今日方八十年次明施食者百味甘漿等依報食也身肉骨髓者正報食也此皆事中施食爾經言法食法食者世間法味出世間法味出世間上上法味菩薩能為一切眾生作大施主今未發心者迴耶入正已入正者增長萌芽如陰陽養弄如父母鞠子多積繪絲令墮地不痛殺以五戒十善已持五戒者說三界火猛多所燒害讚歎三乘無繫解脫已入證者毀譽小乘敗種焦毀讚歎菩薩所行之道設飢國人大王之膳煩惱為薪智慧為火以是因緣成涅槃食令諸弟子皆悉甘嗜如是等一切法門悉名法食一一法皆具止行二善一一善具因緣此諸因緣感長壽果而我世尊行無不圓果無不滿云何今日方八十年觀心不殺者無明為父貪愛為母若斷此者即成逆害但觀無明貪愛是明愛即是淨體達能所皆如虛空是為止

善觀諸心數亦復如是是名行善能如是觀獲得金剛常住之壽也已身骨髓血肉者此彼相望此為己身智慧推之非己身也如王子飲虎尸毗買鴿皆捨父母遺體非捨己身己身者法性實相是也釋論云持戒為皮禪定為血智慧為骨微妙善心為髓為他說戒戒能遮罪脩福無相最上非持非犯尸波羅蜜者是施已皮也說諸禪定神通變化不起滅定現諸威儀者是施已血也說無著妙慧非智非愚亡泯清淨終日說終日無說其所說法皆悉到於一切智地者是施已骨也檀忍等應是肉也說甚深法性諸佛行處不二言語道斷心行處滅微妙中道者是施已髓也將此充足飢餓眾生況餘飲食餘飲食者即是人天二乘戒皮定血慧骨具諦之隨爾法華云於餘深法中示教利喜者即其義也如來往昔隨他意說無量無邊隨自意說亦無量無邊皆是長壽因緣云何今日方八十歲也從大士如是至心念佛思是義時此一句結前開後至心者徹到心源盡心實際故言至心觀心既觀佛亦爾故言念佛念佛不殺施食與法性虛空等如此之壽不應短也是為結前開後者由作此觀機動瑞興故言開後也從其室自然是第四現瑞序瑞者密報相者表發密報四佛當臨此室

為爾斷疑表發增進常因感得常果也問佛作此瑞信相福作答信相無機佛亦不應若無諸佛機無所和機應相須瑞以之與問眾緣感瑞信相獨感答通由眾緣別在信相若瑞在靈山可非其力室中所見豈不由之譬張家降瑞寧得王家受福雖然信相是發起之人無容獨善法華云如為一人眾多亦然就文為二一現相由二正現相取結前開後之文為現瑞之由從其室自然下為正現相也正現相又二一別現相二總現相從其室自然下是別現相從舉要言之下是總現相別相為十表十地因成也總相為一表因成一果也又別相表地地各各增益總相表一地具諸地功德也問此經常果為宗何得作相表因答此因是果家之因因必成果不乖宗也問前判信相是似位後相則非其徵若似同普賢前相亦非其兆答一往云十地一地之中皆有諸地功德表報利益前後皆密也經家不定判位祇可從容不得尅斷也別相有十者一其室廣博二其地寶嚴三妙香氤氳四高座涌出五佛坐華座六放大光明七雨諸天華八作天妓樂九皆受天樂十根缺者具此之十相表報十地功德止可斐重擬議不得責其備悉其室自然廣博表初歡喜者此地初開過於凡聖故以廣博

金光明經文句卷上

雜論

樂業

表之嚴淨瑠璃間錯表離垢地者此地對戒  
戒是諸行基壇諸行莊嚴於戒故以間錯表  
之香氣表明地者其地對忍唯辱而忍增如  
烟多則香盛故以香表之高座表炎地者其  
地對精進精進督出眾行故以高座表之佛  
坐其上表難勝者其地對禪禪有神通轉變  
大力故以佛表之光明表現前者其地對般  
若般若洞照故以光明表之天華表遠行者  
其地對方便方便善巧觸處嚴淨故以天華  
表之作樂表不動者其地對力力能利安一  
切如妓悅物故以作妓表之受樂表善慧者  
其地對願願滿則心喜故以受樂表之根具  
表法雲者其地對智因中眾行故智慧為首智  
導諸行隨階而圓故以根具表之云復次十  
相表一一地中具諸功德且約初地釋之其  
室自然廣博嚴事者此相表初地智也室者  
以五陰為室此陰非陰亦非非陰不為陰非  
陰所作亦不作陰非陰故言自然不得陰不  
得非陰二邊虛豁故言廣博非直空無二十  
五有二種涅槃亦有因中十力無畏種種功  
德而莊飾之故言嚴事嚴事即假智廣博即  
空智自然即中智三智一心中心具足是故歡  
喜天紺瑠璃雜廁間錯以成其地者此相表  
初地所照境天紺瑠璃瑩淨明徹表真諦境  
雜廁間錯種種莊嚴表俗諦境猶如如來所

金光明經文句卷上

世

居淨土至聖所居極尊之地表中道第一義  
諦境一地而三相三相而一地表一諦而三  
諦三諦而一諦有妙香氣過諸天香者此相  
表初地慈悲功德慈能與樂如香氣氤氳能  
拔苦如香離臭此慈悲豎高故言過諸天香  
此慈悲橫闊故言徧滿徧滿一切陰界入中  
無不溥覆也其室四面有四高座者此相表  
初地四德四德是秘密之藏佛住其中如高  
座可坐為坐諸佛也有四如來者此相表初  
地覺四德智智與德冥如佛坐座也放大光  
明者此相表初地自行化他照此土表自行  
照他土表化他也兩諸天華者此相表初地  
四瓣華雨於空如辯詮於理也作天妓樂者  
此相表初地四攝四攝攝物如樂樂他也受  
天樂樂者此相表初地法喜法喜澄神如受  
天樂根缺具足者此相表初地諸根互用耳  
見眼聞一報之中具足諸根之用也初地功  
德佛辨所不能宣略舉十相表其梗介爾初  
地既然而一地亦復如是復次十相表初地  
自行化他功德前五相表自行功德後五相  
表化他功德其室廣博表自行之般若天紺  
瑠璃表自行之法身有妙香氣表自行之解  
脫高座華衣表自行之成佛坐座上表獲  
記成佛也後五相表化他功德者放光表意  
輪益物也兩華表口輪益物也作樂表身輪

金光明經文句卷上

其

法

益物也又表能令眾生轉煩惱障而受法喜  
之樂根具表能令眾生轉報障也初地既然  
後一地亦復如是從一切世間下是摠現  
相也別相文廣意略摠相文略意廣此表十  
地因成一果究竟具足也一切者該十法界  
也世間者包三世間也未曾有者因中所無  
也悉具現者因圓理顯也國土世間未會有  
則實相滿眾生世間未會有則般若滿五陰  
世間未會有則解脫滿舉要者實相是要實  
相既圓何法不滿邪從信相歡喜下是第五  
默念騰疑序文為二初見相歡喜二默念陳  
疑歡喜者既因心疑觀瑞見佛必知聞法是  
故歡喜從至心念佛下是默念求決也夫疑  
情不可久處是故騰疑念釋如來無量功  
德相好光明神力說法皆不生疑唯壽命中  
心生疑或云何佛壽中八十年念此覆心故  
默騰求決也而不發言者四佛通現威尊敬  
重不敢發言疑既覆心不得不念又前默念  
而感瑞今承前默念以求決爾從今時四佛  
以正偏知下是第六止疑序文為二一正止  
疑二釋止疑疑蓋覆心聞法不解故先止之  
例如見諦先斷疑方進脩道也若信相實疑  
宜須折止若是起教因其訓人從汝今不應  
下正止疑也云何不應有三不應一大用不  
應八十者是佛大用是故不應二法性深

非言思所測三以信能入以智能度汝信智未具豈度量所思釋論云無量法欲量是人為覆溺故將不應而止之也何以故下釋三不應之意舉八衆皆不能量者釋法性不應也法身菩薩法性淨土故不在言生身菩薩若在家為天龍等所攝若出家為四衆所攝若法性身施權亦為八衆所攝若凡若聖悉不能思算也唯除如來者釋智度不應也若如如來是則能知既未如如來那能知舊用此語為智所知知是無常可量之法天台師云不爾如來有無量常智能知無量常法豈可以常智所知判為無常邪智性既冥大用可解是釋三不應也從時四如來下是第七集衆序餘經或先集衆後現瑞此經先現瑞後集衆前後互出爾時者將欲宣暢之時也衆者欲色界諸天也信相一人利益者少有緣若集所益處多是故集衆衆有四種一發起衆信相樹神等是也二當機衆聞即得道者是也三影響衆從十方遠來者是也四結緣衆當座雖未得道作後世因緣者是也如流水為魚說法遠作今日得悟因緣即其事也此經集天龍衆與華嚴意同亦集人衆而文略新本中有無量百千婆羅門衆懺悔品初信相及眷屬諸耆闍崛山即是人衆也相承云此經與冥道相關正集天龍略不說人

爾認瑞中云一切世間未曾有事悉具出現不見與二乘記但明常辨性與般若方等意同故判屬方等教攝此中應論乘戒緩急四句判出天龍生處得道不得道權實等事如別記云齊此判屬序段者文云將欲宣暢大衆雲集豈非序之明證邪序分竟從余時四佛下三品半文是第二正說段凡三說不同一云壽量明常果為宗常果契性即是體二義宛然不須多或下懺悔品滅惡讚歎品生善空品導成即是經用也二云壽量明宗懺歎明用空品明體此乃以因中所用之性為果上所顯之體於義不便故不用之三三藏云正說有兩段壽量是果段三身是因段二文各有序虛空藏問為因段序直是發問於序義弱師云三身成果上義非因義也是故不用初家所說好與今意同新舊兩文凡三處明宗初是四佛辨疑明應化之壽非思算所知迹既長遠本難窮極上根人聞述悟本也若未悟者王子明蚊蚋脚可以作城樓鼠登兔角梯食月除脩羅明法身無舍利如來真實身舍利無是處中根人直聞理本而悟迹也若未悟者釋迦論三身共說廣分利之本迹俱解是為三番明宗顯體懺品別論滅惡通亦生善歎品別論生善通亦滅惡空品導成俱是經用也今之四卷止有一番

宗文為四初四佛說偈二信相歡喜三當機得道四四佛還本說偈又二一經家敘二四佛喻說問四佛說偈為各為共答經既無文不可定判或宜聞共說異口同音或宜聞別說各引一喻見亦如是若見四佛同尊特身一身一智慧者即是常身弟子衆一故若見四佛佛身不同即是應化弟子衆多故分八偈為二意初云前四偈立辭次一偈合辭次二偈斷疑次一偈結釋次云前四偈為辭本後四偈合釋兩途俱可用舊云四偈止辭其壽長更無別意是義不然諸佛之教上中下善其言巧妙其義深遠此中正是常宗斷疑一經之要處何容無義且作三意消文一對四諦二對四念處三對四德四諦理通因果四念論因四德論果若論果壽宜對四德果不孤起故念處明因因果有本故對四諦也上以四佛對四諦智今以四佛所說對四諦理舊讀四諦文云知苦如苦相知集如集相相是其事齊事而知於理不顯今明知苦如苦相如是其理相是其事即事而真事理雙達餘三諦亦如是如是釋者於四諦理義便也又一解知苦是知俗如是知真相是知中中是實相故今以相為中也此則三諦具在一文知苦既下集道滅亦如是云明識四諦是脩長壽境故約四諦對偈也一切諸

金光明經文句卷上

第四張

水者此對集諦大經云有河洄復沒眾生即其義也水體潤生如集能資長鼓怒浩瀚無趣不有集亦如是沒溺凡聖巨界內外也諸須彌山者此對苦諦小般若以身為須彌即其義也山體結構磐峙水上如苦報積聚為集作果繫縛界內外色心也大地微塵者此對道諦法華云其所說法皆悉到於一切智地即其義也地體能容載水陸兩途如通別道到此彼岸虛空分界者此對滅諦法華云常寂滅相終歸於空即其義也空體盡淨五翳所不能染三光所不能淨如滅諦滅無二十五有及滅化城涅槃也四諦理徧一切起即法身四諦智稱境而知即報身從體起用同其長短即應身信相但見應短不見應長應尚不達寧知報法四佛舉四喻喻其應長水滴山片地塵空界尚無能思算得其邊表况復智冥於法淵哉玄哉信無底際曠矣大矣豈有垠涯舉應迹以釋報法豁然明悟斷疑之巧為若此也釋此偈妙為若此也行者思之思之四偈對四念處者念處之觀本在苦諦唯應約須彌山偈而論今則通對也一切諸水對受念處受能含納如海多容故也須彌山對身念處色相與質礙相類故也大

觀四念處是脩長壽因若念處得道即是長壽果故用念處對四偈也若觀四枯念處破凡天之四倒若觀四榮念處破二乘之四倒若觀中道念處則非榮非枯於中間而般涅槃成五種解脫謂色解脫乃至識解脫五陰縛名五解脫洞達五陰空無所有名五般若冥五陰理名五法身雖三分別不一不異不縱不橫名祕藏藏名大涅槃仁王呼為法性色法性受想行識陰之法性即是法身智冥法性即是報身法報皆非常非無常而能起用為常為無常常用則長無常用則短信相但見無常不能見常於用未達沉解其本四佛舉喻明其用常迹常無邊非思算所得况復體理寧可心知信相迷除豁如雲卷斷疑之巧為若此也四偈對四德者水潤生榮對常德山能高出對我德碎地為塵對淨德空無苦受對樂德四德成就是果上所尅果與理冥冥於非常非無常能起常無常用冥於非我非無我起我無我用冥於非淨非不淨起淨不淨用冥於非樂非不樂起於樂無樂用信相但見無常無樂不見常樂於應尚迷何能識本四佛舉四德之用非思算所知體本報法杳然慮外信相聞說非但疑除惑斷增信生解故歡喜踴躍得之於懷億百千萬下合解偈也舊解有二失一僻取文

金光明經文句卷上

第五張

二偏執義舊云四辭皆有齊時可盡之數百千是數法數必有窮據此為無常今釋不爾四佛引四辭者乃是舉量以況無量量物尚非思算所知無量之法寧可苗度億百千萬此舉數法以明無數汝既不能數數那能知無數縱令知數知無數知量知無量者祇是化用都不關體本僻取之失非但自毀又亦誣經偏執義者三身品云化身亦常處處說法是故為常當知化身備有常無常義舊人那忽一向無常以是因緣下兩行斷疑偈也若作因緣者因親緣疎命是正報不殺為因食是依報施之為緣以此因緣得壽命長若作二緣者不殺是不殺戒家止善地食是不盜戒家行善互舉止行俱是二緣法性菩提心名之為因止行福慧等併皆是緣緣能顯性會非常非無常能常能無常法食不殺等皆如上說脩因既長得果又長顯體又長起用又長破其短疑也是故汝今下一偈結成也亦時信相下聞偈斷疑生信也聞壽命無量者解迹中之能常其壽無量也疑去者解迹中之能短其壽八十也深心信解者悟其本識非量非無量也踴躍者登位也歡喜者信生也別教釋者信相似位中疑或去登歡喜地中信生也圓教釋者信相似輪位中疑或去入住銅輪位中歡喜也若作普

金光明經文句卷上

第六張

金光明經文句卷上 聖  
賢似位釋者下地中疑惑去十地頂深信堅  
固猶若金剛鄰真接極而生歡喜也從說是  
如來下是第三常機上根初悟也從時四女  
來下第四息化也佛本為緣興緣已利益則  
攝化還本故言忽然不現也觀解者講境發  
智覺慧相應深觀此慧亦不得慧亦不見境  
境智俱寂即是不現義也云

金光明經文句卷上



越城縣廣勝寺

金光明經文句卷下 計十卷

天台智者大師說

釋四天王品

四天王者上界之元首下界之初天居半須彌東黃金埵王名提頭賴吒此翻持國領乾闥婆音單那南瑠璃埵王名毗留勒又此翻增長領鳩槃荼蘇荔多西白銀埵王名毗留博又此翻雜語領毗舍闍毒龍北水精埵王名毗沙門此翻多聞領夜叉羅刹此四王聞經歡喜各領五百眷屬發誓護經從此標章故稱四天王品觀心釋者東集南苦西道北滅四諦理是四天觀四諦智為四王護四諦境名護國護心數是護眾生世者他為他說心數名護他眾生八部者苦諦下有利鈍見思法華指此為鬼神乃至滅諦下亦有見思是為八部也若不照四諦理見思二惑侵害心王毀損境界心王亡境國敗心數人民迸散境智俱為鬼神所惱能觀苦集控御見思則國安民寧能為他說四諦是護他國土遮彼見思使得安樂是為觀心護世四天王也此下十三品是流通段佛慈季未使邪惡不繫於正真經王不墜於來代有緣之者得正聞正聽故曰流通凡為七意四天王至散脂明天王發誓勸發人王弘宣此經正論善

金光明經文句卷下 第二卷 釋字

集明人王弘經天王祐助亦是示往日弘經方軌鬼神品明聽經功德天神地祇若河若海菩提薩埵咸守衛之授記品證聽經功德之虛除病流水引首聽經之功德證今護持之非謬捨身品引首行經不惜軀命誠勸師弟勿吝法財讚佛品明諸菩薩稱揚佛法能宣所宣利益深重云天王發誓又為五四王以天力擁護請者大辯品以辯充益說者功德天品捨以資財潤請者說者地神品捨以地味膏腴味請處說散脂品捨以威武摧外敵攘內難安於請說聽等也又天王護其國大辯護其師功德護其眾地神護其地散脂攘其災今經法大行也云四天王品者有六番問答即為六段第一白佛述有護國之能第二白佛述其護國之事第三白佛示其軌模第四白佛要其法利第五白佛雙述興衰第六白佛說偈頌德初番為二白佛二佛述成白佛又一一經家敘二正白佛敘敬如文正白佛文為一一歎經二述能護諸天信法有力是故歎經欲得經弘述其能護歎經為三從是金光明下歎經體從莊嚴菩薩下歎經宗從此經能照下歎經用正說乃多歎三則略攝於廣也法性之理佛所護念文詮此理故言經王既言經王知是歎體的體脩行能令菩薩具二莊嚴成於極果既

言莊嚴知是歎宗世天淨天義天皆宗仰極地施三業供養恭敬是身歡喜是意讚歎是口又下從地獄上至菩薩無明未盡通有熱惱此經能除如月清涼知是歎用云從世尊是金光明下是第二述能護國文為二一內以法護國二外以策護國法護國又四一護國之由二以法護國三以天黨護國四以天眼護國護國由者由聞此經獲於四益身益光明力益勇猛心益增進德益尊嚴理獲二益謂法身慧命皆得增長由國弘經致斯法潤寧得不護述所以者此義正與觀心相應以四諦智護四諦境即是脩行正法以四諦智導諸心數使諸心數不行故名行般若波羅蜜即是能說正法內有如此護國所以名護世王正治國土爾帥黨護國者此亦與觀心相應心王帥心數黨降伏見思利鈍諸使如諸天王共眷屬遮諸惡鬼如轉輪王與七寶千子有所至處四方歸德四王共五百所臨之地何惡不除邪用天眼護國者以報得天眼徹視無幽不燭防萌杜漸何惡不除邪二從若此國土有諸衰耗下是智策護國令內外因緣和合文為三一若王國多災種種艱難謂兵饑疾者我以智策勸法師往或威神勸往或現形勸往或降夢勸往法師若往廣宣此經如日出朝陽霽霧自歇此勸外緣

也次王心無智照災承聞入若有明慧變性不生師既秉法來儀王須專心聽受王若勤聽天亦勤護所以加於可加護於可護一人有慶賴及萬方王身與國安隱無患此內因也若外雖有弘法人王內心不殷重則不和合不能攘災也二者王無惠施則寡於福祿如不勤田倉廚少穀勸王傾財供給四眾四眾得安福資於王舉國眷屬一切無患此內外因緣和合能致豐年流衍云三者王身無先王之德行臣民不從口無先王之法言鄰國不訕今勸王三業供養恭敬是身業等重是意業讚歎是口業夫高以下為基拜以訥為師屈尊敬卑功亦大矣以天威力使鄰國遙崇羽檄稱讚歌詠羨慕三業顯顯上之化下如風之靡草鄰國既然國人牛馬草葉無不低迴內向此則能讚所讚因緣和合頌贊溢於鄰國云經文分明專之可見次佛述成文為二初合述歎經二述其能護國四王初歎經說既合理佛述而成之成其上體宗用三款故言佛合述善哉善哉其上揆歎一教佛述成其福讚百千諸佛諸佛從是法生故舉多讚成於一也從於諸佛所下述成其能護國又為二初述以法護國二述以智眼護國法護國有四佛皆述成上明護國之由由聞經得益佛述今益良由先種發心畢竟二

不別如是二心前心難是故敬禮初發心此舉前以成後述後以顯前從說於正法下述其以法護世上云能說能行所以名為護世佛亦述成能說能行得名護世云從汝等今日下起述其天眼護國小不次第於義無失上云以淨天眼過於人眼佛述長夜利益夫天眼夜照不假日光故言長夜也從汝等四王及諸眷屬下追述其天黨護國上直言護國佛今加讚是護三世諸佛正法也從汝等四王及餘天眾下述其智眼和合護國上云請法師入境攘惡此功歸已能却脩羅之障汝勸王聽經供給四眾佛述其內智外福實是消伏諸苦能致安樂如文云第二番白佛述護國之事文為二一白佛二佛述成白佛又二一是經流布之處其王自能頂受又供給四眾者我及眷屬皆當隱形令其顯益二者惡鄰與兵侵辱善國我當隱形起諸怖憐種種難起令其軍兵顯然退散尚不擾邊流能壞中云次佛述成文亦為二從余時佛讚下至無闕訟之事是述成初意其上隱形護國欲使經弘佛述隱形是護三寶我是佛寶備習菩提是法寶諸王無闕訟是僧寶述其護一而能成三也從四王當知此問浮提下是述成後意上以天威憐之天力退之似若憎惡愛善佛勸慈心平等向之為惡者自懷為

金光明經文句卷下 第六張 釋

善者自豫非薄惡而厚善成其懷退之意也  
 又勸諸國各守本業住境自樂勿起貪念諸  
 王和則民無天法興盛則董諸天佛告帝釋  
 闕諍因緣人天損減善能慈和天下非止供  
 養於我則是供養三世如來非止安於一王  
 福安諸王非止安於一國福安一切故以慈  
 和述成第二意也 第三白佛示人王軌模  
 文為二一出其顯欲二示其軌模顯欲有六  
 一欲安己身二欲安妻子三欲安宮殿四欲  
 王領殊勝五欲攝諸福德六欲國無憂苦六  
 顯如文從世尊如是人王下是第二示其軌  
 模雖不次第六數足上欲安身今示莫放  
 逸制心則身安也上欲安宮殿今示嚴法堂  
 禱蓋映於上香華麗於下三寶受用則柏梁  
 無災上欲王領殊勝今示洗沐香塗敷恭去  
 慢一身敬於此八絃休於彼上欲攝取福聚  
 今示正念聽經正念聽經能致無量功德天  
 神竭其力覆地神竭其力載鬼神竭其力護  
 臣民竭其力愛上欲安妻子今示和顏與語  
 勸其興福內外脩善感益事多上欲得國無憂  
 苦今示應自喜慶自勵忘疲倍作利益一人  
 既悅則四海謐然此之謂也次佛述成文為  
 二先述成六方法次述成六顯欲四王約六  
 事又所說少止在現世佛約一事而所益多  
 超無量世倍述成之從佛告四王下祇弘經

金光明經文句卷下 第七張 釋

聽經即是述成安身方法上直示心不放逸  
 今加示羽儀出宮迎候步步值那由他佛方  
 法既倍體亦彌安從復得超越爾許劫難者  
 述成安國方法上止一世無憂苦今則超爾  
 許生死之難從復於來世封受輪王者述成  
 安妻子方法輪王有五女子悉無怨對爾  
 許劫中妻子常安也從亦得如是現世自在  
 之力者述成上安於王領方法也從常得最  
 勝七寶宮殿者述成上安於宮殿方法也從  
 在在生處訖具足無量福聚述成其上攝福  
 方法也從汝等四王下述成其六種顯欲從  
 四王下至不退轉述成上顯安身從已為得  
 值至畢三惡道苦述成上安國從我今已種  
 輪王釋梵之因述成上顯安妻子從已種無  
 邊善根下述成上欲攝福聚從後宮宮宅無  
 諸凶表述成上顯安宮殿從國土無有他方  
 怨刺述成上王領第一從汝等四王下更摠  
 結成六法六顯皆令具足者若能屈已迎候  
 至心聽法即是六顯六法又迴利施天亦即  
 能令六顯六法成就滿足也第四白佛要其  
 人王施善此由第三段末文為二一白佛二  
 佛述成白佛又二一人王運心二天宮相現  
 人王心存至典是故香作金光迴施必得是故天  
 宮相現香至天宮龍宮鬼神等宮摠至三法  
 界爾觀心解者以智慧人然實相香起戒定

金光明經文句卷下 第八張 釋

慧煙實相是眞法故言金光戒慧與理異故  
 徹照無礙也 次佛述成文為二先述香光  
 非但至天宮等三法界徧至百億諸官又至  
 恒沙佛上摠而言之徧至十法界也從諸佛  
 世尊聞是香氣下述成人王運善奉施諸天  
 為諸佛所讚先讚因成次讚果滿如文第五  
 白佛雙舉興衰文為二一白佛二佛述成白  
 佛又為三初從白佛至諸惡災患悉今消滅  
 是第一舉興勸從若有人王心生捨離至善  
 神遠離生如是等無量惡事是第二舉衰勸  
 從世尊人王欲自護及王國土是第三正勸  
 舉興勸為四一人王弘經則四天隱形聽受  
 二非但四王聽受釋梵八部皆集聽受三以  
 是人王為善法知識四既得法利護國彌勒  
 皆如文次舉衰勸亦四一王不弘經天失甘  
 露則威勢減少二釋梵舊神並皆遠捨三惡  
 鬼亂行災毒競起四展轉結成災何故起惡  
 鬼亂行鬼何故行天神捨離天何故捨不聞  
 法食何故無法食王不弘經如文三正勸為  
 六一欲得現利故必定聽二天欣法食故必  
 定聽三出過三論故必定聽三論者四羣陀  
 論說梵事毗伽羅論說十善事僧佉衛世師  
 勒沙婆論說學通事 四始終得益成就善  
 提故必定聽五教主勝於釋梵故必定聽六  
 諸法之本故必定聽皆如文次佛述成文為

二初番述成舉興不弘則衰無可述成又解云前番則兩述成而與安樂是述成舉興勸滅其衰患是述成舉衰勸從若有人能於人天中作大佛事者述成正勸第六白佛文為三一說偈歎二佛以偈答三歡喜發誓偈歎有八行半文為三初一行歎三身次五行半歎身相次二行結歎夫三身有通別依文是別空是法身日是報身月是應身通意者空是法身日是報身水日是應身空是法身月是報身水月是應身空是法身日中空是報身水中空是應身月亦是依結歎文是報身水中空是應身月亦是依結歎文空是法身月是報身水月是應身空是法身日是報身日是應身化法是法身化主是報身化事是應身雖復別說義則通融故文云無有障礙即通意也歎身相文為五初一行歎上兩相謂目與齒次一行半歎智斷兩德謂智三昧次兩行歎下兩相謂平與網次兩句絕言歎謂不可思議次兩句結歎夫相好不獨在應身報法亦通莊嚴父母生身者應相好也莊嚴尊特身者報相好也莊嚴法門者法身相好也此中歎智斷即法身相好也文云無有障礙者非獨歎一身相也偈初標佛月今先結佛月為三身次結三身通融故言無有障礙次結佛日故言如皎次結佛化身即是四身義故言如化皆具三身四身則

是無障礙也結竟即禮於佛月亦是禮佛日佛化也品初歎經歎體宗用品後讚佛辯異義同佛真法身即是體佛月清淨即是宗應現水月即是用天王天辯其妙若此也問空辭法身月辭報身空為作月不作月空若作月月非空作空不作月月那依空答空不作月亦不作非月月非月必依於空法不作報亦不作非報報非報必依於法又問法不作報非報報非報必依於法者亦應月不作影亦不作非影影非影必依於月者月亦是法身邪答智與法冥法是法界智亦如法界云又並影不作動與不動動不動必依於水水亦是法界邪答動不動辭機一切諸法中悉有安樂性辭法界亦是無妨又淨度三昧云衆生亦度佛若無機感佛不出世亦不能得成三菩提出世菩提皆由衆生機為法界此義成也佛答二十四行半偈天王所以讚佛者佛能說法故也法王所以讚法者法能成佛故也般若云我初成道觀誰可敬可讚無過於法法能成立一切凡聖故佛讚法以答天王文為三初一行歎經體答其法身次一行歎經宗答其報身次二十二行半歎經用答其應身悉如文三四五歡喜發誓如文釋大辯品

辨有四種小辯無量釋大辯無量法名

小辯恒沙法名無量釋備二種名雙釋雙非雙照名大辯此天任智慧莊嚴法門自住大辯以自在力為悅衆生故隨說一辯若二若三若四故名大辯為宜衆生故若授一辯若二若三若四宜而立之故名大辯為對衆生故或對一辯若二若三若四對而治之故名大辯為悟衆生故若悟一辯若二若三若四一悟一切悟而開發之故名大辯對佛發願以大辯加於說者故稱大辯品文為三一從白佛下以大辯力加益法師二從若有衆生於百千下以感應力加於化道三從復令無量下以行力加於聽者初如法師以樂說辯才莊嚴次第是辯辯大智是義辯摠持是法辯若有衆生下加化道流布不絕如其能化之道無人無所化無道無能化因緣和合化道不絕也從復令無量下是加聽衆兩益聞經至不退轉是加因益必定得菩提是加果益文言雖略指顯甚深為益大矣釋功德天品

此天住福德莊嚴法門攝一切法而以功德為首故言功德天又能與說者所須無所乏少故名功德天又今說者晝夜思惟是經深義故名功德天又令聽者速成菩提具此衆義故名功德天品此是天王讚經第三意福資讚說及以聽者文為六一從白佛下發誓

金光明經文句卷下

第三

釋

四事資給法師二從我已於過去下明福德之由三從若有人能稱下勸示行法文中略有示廣示云四從我於今時如一念頃下擔臨影響五從若能以己所作迴施我下要求同行六從應當禮下列示歸敬悉如文釋堅牢地神品

上諸天或住善權方便道為眾生法父此天住善實智度道為眾生法母一義也譬如陰陽覆載卉木智度養育出生眾善二義也餘度各有所主未亡未泯實智照了無相無名三義也餘度有等有上智度無等無上是究竟度四義也智度法門常無改變義曰堅牢常也能荷樂也能生淨也名之為地德力自在我也稱之為神從此等法門故名堅牢地神品此品是天王護法第四意翻涌地味資益請說聽等地也文為三一從白佛下擔涌地味利益行者二從今時佛告下如來述成三從今時地神下發誓弘經初涌地味文為三初從白佛下明己身利益凡約八事展轉增長由聞法故法味增長法味增長故氣力增長氣力增長故翻地味增長地味增長故諸物增長諸物增長故眾生五果增長五果增長故脩行增長脩行增長故供養增長供養增長故弘通增長悉如文從何以故世尊下明眷屬利益是經力增長凡約五事展轉

金光明經文句卷下

第三

釋

增長以經力故我眷屬增長眷屬增長故地味增長地味增長故諸物增長諸物增長故眾生快樂增長快樂增長故依報皆具足具足亦名增長從世尊是諸眾生下名報恩增長凡約六事展轉增長以知我恩故專聽增長專聽增長故功德增長功德增長故教他增長教他增長故地味增長地味增長故受樂增長受樂增長故信施增長信施增長故受述成文為二一約聞經展轉增長從人世至天世從天世至出世日夜即受不可思議快樂即出世樂也地神所說止是今世增長如來述成文雖略意極長遠二述成供養增長從人世至天世從天世至出世長遠之義準前可知云三發誓護經文為三一誓護說法者二誓護化道不絕三誓護聽法者如文釋散脂鬼神品

具存梵音應言散脂脩摩此翻為密密有四義謂名密行密智密理密云蓋北方天王大將餘三方各有東方名樂欲南方名檀帝西方名善現各有五百眷屬管領二十八部孔雀王經云一方有四部六方則二十四部四維各一部合為二十八部又說者云一方有五部謂地水火風空四方有二十部足四王所領八部是為二十八部巡遊世間賞善罰惡皆為散脂所管聞經歡喜發誓護於說者

金光明經文句卷下

第三

釋

聽者從能讚人受名故言散脂品云文為四一從白佛下發誓護持二從何因緣下述有能護之德三從散脂大將下誓以智力充益說者四歸敬本師初段有經家敘正發誓悉如文述德又為三初標次述後結標如文述又為三初五句述智次五句述境次五句述正三番稱世尊知是三種意也神既名密述名顯德應談密義智若淺深階級次第不名為密即一智一切智一切智一智非一非一切而一而一切者斯是智密若得此意五句一句一句五句非一非五而一而五唯數唯密爾若境可以智知可以口說者境則非密不可智知不可識識不可以名名不可以言說名不可思議密境也而約五數論密者例前可知也若對邪道明正道待邊說中此正非正此中非中非是密即邪而正即邊而中邪正中邊無二無別者乃名為密思益云若以心分別一切法者一切法邪若不以心分別一切法者一切法正即其義也我行正道若境若智從此得名唯然世尊自當證知云又此三番一往是身口意密前五句言知即意密次五句言現見現見屬眼身即身密後五句言明正解由正解故言正分別分別即口密所以言不彰露者是密義也如此述名密義已顯賞味無已更復略說世尊我

知一切法下作三觀。我解之知一切法一切緣法兩句同是因緣所生法境何者能生為因是初句所生為緣是第二句能所合故諸法得起中論云因緣所生法即此義也。一切法者了達虛無也。中論云因緣所生法我說即是空是為從假入空觀也。知法分齊者知空非空用道種智分別假名凡聖之法無有差別。中論云亦名為假名是為從空入假觀也。如法安住一切法如性者以二觀為方便得入中道第一義諦。中論云亦名中道義即是中道第一義諦觀也。含受一切法者即是一異縱橫並別者則不名密觀。即一而三即三而一名為密欲知智在說說即口密也。世尊我現見下五句作三諦三解脫義釋之現見不可思議智光者先是實智如日月光常明不息。此實智照不可思議真諦境成圓淨解脫也。不可思議智炬智行智聚者皆是權智如人執炬屈曲照物乍興乍廢隨順機緣或此或彼行是因義聚是果義從因以向果果興而因廢皆是權智照不可思議俗諦成方便解脫也。不可思議智境者是法如如智此智與法如如實故言不可思議智境此智照不可思議中道第一義諦成性淨解脫也。若三諦三解脫一異縱橫並別者非不可思議

也以不一異並別故故名不可思議不可思議故名密也。世尊我於諸法下五句作三身釋之。正解正觀正解能顯體顯名正觀正觀是報身也得正分別正解於緣者分別機緣不待時不過時普應一切即是應身也。正能覺了者無覺無不覺名為覺非了非不了名為了究竟清淨之覺了即法身也。若此三身縱橫一異者不名為正非一非異不前不後故名為正正即密也。約正明法身即是金義約觀明般若即是光義約不思議解脫即是明義。三德是微密之藏金光明是微密之教從密教生密解安住密理行於密行以密利他故我名密。唯然世尊自當證知復次此十五句互相釋成若正解正觀十五句皆正解正觀也。若不可思議智光十五句皆不可思議智光也。若我知者十五句皆知也。又作五種佛性釋者正性緣性了性三名不異又一家取果性境界性為五又一家取果性果果性為五若作果果性即沒境界性為緣因性所攝若開境界性即沒果果性為果性所攝雖開合不同終是五數今以五知對五佛性我知一切法者知一切法中悉有安樂性安樂性者即正因佛性也。一切緣法者無量功德低頭舉手之善緣因佛性也。一切法者即是般若空慧了因佛性也。知法分齊

者即世間出世間因果不濫境界因佛性也。如法安住如性者即是果性究竟安住如中也。含受一切法者還是果性能雙照含受也。若作果果性者取知法分齊為果性克果智照分明為分齊也。安住如性含受為果果性。若然者下兩種五句亦應對五佛性師雖不釋義例應爾準須釋出其意。消文令會爾世尊以是義故下是結文也。從世尊散胎大將下是第三發指以智辯充益說者文為二先益能化次益所化益能化為三莊嚴言辭下益其口業眾味精氣下益其身業心進勇銳下益其意業從以是之故下益其所化此亦為三以是之故廣說是經此是未種者令種也。若有眾生下是已種者令熟也。無量眾生下是已熟者令脫悉如文此消文大好從南無寶華下是第四歸敬文也。佛說一切眾經初皆歸敬而譯人略之諸論初亦先歸敬此文是說竟歸依三寶在文可尋也。釋論品正論者正名為聖聖有二種一聖二出世聖論名嚴實一嚴事實二嚴理實此品是先王舊法世世相傳先王傳力尊相力尊相傳於信相信相又傳其子其子又傳於後世世世正聖世世善實即是先王之法言亦是世界悉檀立名名正論品王行此法法律相應陰陽以之調日月以之順百穀以之豐萬民

金光明經文句卷下 第十八 釋

以之樂社稷以之安治化以之美即是民用和穆上下無怨亦是為人悉擅立名名正論品王用此法外敵不敢謀內姦不敢驚妖星不敢現惡虹不敢行暴風不敢動疾雨不敢零是則禍亂不作災害不生亦是對治悉擅立名名正論品此之世善本金光明從金光明出此正論善用此正論天官天身以之光明天力天威以之增長天心為之倍樂天之法味為之倍更深遠即是先王之至德要道亦是第一義悉擅立名名正論品也此文是流通中第二意明人王弘經感動冥聖天王佐助善政興隆文為二一長行說事本二偈頌說正論長行中對告地神說昔尊相如文偈有八十二行文為四初二行半集眾次三行半發問次一行結問開答後七十五行梵天答即說正論也集眾文為三初一行是佛敘尊相欲為其子說先王本法次一行佛敘尊相誠聽次半行明說論處所次四王發四問一問云何呼人為天二問非天所生而名天子三問處王宮殿何故名天四問以人法治世那得名天次一行成前起後可見云問既有四答亦為四一答天護其入胎雖是人子而稱天子三十三天各分已德雖是於人而稱為天雖處人宮殿用天律治世雖是人主而稱為天雖是人法治世今眾生行善多生天上

金光明經文句卷下 第十九 釋

以因中說果故稱為天從汝今雖以下是梵答文為二初十行半略答後六十四行半廣答略中有四初一行半許答次因集眾故一行略舉昔因今果答其問王義次五行舉三義答其問天義次三行舉三義重答問王義答天舉三義者未入胎入胎分德力加是也以護胎故稱為天子答第二問也以分德故有其天德故稱為天答第一問也神力所加備善遮惡後必生天因中說果故稱為天答第三第四正法治世名為天問也答半名為天三義竟從半名人王已下答有三義故稱半為王一名執樂者樂由於王王執此樂使天下和平五日一風十日一雨老者擊壤小騎竹馬誰不歸德故執樂名王二者遮惡為民除害天不亢旱地不洪流草不折傷民無疾癘者誰不歸德故遮惡名王三父母者護示禍福導善善惡制禮作樂而民知禁誰不歸德故父母名之為王能為民下作父母故諸天護之名為天子以遮惡不起諸天分德名之為天以執樂故因中說果復名為天非但半名人王義成半名為天三義亦顯從若有惡事下三十九行三句廣明非法不得名天不得名王六義俱失三十三天各生瞋恨是天不護不護故非天子是諸天王各相謂言是天不分德不分德故不得名天捨遠善

金光明經文句卷下 第二十 釋

法增長惡法則無天因實得因中說果歎人為天也生大愁者無執樂義疾疫流徧無遮惡義縱惡不顧善無父母義從當正治罪下二十四行三句更廣說六義當正治罪即父母義諸天護持即天子義以滅惡法即魁膾義魁膾名典尊遮制惡鬼畏典軍不敢亂行也脩習善法即執樂義示因果義諸天即分德義還以六義消文皆可尋云此中應明觀義自思之云問金光明是正論本其意云何天者即法性金也法性作依止故言天護分德者即光也報身與法性冥即是分德也神力所加者即明也又父母者即金也法性為父母故遮惡即光也執樂即明也以此為本故能正論爾如半名人王半名為天半為世間正論半名出世間正論本末相關即此意也釋善集品此轉輪王集眾善法如海導師善海無涯六度則攝六度又廣二度略攝謂檀與智提如意珠捨四大地滿中珍寶以用布施即集檀行也合掌而立請寶真尊者宣揚顯說是金光明即集智行也檀智既然餘法亦爾從行得名故稱善集品也此六度不同是世界悉檀集善也脩於五度是為人集善也脩於智度是對治集善也皆波羅蜜是第一義集善

也從此四集得名故言善集品此品是第二人王弘經上明也聞正見感動天地此明出世正見感動賢聖云文為二初對告地神二以偈說偈有六十四行半分為二初四行通明因地行檀次六十行半別明善集施財施法別為六一六行半明事本二十一行半明聖王請法三十九行半明尊者宣揚四十行半明輪王行施五二行結會古今六十行半引因果以證以勸慈如文就此品論金光明者善集波羅蜜金也集般若光也集五度明也就寶冥論者在一窟中金也面如滿月光也讀誦如是經明也就二人作者在窟中者金也許勝王說光也王提如意珠雨四天下珍寶明也

也作如此解者三佛歷別若修事之供養供養亦別也圓供養者勸聽經聽經是法之供養諸供養中最為第一第一供養者供養一切佛能說文字是應佛能證是報佛所證是法佛能敬文字即敬三佛亦是敬三世佛諸佛從此生故供養文字即供養一切諸佛云又別時重聞更記之長行舉四願欲而作一勸若欲知佛行處者即如如境法佛也欲知者知是如如智報佛也能聽此經此經即文字文字即應佛也能聽者隨順佛教即法供養法供養即妙供養也聽經能生覺智覺智生故即是佛受供養也聽經一事具諸願欲祇圓一事具別諸事也偈有一百二行半分為六一從若欲供養下一行頌上長行祇能聽經即是舉圓妙以勸脩二從隨所至處下三行半舉聽經即能獲災以勸脩三從於說法處下六行舉聽經致靈瑞以勸脩四從威德相貌下五行半舉聽經有威力以勸脩五從大梵天王下四十九行半舉聽經能致天龍鬼神以勸脩六從於諸眾生下二十七行舉聽經能令國土安樂以勸脩云蓋道者四天上遣神名彌栗頭皮伽陀漢言善品主盡毒也摩醯首羅餘經翻為自在灌頂經翻為威靈帝摩尼跋陀翻為威伏行富那跋陀翻為集主成金毗羅翻為威如王賓

頭盧伽翻為立不動車鉢羅婆翻為忍得脫摩跋羅翻為學帝王摩竭婆羅翻為除曲心續利蜜多翻為有功勳勤却奢翻為調和平劔摩舍帝翻為伏眾根奢羅蜜帝翻為獨處仗隨摩跋陀翻應舍主薩多琦黎翻大力天波利羅跋翻勇猛進毗摩質多翻為高遠跋摩利子翻英雄德波訶黎子翻威武威佉羅鶻馱翻吼如雷鳩羅檀提翻戰無敵脫因者脫業障也脫果者脫報障也度諸有者脫煩惱障也

釋授記品

有四種授記今是二種云授者與也記者記成道事也此中授三大士一萬諸天當來成佛事故言授記亦名授前亦名授決授劫國數量名為前審實不虛名為決從佛所與名為授授從其所得名為受此中從佛所與故言授記此是流通中第四意舉昔行經之因方成圓極之果證弘護不虛以勸流通也文為二一與記二疑記與記為二一與三大士記二與十千天記與三大士記又二一同緣者集二正與記世界轉名淨幢者應論四句此中是其一也十千記又二一聞經生解二正與記云從今時道場下是第二疑記又二一疑問二佛答疑者夫移山填海非一日之功菩提極果積行方勉切利暫下無久聽之勞不

金光明經文句卷下 第七十五 佛字

聞往昔有難思之修行淺記深是故疑惑如  
餘菩薩者六度菩薩引錘指地無非捨身命  
處戒忍禪智滿三僧祇若通教菩薩從假入  
空非止一也脩行從空入假動逾塵劫若別  
教菩薩直行一行動經無量阿僧祇劫況復  
徧行衆行量不可計尚不獲記少時聞經而  
得斯波時來感疑以樹神發問也佛答為二  
一舉現行二舉遠緣現行者捨天官樂故來  
聽經聞三力士獲菩提我昔本捨與其法  
食三事和合故與其記也此意證成鬼神品  
初以妙供養供養三世諸佛及欲得知諸佛  
行處決定至心聽此妙典雖有此言未見其  
人今此十千即其人也聞記當果果必有因  
因金光明生殷重心起功德身心無垢累起  
般若身猶如虛空起於法身一心中聽三德  
圓成復有無量功德說不可盡此不得記記  
與誰乎證聽功德意在於此以隨相脩指今  
現行行隨實相而脩也有妙善根指於遠緣  
也遠緣實相而種善根也從亦以過去下是  
舉遠緣答也文為二一略二廣此中少文是  
略除病流水兩品是廣答也

廣答遠緣由醫王救疾故言除病品通取後  
流水品文為五一緣本二遠緣三近緣四結  
緣五會緣從佛告樹神下明緣本如文從像

金光明經文句卷下 第七十六 佛字

法中下明遠緣遠緣為六一明父二生子三  
國人過病四其子請五父為說六知已徧治  
子請為三一見人過病二思惟三正問問為  
四初一偈問四大增損二問飲食犯觸三問治病  
醫方四問病動時節身火不滅者食飽熱病  
暫息食消熱復更生故言身火不滅也水過肺  
病者水多則損肺即是痰涎也父醫遠答四  
問初六行答四大增損二一行半答飲食犯  
觸三二行答病動時節四八行半答治病方  
就六行中分二初一行是佛教父醫欲答爾  
次五行正答時節時節有二一俗法四時謂  
春夏秋冬冬為歲末春為歲始而初言夏者  
或可趣作此言或可答問正是於夏三三而  
說者一時三月謂孟仲季四時即十二月也  
若依佛說法一歲三時謂冬春夏夏為歲末  
冬為歲始何故爾為破諸弟子著常為開安  
居迦提月故設秋時爾佛法三時亦是三三  
說也若二二說足滿六時者依俗法四時時  
本二月土寄四季各十八日本之二月只是  
陰陽二月一時唯有陰陽二月合成六時正  
月二月是木王時四月五月是火三時七月  
八月是金王時十月十一月是水王時臘月  
三月是陽 王六月九月是陰上寄  
王欲論本月亦二二說若論土寄王亦二  
二說故言足滿六時也若依佛法解二二說

金光明經文句卷下 第七十七 佛字

者佛法有三時時有四月各有初分後分從  
臘月十六日至二月十五日此初分春時從  
二月十六日至四月十五日此二月春後分  
從四月十六日至六月十五日此二月是夏時  
初分從六月十六日至八月十五日此是夏後分  
從八月十六日至十月十五日此二月是冬時初  
分從十月十六日至臘月十五日此二月是冬後  
分故言若二二說足滿六時也又云正月三  
月是陽月二月四月是陰月五月七月是陽  
月六月八月是陰月九月十一月是陽月十  
月臘月是陰月故言若二二說足滿六時三  
三本攝依俗法者正月是春分本月攝後兩  
月悉屬春分四月為夏本月攝後兩月悉屬  
夏分七月為秋本月攝後兩月悉屬秋分十  
月為冬本月攝後兩月悉屬冬分三三本攝  
也又云正月二月正是春時本於中王土寄  
三月攝屬春時四月五月正是夏時火於中  
王土寄六月攝屬夏時七月八月正是秋時  
金於中王土寄九月攝屬秋時十月十一月  
正是冬時水於中王土寄臘月攝屬冬時土  
寄四季正時為本各三月並攝於土故言三  
三本攝攝於客客是土也依佛法言三三  
本攝者本時各三月既廢秋時以秋之三月  
各配入三時時則四月論本則三論攝則一  
故言三三本攝也問四時各有三月此是四

三本攝何謂三三本攝者三為一數以三而數故言三三為本爾隨是時節消息者時如上說或四或三或二或攝等種種不同隨時以意消息斟酌去取若依佛法無秋時而言秋時發病此云何釋從八月半已還隨俗名秋而夏時攝八月下半以去隨俗名秋冬時攝隨時消息者二法之間而斟酌也代謝增損者春動肝病此可治春動脾病此難治夏動心病此可治夏動肺病此難治夏末冬初於秋分中動肺病此可治若動肝病此難治冬動腎病此可治若動心病此則難治論四時增損大略如此問四時皆動病何故去秋時解此為二一為破保常秋時萬物結實人計為常為樂為破此著故去秋時佛為弟子保常心多故也二者為開後安居立迦提月安居本名坐夏八月半內已還若是秋時便是坐秋為此義故廢秋時爾從有善醫師下一行半答犯觸犯觸有六一多坐二多眠此二多致痰宜多行荷散之三多行四多荷五多語生風病宜多眠治之六多淫生一切病即等分病也若火少痰多若火多即熱壯若風多吹火成熱病若風多吹痰成冷病三事若等無病飲食得病者亦有六一過量食二少食不足而止三過飢食四逆時食未飢強與也五妨食如食肉飲生乳使人癩六不曾

食而強食如南人飲漿北人飲蜜苦菜和蜜令不結男豬膏煎白鷄肉令人癩若患熱而飲酒食小麥生牛肉令人失明吐血痢血若病痰而食甜肥醃酸令人味鼻多汁又瘧痢也六六者是六腑大腸小腸膽胃三焦兩膀胱也從多風病者下二行答病起時節四月五月是風生時六月七月是風起時八月九月是風滅時六月七月是熱生時八月九月是熱起時十月至正月是熱滅時八月九月等分生時十月十一月是等分起時十二月正月是等分滅時十月至正月是痰生時二月三月是痰起時四月至七月是痰滅時痰是水病肺也夏日動風者夏日毛孔開通外風得入內風動也熱病秋動者毛孔閉塞熱伏於內不得行故成病等分冬動者春時動水肺病不差至夏復動風風病不差至秋復動熱熱病不差至冬俱動一切病故也二月三月是痰起損肺肺病動也從有風病者下八行半答治病方文為三初二行半未病前以藥防次二行明正以藥治後四行病退以藥補風病夏服肥膩醃酸熱食者夏月毛孔開通具以肥膩潤塞之令風不得入醃酢性熱能消水令體堅實治於風虛熱食流汗引風令出又治虛冷風不得進冷甜是酥乳等能治熱也等分冬服甜酢等除風也肺病服肥膩

塞毛孔令水不得入熱能焦水宜通故能治肺病也飽食發肺病食既多則腸胃盈滿故發肺也食消發熱者如食沃潤則熱病伏食消無潤熱病起也消已虛疎風氣入體故發風也風疎補酥膩醃除風甜除熱肺帶風水宜吐也此中消文出真諦三藏疏中從善女天下是第六知已徧治文為二一病輕聞說即差二病重服藥方除觀心者三毒等分是內病也數息不淨慈心因緣是法華宜聞法藥得悟者信行人病差也作觀研心得悟者法行人病差也眼是春時舌是夏時身是秋時耳是冬時身是四季攝屬諸時妙好五欲增貪病癡惡五欲損貪病妙好五欲損眼病癡惡五欲增眼病平平五欲增癡病違順五欲損癡病三種五欲增覺觀病偏動三種五欲損覺觀病是為增損之相也犯觸者違情犯與順情犯貪不違不順犯癡怒三犯覺觀慢時即發瞋求須時即發貪悔解時即發癡放逸時即發覺觀慈心治瞋不淨治貪因緣治癡數息治覺觀

釋流水品

文云一能流水二能與水與水者與安樂水也一世安樂二出世安樂世安樂者如象負水濟彼枯負是也出世安樂者如發誓言於未來世當施法食與善提記是也流水者流

金光明經文句卷下

卅

緣

除苦惱水也一果報苦惱二業因苦惱流除  
 果報苦惱如治諸病人救彼渴魚是也流除  
 業因苦惱者授三歸說十二因緣讚佛十號  
 是也請父求方欲成流水之義從王借象欲  
 成與水之義既有二能那單以流水題品文  
 中既彰與水之義題品須安流水之名不煩  
 於文二義雙顯出經者之巧為若此也長者  
 者如法華疏中十種長者義也子者持水之  
 子故言子也此文是斷疑中第三結緣之近  
 由近由又二一弄引二正近由弄引又二一  
 行恩布德二國人稱美並如文近由又三一  
 明眷屬二見魚之緣三正救魚如文從未來  
 之世當施法食下是第四正結緣又為四一  
 發捨顯二思惟說法三正說法四更改報生  
 天酬恩供養就更報恩文為四一更改報生三  
 天酬恩而下地三王見光問瑞四長者徵教  
 而定答如文報恩有二義一事二理事者具  
 珠四邊報水飲食因緣十號等四種澤也理  
 者準涅槃文云施食令他得命表常令他得  
 樂是故得涅槃令他得悟是故成自在我如  
 法求財是故得淨用四十千報常樂我淨之  
 恩也第五結會古今者昔佛疑魚數樹神定  
 判十千今神疑行淺記深佛為說妙因緣今  
 昔相開是故結會也  
 釋捨身品

金光明經文句卷下

卅一

緣

捨義甚多財位壽命獨以身當名邪此從正  
 要得名受者須身餘則非要施者正捨身餘  
 旁捨爾故言捨身品文為四一問二答三眾  
 得益四結成問者上聞大士治病救更實為  
 曠濟小入小蟲得二世益時眾顯聞亡身殞  
 命感深契極之事行苦而果樂可得聞邪是  
 故請問佛答為二一敘緣起二正明捨身緣  
 起為十一地塔涌二大眾生疑三佛起禮四  
 樹神問禮五佛答禮六命阿難取七阿難述  
 骨狀八命示大眾九奉命取十佛勸眾禮  
 皆如文從過去有王下是正捨身文為二一  
 長行二偈頌長行為四一明本眷屬二捨身  
 方便三正捨身四捨後悲戀就本眷屬為五  
 一明本眷屬摩訶羅陀此翻大無罪文殊問  
 經云羅陀翻為中摩訶波那羅或云此翻大  
 度詳摩訶提婆此言大天摩訶薩埵此翻  
 大心二游行三各迷相四見產虎五各陳觀  
 見從作是念言我今捨身時已到矣下是捨  
 身方便方便為二初述觀解二起捨顯顯行  
 相扶適產七日者見虎子頭上有七點知已  
 七日出山海經也又云七日眼開又七日不  
 食必死虎兒垂死知是七日或云鬼神示悟  
 如樹神數與正捨身為二一捨身二感動天  
 地捨身後眷屬愁苦先兩兄愁惱各說傷共  
 向捨所次父母愁苦偈九十三行為三初二

金光明經文句卷下

卅二

緣

行通明昔行次列頌長行三結會初如文我  
 念宿命下列頌長行四行頌上平眷屬上有  
 述相陳觀今不頌餘皆頌從時勝大士下二  
 行頌上捨身方便不頌發捨從即上高山下  
 頌上正捨身感動也從是時二兄下頌上捨  
 身後眷屬愁苦從是時王子下頌上父母愁  
 苦從佛告樹神下第三結會結會為三一結  
 會入二結會塔三結會捨顯說是經時下大  
 眾所益也樹神是名禮塔下第四是結問意  
 釋讚佛品  
 此品從能所得名能讚是三番菩薩所讚是  
 一佛世尊能所合標故言讚佛品私謂三番  
 菩薩是能讚一佛是所讚一佛是能讚三番  
 是所讚三番是當佛一佛是現佛通而為言  
 皆是能讚皆是佛故言讚佛品次第者因前  
 十七品故有今品何者序品叙大體如來游  
 於無量甚深法性窮源極邊壽量品極果冥  
 深合廣能起大用懺品勸菩薩若欲脩學當  
 如懺品滅惡讚品生善空品導成四王至散  
 胎捨顯流通說請者之功德正論至善集明  
 說者之功德鬼神至流水說聽者之功德捨  
 身明行者之功德如是等利益出現世者皆  
 是如來大體大智大用金光明力既善始令  
 終初中後竟故諸菩薩等以讚讚佛稱揚教  
 及教主故言讚佛品此文為二一經家敘陳

列讚衆從此至彼金寶蓋刹施三業供養投地是身同聲是口身共暢意業也二正說偈合六十五行半文為三二十行諸菩薩說二十七行信相說三二十八行半樹神說云私謂其文有四前三是能讚後一是所讚所讚又是能讚能讚又是所讚故文云佛從三昧起以微妙音而讚歎言善哉善哉樹神善女汝於今日使說是言豈非所讚讚能讚其文既明不須或也又是印成三番菩薩讚教從序品已來使說如來果地大體大智大用菩薩脩因也上文有佛禮舍利即果身禮因身也今文有佛讚大懺大讚能請能說能聽能行皆是使說也當知使說是果讚因菩薩也即果口讚因口其義昇然果意讚因意任運例成也云問佛何處入定此云從三昧起答初將說經佛游甚深法性今說將竟故從三昧起此經首尾皆在法性中說其文甚明若作入法性者法性自在四佛五佛同處各處共見異見四來四去一住一在隨人所觀皆無障礙也觀心者諸菩薩三業讚佛三業事可解三觀心者觀身不得身身空但有名字名字無量或捨身名檀乃至身空名智慧六度十度八萬塵沙法門名字即空說空不定空假非定假非空非有即顯中道三觀宛然事理六法皆悉具足若無觀慧事亦

不成例如三衣六物若解其意三六俱成若不解者非但無六三亦不成觀心亦爾若得理觀六觀亦成若不得意既無理觀事觀亦不成無六亦無三此之謂也此大好甚廣云

金光明經文句疏卷下